

اخفاء هرم



١٦١

داليا محمد رضا

رواية

رواية رمان

رواية رمان

رواية رمان

اختفاء مريم

مؤسسة سندباد للنشر والإعلام

مؤسسة ثقافية تطرح مشروعًا ثقافيًّا جادًّا على اعتبار أن الثقافة رسالة، من خلال تبني الإبداعات التجريبية الطموحة وتقديمها دون قيد أو شرط، مع احترام حرية التعبير، وتقديم المواهب المتميزة للحركة الأدبية، ونشر الإبداع الجيد، والتعريف بالكاتب عبر وسائل الاتصال المختلفة، والدعائية الجادة للمنتج الأدبي.

الكتاب: اختفاء مريم . رواية

الكاتبة: داليا محمد رضا . مصر

تنفيذ لوحة الغلاف للفنان: أحمد طه

الطبعة الأولى: يناير ٢٠١٠

الناشر: سندباد للنشر والإعلام بالقاهرة

مدير النشر: خليل الجيزاوي

[موقع سندباد:](http://sendbad.net.ms/) http://sendbad.net.ms/

[المراسلة:](mailto:khalilelgezawy@yahoo.com) khalilelgezawy@yahoo.com

للتواصل: ٠١٠٥٨٧٠٥١٤ + ٠٠٢

رقم الإيداع: ٣٢٩٦ / ٢٠١٠

الترقيم الدولي: N .B .S . ١:٩٧٧ . ٥٩٦٦ . ٧١ .
جميع حقوق الطبع محفوظة للناشر .. ويحظر إعادة النشر بكافة
الصور دون إذن كتابي من الناشر وإلا يقع تحت المساءلة القانونية.

داليا محمد رضا

اختفاء مريم

رواية

سندباد للنشر والإعلام

القاهرة ٢٠١٠

الإهداء

إِلَيْهِ الَّذِينَ عَلِمْنَا مِنَ الْأَخْلَاقِ أَجْهَلُهَا وَمِنَ
الْقِيمِ أَثْبَلَهُ وَإِنْ كَانَتْ نَادِرَةً الْوُجُودُ بِعَالَمِنَا الْيَوْمِ.

داليا محمد رضا

الفصل الأول

جلس د. عصام ود. فوزي أمام اللواء صفت، وكان القلق والحزن الشديد يبدو على د. عصام، بينما د. فوزي يشرح للواء صفت
كيف اختفت ابنة د. عصام منذ يومين.

طمأن اللواء صفت د. عصام قائلاً: أنا هتابع الموضوع بنفسي
أنت متعرفش غلاوة د. فوزي عندي قد إيه؟!

قال د. عصام: مريم اختفت فجأة من الفيلا ومفيش أثر لخطف
ولا حد من الشغالين في الفيلا حس بأى شخص غريب ولا شافها وهى
خارجية من الفيلا، في الأول دورنا عليها في كل مكان في الفيلا وبعدين
دورنا عند أقاربنا وأصحابنا ولما لقينا مفيش فايدة سوسن مراتى قالت
يمكن تكون اتخطفت واللى خطفوها هيطلبوا فدية، خفنا نبلغ البوليس
يقتلوها، انتظرنا جنب التليفون لكن محدث اتصل ولا البنت ظهرت.

فسأله اللواء صفت: حد زعلها...؟

أبدًا يا فندم

تدخل د. فوزي قائلاً: مريم بنت د. عصام الوحيدة والدكتور
ميقدرش على زعلها.

فقال اللواء صفت: هل ليك أعداء يا دكتور ...؟!

أبدًا

قال د. فوزي: د. عصام جراح مشهور في البلد وعنه مستشفى استثماري في المعادى وعيادة فتحها في السيدة زينب بكشف مخض للغلابة وساعات بيعالج أهل الحى في المستشفى ببلاش.
فأسرع د. عصام قائلاً: كلها حاجات بسيطة يا د. فوزي مفيش داعي نتكلم فيها.

قال اللواء صفت مطمئناً د. عصام: عموماً أنا هأهتم بالبلاغ بنفسي والعميد عماد هيحقق في القضية وهنعمل تحريتنا ولو شكít في حد بلغنا وهنعمل اللازم.

* * *

ذهب العميد عماد والرائد مدحت لفيلاً د. عصام لفحصها والتحقيق مع العاملين بها، الفيلا تتوسط مساحة كبيرة خضراء وبها ملحق للضيوف، يحيط بالفيلا سور عاليٌ له باب رئيسي مأمن جيداً يحرسه اثنين من الأمن، بالإضافة لعم محمد الباب وهو رجل كبير في السن، وهناك باب خلفي يحرسه رجل أمن واحد وكلب حراسة.
انطلق العميد عماد والرائد مدحت لفحص الفيلا من الداخل والتحقيق مع من فيها، بدأ العميد عماد بسؤال مدام سوسن زوجة د. عصام.

. مريم عمرها كام سنة ...؟!

. سنين ٨.

. عندك صورة حديثة لمريم ...؟

. طبعاً، قامت مدام سوسن بنداء دادة سميحة

حضرت داده سميحة قائله: أيوه يا هانم
هاتى صورة مريم وكمان صورها يوم عيد ميلادها
سأل العميد عماد داده سميحة قائلًا: داده تعرفي مريم كانت
لابسه إيه لما اختفت ...؟
كانت لابسه فستان أبيض منقط بكمالي وعلى الوسط حزام ستان
كمالي متصروره بييه لما كانت بتلعب في الجنينه مع سوسن هانم
هات صورتها بالفستان، هو عيد ميلادها كان قريب...؟!
من أسبوعين بس يا بييه
هاتى صور عيد ميلادها مع صورتها بالفستان
ذهبت داده سميحة لإحضار الصور وأستأنف العميد سؤال مدام
سوسن: مين بيشتعل هنا غير داده سميحة
صفية مديرية المنزل وعم كامل السائق وعم محمد البواب
والأمن على البوابة.
عصام متعاقد مع شركة الأمن المسئولة عن تأمين الفيلا وهى
المسئولة عنهم وبنغيرهم كل فترة.
واضح أن دكتور عصام مهمتهم بأمن الفيلا!
قولي لي يا مدام الشغالين بيجوا الساعة كام وبيمشوا الساعة
كام..؟!

صفية بس هي اللي بتيجي الساعة ٨ صباحاً وبيتمشى الساعة
٨ مساءً وبيتأخر ساعات لو فيه عزومة أو حفلة، عم كامل وعم محمد
بيباتوا في الغرفة جنب البوابة في الجنينه، عم كامل بيسيافر لأهله في

البلد كل جمعة وعم محمد ملوش حد غيرنا، كان البواب بتاع الفيلا من أيام بابا، ولما مات بابا أنا كنت الوريثة الوحيدة وظل بباب للفيلا.
داده سميحة .

داده سميحة الداته بتاعته ولما اتجوزت دكتور عصام كان عمر مريم سنة وهى اللي ربتها معايا وبتبات مع مريم في غرفتها.
قال العميد عماد وقد بدا عليه الاهتمام: هو حضرتك مش والدة مريم ؟

أنا مرات باباها لكن أنا اللي ربتها وهى زى بنتى وأكتر
وفين مامتها...؟!

— مامتها ماتت وأنا انفصلت عن جوزى لأنى مكنتش بخلف وتعرفت على دكتور عصام، كان مساعد بابا وكان بابا معجب ببنوته
كطبيب جداً وأنا كمان أعجبت به واتجوزته ومن يومها ومريم بنتي اللي مخلفتهاش

تفكرى إن حد خطفها ولا خرجت وتابت ومعرفتش ترجع
— لو كان حد خطفها كان طلب فدية ومش ممكن تخرج من غير متقولى، هى مش متعوده تخرج لوحده حتى لو هتقابل أصحابها فى النادى بتخرج مع داده سميحة وعم كامل بيوصلهم.

لاحظ العميد عماد الدموع تلمع في عين مدام سوسن وقلقها يزداد فحاول تهدئتها قائلاً: اطمئنى يا مدام إن شاء الله ه تكون بخير وهنوصل لها بس يا ريت تتعونوا معانا، أي معلومة مهم ما كانت صغيرة ممكن تقدنا.

جاءت داده سميحة ومعها الصور .

. اتفضل يا بيه الصور .

أخذ العميد عماد الصور وأستاذن من مدام سوسن لفحص غرفة
مريم واصطحبته داده سميحة للغرفة بينما اعتذر مدام سوسن؛ لأنها
لا تستطيع دخول الغرفة من يوم اختفاء مريم .

* * *

أخذ العميد عماد يفحص الغرفة جيداً، تبدو الغرفة حقاً لطفلة
مرفهة سرير وثير ومرتب، صندوق كبير مليء بالألعاب، مكتب
وكمبيوتر والعديد من الـ CD لأفلام الكرتون وألعاب الكمبيوتر ، لا تبدو
على الغرفة أي آثار عنف أو اختطاف، سأله العميد داده سميحة: أنت
رتبتى الغرفة بعد اختفاء مريم...؟!

. الغرفة زى ماهية من يوم ما رتبتها يوم اختفاء مريم .

داده احكي لى اللي حصل يومها ومين اللي اكتشف اختفائها .
- يومها كان يوم جمعة مكنش عندها مدرسة صحتها الساعة ١٠
وجبت لها الفطار في السرير زى ما هي متغيرة واطمنت أنها فطرت
ورتببت السرير وسألتها هتعجب في الجنينه قالت لي لأ
هلعب على الكمبيوتر ، نزلت أساعد صفيه في المطبخ، الساعة ١٢
رحت أطمئن عليها ملقتهاش في الغرفة أتصورت أنها في الجنينه نزلت
أدور عليها ملقتهاش في أي مكان سألت الأمان على البوابة محدث
شافها .

. ومدام سوسن كانت فين...؟!

. كانت نايمه فى غرفتها

. من عادتها تنام لوقت متأخر

- لأن اليوم الذى قبله كان أخو الدكتور ومراته وولاده معزومين
على العشاء ونامت متأخر.

. ومريم سهرت معاهم ؟

. مريم اتعشت معاهم وبعدين طلعت لغرفتها ونامت.

— مريم مسهرتش تلعب مع أولاد عمها ليه يا داده خصوصاً أن
تاني يوم كان أجارة.

صمنت داده سمحة وبدا عليها الإرتباك

. داده كلميني بصراحة

. بصراحة الدكتور بيختلف على مريم أولى، بعد العشا ومريم بتلعب
مع أولاد عمها تامر وياسر وجميلة في الجنينه وبيجروا وقعت وعيطت
وراحت تشتكى للدكتور غضب الدكتور وزعق لأولاد أخوه والحكاية
انقلبت لخناقة كبيرة بينه وبين أستاذ فتحي أخوه، اتهمه الدكتور أنه عايز
يموت بنته الوحيدة، خرج أستاذ فتحي هو ومراته وولاده وهو بيحلف أنه
مش هيدخل بيت الدكتور أبداً، وقال لمدام سوسن جوزك هيتجنن من
خوفه على بنته، راحت مريم تنام وسهرت مدام سوسن والدكتور لوقت
متأخر بغرفة المكتب.

! أستاذ فتحي بيشتعل إيه...؟!

. محاسب يا بيه وعنده مكتب محاسبة

. مستواه المادي زي الدكتور

— هو من ٥ سنين كان محاسب في بنك ولما الأرض ميراثه هو والدكتور دخلت كردون مبانى باع هو والدكتور الأرض وأستاذ فتح بنصيبه مكتب المحاسبة.

. العلاقة بين الدكتور وأخوه شكلها إيه بغض النظر عن الخناقة؟

— مش قوية الدكتور دايما بيقول إنه طمعان فيه؛ لكن بعد أستاذ فتح المكتب وأموره المادية اتحسنت مدام سوسن أقفلت الدكتور بتحسين علاقته بأخوه علشان مريم تعرف أولاد عمها ولما تكبر متحسش أنها وحيدة.

. شكراً ياداده لو افتكرتى أى حاجة مهمة بلغينى...!

خرج العميد عماد من الغرفة وهو يتمتم قائلاً : أستاذ فتح.

* * *

بينما العميد عماد يحقق مع من فى الفيلا كان الرائد مدحت يحقق مع رجال الأمن بدءاً بصالح رجل الأمن على البوابة الخلفية.
. بتشتعل هنا من إمتى ...؟!

- من ٧ شهور تقريباً أنا وكل رجال الأمن هنا شركة الأمن بتغير الحراسة كل فترة بالاتفاق مع دكتور عصام آخر مرة شفت مريم أمتى ...؟!

. اليوم اللي قبله لمحتها من بعيد بتلعب مع داده سمحة يوم اختفائها تركت البوابة ولو دقائق رد صالح مسرعاً: لأ يا بيه أنا طول فترة الحراسة عينى عن البوابة

. فترة حراستك تبدأ الساعه كام و بتنتهي الساعه كام !؟...!

— تبدأ ١١ صباحاً و بتنتهي ١١ مساء و طوال ١٢ ساعه يا بيه

مبتحرکش من على البوابة

. افتكر كويس يومها مارحتش هنا ولاهنا ...؟

. أبداً يا بيه...!

. يومها ملاحظتش أى حركة غريبة فى الجينيه ؟

. لاً يا بيه

. اتعاملت مع مريم انطباعك عنها إيه ؟

— هى مدلعة شوية دكتور عصام مبيرفضش لها طلب؛ لكن ساعات بيزعق لها من خوفه الزايد عليها لما بتحب تلعب وتتنطط زى الأطفال اللي في سنها وفي مرة وهي بتلعب مع سizer الكلب (وأشار صالح لكلب الحراسة الواقف على البوابة الخلفية) أصلها بتحب تلعب مع الكلب والكلب متعود عليها وبيحبها جداً، الدكتور شافها وجري عليها بلهفة وزعق لها جامد ونبه علياً أمنعها تلعب مع الكلب وخصم منى ٣ أيام لولا مدام سوسن توسطت لى عنده ولغى الخصم.

. مدام سوسن بتخاف عليها زى دكتور عصام

— هى بتحبها وتخاف عليها لكن مش بزياده زى الدكتور حتى أنا استغربت لما عرفت من شوقى أنها مرات باباها

. مين شوقى...؟!

. شوقى اللي بيحرس البوابة بالليل وأنا بستلم منه الحراسة الصبح

. وعرف منين ...؟!

- سمع الدكتور بيزعق وبيقول للمدام أنت مش خايفه عليها عشان

مش بنتك

. هما بيتخنقو كتير ؟

- أبداً يا بيه الشهادة الله أنا عمرى مسمعتهم بيتخانقو حتى زمايلنا
اللى كانوا بيحرسوا الفيلا قبلنا بيشركونا فيهيم.

سمعهم بيتخنقو أمتى ...؟!

. قبل اليوم اللي اختفت فيه مريم

ذهب الرائد مدحت لإستكمال التحقيق مع رجال الأمن على
البوابة بينما تنفس صالح الصعداء لعدم كشف سره!

حقق الرائد مدحت مع رجال الأمن على البوابة الرئيسية فالاثنين
لم يأتوا بجديد لقد أجمعوا على أن الدكتور وزوجته طيبين القلب هادئين
الطبع يحبون ويدللون ابنته الوحيدة كثيراً مع خوف الدكتور عصام
الرائد عن اللازم، حاول الرائد مدحت التحقيق مع عم محمد لكنه وجده
تائهاً عن العالم الذي حوله، يتكلم عن مدام سوسن على أنها طفلة
صغريرة ولا يميز ما حوله بالإضافة إلى أنه ضعيف السمع.

* * *

قابل العميد عماد مدام سوسن بعد فحص الغرفة والتحقيق مع
داده سميحة، وطلب مقابلة صفية مديرية المنزل ليسألها بعض الأسئلة
وأصطحبته مدام سوسن للمطبخ لمقابلة صفية.

قالت مدام سوسن: سيادة العميد عايز يسألك بعض الأسئلة يا

صفية

. تحت أمرك يا بيه .

. آخر مرة شفتي مريم كان أمتى ...؟!

— يا بيه أنا طول اليوم في المطبخ ومن ساعة متغورت الهانم الصغيرة بالسكينة وهي هنا والهانم والبيه محرجين عليها دخول المطبخ . سمعتى باختفائها أمتى...؟!

— حوالي الساعة ١٢ الظهر سألتني داده سميحة لو كنت شفتها وسألتها ليه هي مش في عرفتها...!

انصرف العميد عماد بعد أن طلب من سوسن عنوان أستاذ فتحى، بينما جلست صفية تتذكر هذا اليوم المشئوم الذي جرحت فيه مريم نفسها عن غير قصد، وكيف غضب دكتور عصام وهدد صفية بالطرد من المنزل؛ لأنها لم تتبع مريم جيداً حتى جرحت نفسها، وكيف كان الدكتور في حالة غير طبيعية لم ترى الدكتور عليها من قبل وكيف أهانها وقال لها إن نقطة الدم الواحدة من ابنته تساوى ١٠ من أمثالها .

* * *

ذهب الرائد مدحت لشركة الأمن، طلب عناوين رجال الأمن بالفترة المسائية؛ لكنه قابل هناك شوقي حارس البوابة الخلفية مساء، كان ذاهباً للشركة لطلب أجازة فعرفه بنفسه وسأله بعض الأسئلة قائلاً:

آخر مرة شوفت مريم كان أمتى ...؟!

. يوم عيد ميلادها .

. معقوله مشفتهاش كل الفترة دي...؟!

ـ ده طبىعى بحكم عملى بالفترة المسائية .

ـ صالح قال إنك سمعت خناقة بين مدام سوسن ودكتور عصام

ـ أيوه يا بيه .

ـ كان إيه سبب الخناقة ...؟!

ـ كانت مدام سوسن بتقله يقلل خوفه على مريم شوية وأنه ب kedde
بيخنق البنت وده مش كوييس على نفسها وقالت له كمان إن مريم
أصبحت منطوية على نفسها وبتجلس بالساعات في غرفتها أمام
الكمبيوتر تتكلم مع ناس متعرفهمش من خلال الأنترنيت .

ـ وهو كان رده إيه ...؟!

ـ زعق وقالها وأنت فين قربى منها بدل قعدتها لوحدها؛ لكن هى
قالت له أنت عارف أنا بحبها وهى كمان بتعتبرنى مامتها لكن دى طفلة
تحتاجة تلعب وتجرى مع اللي فى سنها .
ـ وبعدين أيه اللي حصل ؟

ـ أبدا قال لها أنت مبتخفيش عليها؛ لأنها مش بنتك واضح أنه
جرحها بالكلام ده؛ لأنها مرتدش وزلت الجنينه لكن الدكتور نزل وراها
واوضح أنه اعتذر لها .

ـ متعرفش الكلام اللي دار بينهم لما نزلوا الجنينه ...؟!

ـ لاً يا بيه أنا واقف على البوابة الخلفية أنا بس لمحتهم من بعيد ،
أنا سمعتهم لما كانوا فى غرفة المكتب عشان هى ناحية البوابة الخلفية .
ـ على العموم لو افتكرت أى حاجة ممكن تقيدنا فى القضية

ـ اتصل بيا

وأعطى الرائد مدحت رقمه لشوقى .

وذب للتحقيق مع زكريا ونهاد حارسى البوابة الرئيسية مساء
وأكروا أيضا المعلومات التى أخبره بها زملاءهم .

* * *

كشف العميد عماد جهوده للبحث عن مريم، وقام بعمل نشرة
بأوصافها وزرعها على جميع الأقسام وبحث عنها بجميع المستشفيات
وحتى بين أطفال الشوارع دون جدوى، وأصبح لدى العميد عماد شبه
يقين أنها خطفت وطلب دكتور عصام لمقابلته بمكتبه بالباحث .
قال د. عصام بلهفة: لقيت مريم ...!
للأسف لا

قال د. عصام بغضب: يعني إيه البنت مختفية من ٣ أيام
وحضرتك تقولى للأسف لا...!
اهدا يا دكتور من خبرتى أكيد بنت حضرتك اتخطفت بس غريبة
أن حدش اتصل بك يساومك ...!
وبعدين أنا هاتجن لو حد خطفها متصلش كل ده ليه ...؟
— يمكن حد بيتنقم من حضرتك أو اختفاء مريم من مصلحته ..
بتشك فى حد يا دكتور ...؟!

. أنا بشك فى كل الناس المهم تجيب لى بنتى .
— أوعد حضرتك أنى ها عمل اللازم بس أنا عايز معلومات أدق
عن كل المحيطين بحضرتك وخصوصاً المتربدين على بيتك؛ لأن لو
مريم اتخطفت أكيد اللي خطفها واحد مريم تعرفه كوييس وبتطمئن له

عشان كده غرفتها مفيش فيها آثار عنف، الاختفاء حصل ما بين الساعه ١٢ او ١٠ الظهر حسب أقوال داده سميحة يعني في عز الظهر وده معناه أن مريم غالباً خرجت مع اللي خطفها بإرادتها.

يمكن اللي خطفها نايمها وبعدين خرج بيها من الفيلا.

— من خبرتى لو خطفوها بالطريقة اللي بتقولها كان أحسن له يخطفها بالليل؛ لكن الوقت اللي اختفت فيه بيأكأن اللي خطفها عارف ومتأكد أن دخوله وخروجه من الفيلا عادي ومحدش هيشك فيه.

أخرج العميد عماد من درج مكتبه صور مريم فى عيد ميلادها قائلاً : دى صور عيد ميلاد مريم أكيد فيها معظم أقاربكم ومعارفكم وأصحابكم لاحظت تكرار بعض الأشخاص مع مريم فى الصور واضح أنهم من المقربين لمريم عايز حضرتك تتعرف عليهم وتخبرنى لو بتشك فى حد فيهم.

معنديش مانع .

أخذ العميد عماد الصور ليりيها للدكتور وأشار للصورة الأولى قائلاً : مين ده يا دكتور أنا لاحظت أنه متصرور مع مريم أكثر من صورة

- ده حاتم بيشتغل في المستشفى عندي الصبح تمرجي وبالليل في عيادتي وروحه في مريم بيحبها أكثر من بناته كان بيشتغل في المستشفى من زمن وبعدين شغلته في العيادة أصل ظروفه صعبة وكنت عايز أساعده.

متعود ييجي لحضرتك البيت ؟

— كتير أنا لما بحتاج أى حاجة من البيت وأكون مشغول
مبستأمنش حد غيره يجيها من البيت.

وأشار العميد لصورة أخرى : ومين اللي في الصورة ده ...؟!
أخويه فتحى ومراته وولاده .

علاقتك بيها شكلها إيه ...؟!

— دايما طمعان فيها وحacd عليا ولما ظروفة المادية اتحسنت بعد
بيع أرضنا اللي ورثناها ، فتح مكتب محاسبة ، وسوسن أقعنـتـي أنه أكيد
مش طمعان فيها؛ لأن ظروفـه اتحـسـنـتـ وأـحـسـنـ لـمـرـيمـ تـعـرـفـ عـمـهاـ وأـلـادـ
عمـهاـ ،
ـ بـتـشـكـ فـيـهـ ؟

— أنا مشكش فى حد غيره مفيش حد من مصلحته اختفاء مريم
غيره ولو حصل لمريم حاجة مش هيطول ولا مليـمـ من فلوسـيـ هـأـوـصـىـ
ـ بالـتـبرـعـ بـهـاـ لـلـجـمـعـيـاتـ الـخـيرـيةـ .

ـ اـطـمـنـ هـنـحـقـ مـعـاهـ وـهـنـحـتـهـ تـحـتـ المـراـقبـةـ .

عرض العمـيدـ عمـادـ باـقـىـ الصـورـ عـلـىـ دـكـتـورـ عـصـامـ صـورـةـ تـلـوـ
ـ الأـخـرىـ وـاحـدـةـ لـمـرـيمـ معـ دـادـهـ سـمـيـحةـ وـأـخـرىـ معـ مـدـامـ سـوـسـنـ وـصـدـيقـهـاـ
ـ الـمـقـرـبـةـ لـلـلـيـلـىـ وـأـخـرىـ معـ دـكـتـورـةـ نـبـيـلـةـ مـنـ طـاقـمـ الـأـطـبـاءـ الـمـسـاعـدـينـ
ـ لـدـكـتـورـ عـصـامـ .

* * *

طلب العميد عماد معلومات مفصلة من الرائد مدحت حول العاملين بفيلا دكتور عصام والمتربدين على الفيلا وخصوصاً أستاذ فتحي قبل التحقيق معه بشكل رسمي.

أحضر الرائد مدحت المعلومات المطلوبة.

وببدأ الرائد مدحت في استعراض المعلومات التي توصل لها وببدأ بالعاملين بالفيلا.

داده سميحة ٥٥ سنة تعمل لدى أسرة مدام سوسن من ٣٠ سنة،

لم تفارق مدام سوسن حتى بعد زواج مدام سوسن الأول والثانية خروجها من المنزل قليل جداً، مقطوعة من شجرة، مريم متعلقة بها جداً، صافية مدورة المنزل ٣١ سنة، ليسانس آداب قسم فلسفة، عملت مديرية منزل لعدم توافر فرص العمل ولظروفها المادية الصعبة، متزوجة من ميكانيكي (خريج آداب قسم علم نفس) لديها ولدين، عم محمد البابا فوق السبعين مصاب بالزهايمير، ليس له عمل حقيقي؛ لكن مدام سوسن محفظة به؛ لأنها ليس لها مكان يعيش به، له ولد واحد مهاجر أستراليا، ومن يوم ما هاجر، ما فيش أي أخبار عنه، عم كامل السائق ٥٠ سنة متزوج وله ٣ بنات، عائلته تسكن بطنطا يسافر لهم كل يوم جمعة، عمله مختص بمريم ومدام سوسن؛ لأن الدكتور لديه سيارة أخرى بيسووها بنفسه، رجال الأمن أسامة ٣٣ سنة متزوج وله بنت وولد، جمال ٢٩ سنة أعزب، الاتنين بيحرسوا البوابة الرئيسية من ٩ صباحاً حتى ٩ مساءً، زكريا ٣٧ سنة أعزب مسئول عن أمه وأخواته البنات بعد موته والده، نهاد ٢٥ سنة أعزب الاتنين بيحرسوا البوابة الرئيسية من ٩

مساءً حتى ٩ صباحاً، صالح ٢٨ سنة أعزب يحرس البوابة الخلفية من الساعة ١١ صباحاً إلى ١١ مساءً، شوقي ٣١ سنة متزوج حديثاً لديه طفلة حديثة الولادة عمرها أربعة أيام.

. أربعة أيام

. أيوه يا فندم

— صدفة غريبة مش ملاحظ أنها اتولدت في نفس اليوم اللي اختفت فيه مريم.
فعلا يا فندم.

. كمل باقى المعلومات بعدين نبحث فى الموضوع ده

— أستاذ فتحى العمر ٣٧ سنة بكالوريوس تجارة، الوظيفة محاسب ويمتلك مكتب محاسبة من ٥ سنين يديره هو وزوجته نادية ٣٥ سنة كانت جارته وزميلته بالجامعة، تزوجوا من ١١ سنة بعد قصة حب طويلة أنجبوا ثلاثة أطفال تامر ويسار وجميلة، معروفاً عنه النزاهة والشرف والدقه والحزم في العمل، مستقيم ليس له علاقات نسائية، يقضى كل أجازاته مع زوجته وأولاده.

— أنت متأكد من المعلومات دي يمكن يكون ده مجرد ماسك
لابسه قدام الناس وما خفيما كان أعظم ...!
ده اللي توصلنا ليه ...!

— استمر في مراقبته أصل مش معقول هو رجل مستقيم ومحاسب ناجح وأخوه الوحيد دكتور ناجح وطيب ويساعد الغلابة ليه على خلاف مع بعض.

تردد الرائد مدحت ثم قال: في معلومة مش أكيده عرفتها من واحدة من جيرانهم القدام في إمبابة أن دكتور عصام كان بيحب مدام نادية؛ لكنها فضلت أخوه عليه.

قال العميد عماد مبتسماً: ابحث عن المرأة، مش يمكن هي اللي بتحرض أستاذ فتحى على أخوه، معرفتش من جارتهم القديمة أى حاجة تانية مهمة...!

- الحقيقة هي قالت كلام غريب جداً قالت إن دكتور عصام من صغره وهو بيتص لى في أيد غيره، وأنه من ساعة ما دخل كلية الطب وهو متنك ومحدث عارف يكلمه، ودائماً كان في خلاف مستمر مع والده؛ لكن والدته كانت بتحبه ودلعته أصله طالع لها بيحب الفلوس زي عينيه، ومن ساعة ما والدته ماتت وتخانق مع والده خناقه لرب السما وهو ترك البيت وقطع علاقته بوالده وأخوه، وبعد ٥ سنين مات والده وجاء الحاره يعزى أخوه لكن كان واحد تانى فلوس وعربية آخر موديل، وبعد كده سمعنا أن الأرض اللي ورثها الدكتور وأخوه دخلت كردون المباني، وعزل أستاذ فتحى ومراته من الحارة، وربنا فتح عليه من وسع، ومن يومها ومحدث في الحارة يعرف حاجة عن الدكتور ولا أستاذ فتحى ...!

- فعلاً ده كلام غريب المهم لو كان مش أستاذ فتحي وراء اختفاء مريم مين تانى له مصلحة، جبت معلومات عن باقى المحيطين بدكتور عصام...؟!

— أيوه يا فندم حاتم تمرجي بمستشفى الصفا من ١١ سنة ويعمل بعيادة دكتور عصام، مقرب جدًا منه والكل عارف أن الدكتور عصام مبىرفضش له طلب، الكل بيقول إن سبحان مغير الأحوال زمان كان حاجة ودلوقتى حاجة تانية خالص، زمان أول ما اشتغل فى المستشفى كان بتاع مشاكل ودكتور فخرى كذا مرة كان هيطرده ولما اشتغل دكتور عصام مساعد لدكتور فخرى، حاتم اتقرب من دكتور عصام وحاله أتبدل وأصبح ملتهم فى العمل وبعد فترة التزم دينياً وبىصلى الوقت بوقته، ولما دكتور فخرى مات ومسك دكتور عصام إدارة المستشفى بقى بيصرف له مكافآت كتيرة بحجة أنه غلبان وصاحب عيال، وشغله فى عيادة السيدة زينب اللي قريبه من سكن حاتم فى نفس الشارع، جيرانه بيقولوا نفس الكلام إنه كان بطجي وصايع وبعدين ربنا هداه وأصبح تقوى وإيمان وليس مراته النقاب، مراته ست بيت وعنه ٥ بنات وولد واحد مات من سنتين فى حادثة عربية وزعل عليه جداً؛ لأنه الولد الوحيد وجه بعد شوقة وفكري يتجوز تانى عشان يخلف ولد دور فعلا على عروسة؛ لكن فجأه رجع فى كلامه وقال إن بيته ومراته أولى باهتمامه.

— متدين وتقى وقريب جداً من دكتور عصام يعني لو واحد عايز ينتقم من دكتور عصام ممكن يستخدمه بشكل ممتاز.

لكن ملوش مصلحة وواضح أن الدكتور كريم معه جداً.

— ممكن من غير قصد بيسبس معلومات مهمة عن الدكتور وبنته وبنته أو بقصد لو مثلاً أى شخص أقنעה أن الدكتور كافر ، راقبه ٢٤ ساعة فى الـ ٢٤ ساعة ميغبش عن عينك لحظة.

حضر هاته تحت المراقبة.

— من المعلومات اللي جبتها مستشفى الصفا مش ملك دكتور

عصام

— كانت ملك دكتور فخرى والد مدام سوسن ولما مات ورثته بنته الوحيدة وبعد ما ورث دكتور عصام والده عمل توسيعات بالمستشفى وأصبح شريك بنسبة ٣٠٪، عارف يا فندم أنا بعتقد أن ممكن يكون الدكتور فعلا هو الطماع لكن دكتور شاطر قرب من دكتور فخرى وبناته واستغل أنها مبتخلفشه وهو عنده بنته من مراته اللي ماتت اتجوزها، ولأن أخوه عارفه على حقيقته وفي نفس الوقت اتجوز اللي كان بيحبها بعد عنه بحجة أنه طمعان فيه ولما ورث هو وأخوه وربنا فتح على أخيه ملقاتش حجة يقولها لمراته لما ضغطت عليه عشان يرجع علاقته بيها فاستجاب لها واللى فى القلب فى القلب.

— يا حضرت الضابط احنا ملناش دعوى بماضي الدكتور الرجل مقدم بلاغ باختفاء بنته واللى علينا أتنا ندور عليها ونرجع له.

— يا فندم لو هو فعلا طماع يمكن يكون داس على ناس كتير عشان يوصل للي هو فيه وفي الحالة دي مش هيقول لنا أعداءه اللي ممكن يكون مش فاكرهم أصلا واحدنا لازم نعرف أعداءه عشان نوصل.

— لو افترضنا أن نظريتك صح ليه بيعمل الخير ده كله كشف

مخفض للغلابة وعمليات ساعات ببلاش...؟!

- يمكن يكون إحساس بالذنب بيحاول يكفر عن أخطائه، في ناس عشان توصل لهدفها بتعمل كل حاجة مشروعة وغير مشروعة ولما

بتوصيل لهدفها يبدأ الإحساس بتأنيب الضمير ، ويمكن يكون عشان كده
بيحب حاتم التمرجي ؟ لأنه شايف فيه نفسه طماع فاسد وانقلب حاله ،
حاتم ميقدرش يكفر عن أخطائه غير بالصلوة والصوم ويمكن الدروشة ،
لكن الدكتور بيكر عن أخطائه على طريقة الأغنياء اللي بعد تكوين
ثروة كبيرة بكل الطرق بيفتكروا الغلابة اللي يمكن يكونوا داسوا على
ناس زيه كتير وهم في مشوار تكوين الثروة .

أنت رأيك إيه ...؟!

نعمل تحريات عن الدكتور مفصلة يمكن نوصل لحاجة مهمة

موافق ابدأ فوراً ... !

حاضر يا فندم ... !

* * *

الفصل الثاني

جلس دكتور عصام بمكتبه بالمستشفى يتأمل صورة ابنته؛ لقد مر أربعة أيام ولم يتوصّل البوليس لها أو لأي معلومة تطفئ ناره، ففزت فجأة في رأسه ذكرى والدتها همسة، لقد كانت اسمًا على مسمى وتنظر كيف لفت نظره أول مرة عندما دخلت تسندها صديقتها للمستشفى الحكومي الذي تم تكليفه بها بعد تخرجه، كانت تعانى من ألم بجانبها الأيمن ووقفت صديقتها بالاستقبال لا تعرف ماذا تفعل؟! لم يفوّت الفرصة وقدم نفسه وعرض المساعدة وأنهى الإجراءات بالاستقبال، وحولت لغرفة العمليات، لم يكن هناك شيء خطير، كانت تعانى تضخم بالزانة الدودية وتم استئصالها، كانت رقيقة وجميلة ولكن ليس هذا ما لفت نظره لها، ما لفت نظره لها مظهرها الذي يدل على أنها من أسرة غنية، فقرر أن ينسج حولها خيوطه، طلب رقم تليفونها بحجة الاطمئنان عليها، وتعددت المكالمات ثم اللقاءات، نظر لها على أنها فرصة الوحيدة لتحقيق أحلامه، فرغم تقوّه بالدراسة تخطوه بالجامعة؛ لتعيين ابن رئيس القسم، وتم تكليفه بهذه المستشفى الحكومي، وفي نفس الوقت لا يمتلك مالا لفتح عيادة، ويسكن مع اثنين من زملائه بالعمل في غرفة فوق السطح، لم يجد غيرها، بعد خناقه مع والده وتركه للمنزل؛ لأنّه فاتح والده في أنه يريد خطبة نادية جارتهم؛ لكن والده رفض وثار عليه؛ لأنّه يعرف جيداً أن نادية مرتبطة بأخيه

وسيتزوجها بعد تخرجه، خرج من المنزل وهو يقسم أنه لن يرجع إلا إذا أصبح دكتوراً ناجحاً وثرياً حتى تندم نادية على أنها فضلت أخيه؛ وليرثت لوالده أنه أفضل من أخيه الذي كان يشعر دائمًا أنه يحبه أكثر منه.

وتتأكد بمرور الوقت أن همسة بالفعل هي التي تستطيع أن تتحقق أحلامه، فوالدها مدرس كيمياء سافر لدول الخليج ١٠ سنوات، وعندما عاد أسس مدرسة خاصة بمنطقة الدقي، وبعد فترة تعددت فروع المدرسة بأرقى مناطق القاهرة، وأصبحت له علاقات قوية بأرقى العائلات؛ ولكن كانت هناك مشكلة أخذت كل تفكيره، هل والد همسة سيوافق عليه، وهو في هذه الظروف خصوصاً أنه عرف من همسة أن اختها الكبرى متزوجة من رجل أعمال وأختها التي تليها مخطوبة لملحق تجاري بالخارجية، فقرر ألا يترك الأمر للظروف، وضع خطة محكمة وأبلغ همسة أنه مرشح لبعثه بالخارج ويخاف أن تصيبه من يده وأنقنها بأن تتزوجه عرفيًا، رفضت في البداية وأكدت له أنها تستطيع إقناع والدها بأن يوافق عليه خصوصاً أنه مرشح لبعثه للخارج؛ لكنها وافقت بعد أن علمت أن ابن شريك والدها بشركة المقاولات التي تم افتتاحها حديثاً يريد أن يتزوجها ووالدها موافق عليه، وبعد فترة طلب مقابلتها بالشقة التي يتقابلان بها؛ ليخبرها أن البعثة طارت منه، وأن هذه البعثة كان يعلق عليها كل آماله وأحلامه، جلست تواسيه وفجأة رن جرس الباب وذهب عصام؛ ليفتح الباب فإذا بوالد همسة، يتذكر عصام جيداً كيف كانت حالة همسة عندما رأته كاد يغشى عليها، وكيف اندفع والدها إليها

بغضب، وقف عصام بالطبع موقف شهامة وأخبره أنها زوجته وأنه يحبها جدًا، أخذها والدها للمنزل؛ ولكن بعد أن توعده عصام أنه سيلغ الشرطة إذا تعرض لها بأذى، بالطبع كان الموقف صعب على همسة، وفي نفس الوقت والدها، ولكن لم يكن كذلك على عصام، فهذا ما كان يريده، أن يضع والدها أمام الأمر الواقع؛ ليجبره على الموافقة على الزواج الرسمي وأمام الناس، ما لم تعرفه همسة ولا والدها أنه هو من اتصل بوالدها وأخبره أن ابنته تواعد شاباً وأنهما يتقابلان بشقة خاصة وأعطى له العنوان وادعى أنه فاعل خير

جلس عصام يتذكر كيف سيطر عليه القلق بعد مرور يومين؛ لأنه لا يعرف كيف تسير الأمور على الجانب الآخر، وقرر الذهاب إلى منزلها بعد انتهاء عمله بالمستشفى، في نفس الوقت أصيبت همسة بانهيار عصبي حاد، وحاولت الانتحار ونقلت للمستشفى، وتم إنقاذهما وطلب والدها أكبر طبيب نفسي بالبلد؛ ليأخذ رأيه في حالتها، طلب الطبيب تنفيذ ما تريده؛ لأنها لو ظلت على حالتها فهناك احتمال كبير أن تحاول الانتحار مرة أخرى، رق قلب والدها وانهارت مقاومته أمام دموعها، فوجئ عصام وهو بالعمل بمن يخبره أن له تليفون مهم بالاستقبال، وإذا بوالدها يطلب منه الحضور؛ لأنه يريد التفاهم معه، ذهب مسرعاً وصارحه بكل ظروفه واتفقا معاً على إتمام الزواج الرسمي وعمل فرح كبير بأكبر الفنادق، وهكذا مرت الأحداث كما رتب لها وبعد فترة تودد لوالدها كثيراً واستجاب والدها لتودده وخاصة بعد أن تأكد والدها أنه غير طامع في أمواله، فلم يطلب منه مالاً أبداً، ولكن بطريق

غير مباشر طلب من همسة أن تتوسط عند والدها؛ ليجد عمل له بمستشفى استثماري كبير، أفاق دكتور عصام من ذكرياته على دقات على باب مكتبه من دكتورة نبيلة مساعدته؛ لتخبره أن غرفة العمليات جاهزة لعمل عملية تقنيت الحصى بالكلى لعم محروس.

* * *

ذهب العميد عماد لمكتب أستاذ فتحي وطلب من السكرتيرة مقابلته ودخل إلى مكتبه.

. العميد عماد من المباحث.

. أهلاً وسهلاً افضل استريح.

. شكرًا، طبعًا عرفت باختفاء مريم بنت د. عصام أخيك.

— أيوه ورحت أطمئن عليه وعلى مريم وأعرف لو كان وصل لأي معلومات وللأسف اتعصب علياً واتهمنى أنى وراء اختفائها.

فعلا هو بيتهكم لأنك الوحيد اللي له مصلحة باختفاء مريم

. أفهم من كده أنى متهم وبتحقق معايا ؟

— إحنا لسه بنحقق في الموضوع ومبنيوجهش لك اتهام رسمي،
ممكن تعتبرها دردشة.

— أنا تحت أمرك ولو أقدر أساعد فى أي حاجة مش هتأخر،
البنت ملهاش ذنب في تصرفات أخيها ويهمني أنكم توصلوا لها.

. تفكير أخيك له أعداء ... !؟!

. مقدرش أحدد بالضبط، أنا علاقتى بيه كانت مقطوعة مدة طولية
. وأمتنى اتجددت العلاقة بينكم.

— من خمس سنين مات والدي ونشرت النعى في الجريدة وعرف
عصام وجه العزا وكان واحد تانى .
قاطعه العميد عماد قائلًا: تقصد إيه بواحد تانى عشان غنى
ودكتور ناجح .

— حكاية النجاح والغنى أنا كنت عرفتها لما بدأت أخبار نجاح
عملياته تنتشر في الجرائد كنت متابعاً لها مهما كان أخوي الوحيد
وصدقني فرحت له من كل قلبي، لما حضر العزاء كان واحد تانى في
طبعاه، عصام كان دايماً عصبي يفقد أعصابه لأنفه الأسباب متجمهم
الوجه متعال على الناس، لكن اللي شفته قدمى شخص هادى بشوش
متواضع.

تفتكر إيه اللي غيره !؟... .

— أعتقد أن العمل كجراح يحتاج إلى هدوء أعصاب ويمكن يكون
اكتسب من عمله هذه الصفة والحقيقة أنا كنت سعيد أنه أتغير للأحسن،
المهم أنه عرض عليا بيشترى نصيبي في الأرض اللي ورثاها من والدي
بحجة أنه عارف ظروفني وهو فعلاً عرض مبلغ كبير عليها لو كانت
مدخلتش كردون مباني ولسه أرض زراعية؛ لكن أنا بلغته أنها بقت
أرض مباني

. واشتري نصيبيك بعد ما عرف ؟

— الحقيقة لا عرضناها للبيع وكل واحد خذ نصيبيه، عارف
حضرتك أن والدى عرض عليا يكتب الأرض باسمى وأنا رفضت ولما

مات لقيت عقد ابتدائى للأرض باسمى، ورغم كده اعتبرت أن العقد كان
لم يكن واكتفيت بنصيبي الشرعي.
العلاقة بينكم بعد كده كانت إزاي.

— اقرحت عليا نادية مراتى يوم افتتاح المكتب أعزمه هو ومراته
وبنته وفعلا حضروا كلهم الافتتاح واندمجت نادية مع مدام سوسن مرات
أخوي جداً وبعد أسبوعين اتصلت مدام سوسن تعزمنا على العشا وتالت
الزيارات وأصبحت العلاقات بنا متصلة.
وإيه الحصول بعد كده ...؟!

— في البداية كان خوفه على مريم زيادة؛ وده منطقى؛ لأنها بنته
الوحيدة، لكن من سنتين خوفه أتحول لقلق زايد عن الحد وبدأ يضايق
البنت، متجريش متلعيش لدرجة أن البنت كانت بتصعب عليا وكل ما
أوجهه أو أعتابه يلومني وتقلب خناقة وآخر خناقه كانت الليلة اللي قبل
اختفاء البنت.

تفكر ليه من سنتين بدأ قلقه عليها يزيد...؟!
— من سنتين مريم تعبت شوية؛ لكن طلع عندها الزايدة واتعملت
لها العملية حضرتك عارف أنها عملية بسيطة.
تفكر ده سبب كافي لزيادة قلقه ...؟!

— يمكن تعبها وعمله كدكتور جاب له هاجس أنها ممكن تصاب
بأى مرض زي آلف المرضى اللي بيعالجهم كل يوم فزاد خوفه وقلقه.
— تفكك تصرفاته كانت بتجرح مدام سوسن خصوصاً أنها
مبتخافش وأكيد لو كانت جابت أطفال خوفه على مريم كان هيقل!

صمت أستاذ فتحي قليلا ثم قال: أعتقد أنها لو تعرف أن عصام هو كمان صعب يخلف الأمر ها يختلف.
حضرتك متتأكد !؟

أنا عرفت بالصدفة من جد مريم من سنه تقريبا
والد مراته الأولى .

أيوه، أصل مكتب المحاسبة اللي كان بيعمل له حساباته أغلاق من عام تقريبا ورشح مكتبي له صديق من أصدقائي ، في البداية مكنش يعرف أني أخو عصام ولا أنا كنت أعرف أنه جد مريم؛ لكن مع مرور الوقت توطدت العلاقة بينا ونادية أتعرفت على بنته الكبيرة، وعرفت منه أن كان عنده ٣ بنات؛ لكن بنته الصغيرة ماتت بسبب تكرار الإجهاض؛ لأنها كانت بتحمل بالحقن، الحيوانات المنوية عند جوزها كانت ضعيفة، وأخر مرة كتب الله لمولودها الحياة، وماتت هي بعد الولادة، وأنه بسبب أحاسسه إن جوزها السبب في موتها؛ بقت العلاقة معاه في حدود فقط الاطمئنان على حفيته ولما عرفت أنه جد مريم أخبرته أني أخو عصام لكن ده مأثرش على العمل اللي بنا.

معرفتش منه أي معلومات تانيه...؟!

ابتسم أستاذ فتحي وقال: عرفت منه معلومة مهمة فعلا لكن معتقدش أنها هتفيدك في التحقيق.

أحس العميد عماد من ابتسامة أستاذ فتحي الغامضة أن وراءها شيء مهم فصمم على معرفة هذه المعلومة قائلا: ممكن أعرف إيه المعلومة اللي عرفتها.

— عرفت أن عصام لما عرض عليا يشتري الأرض كان عارف
ومتأكد أنها أرض مباني واتصل بحماه السابق؛ لأنه عارف أن له
علاقات بالمسؤولين للتأكد قبل ما يحضر العزاء بيوم واحد يعني يوم
نشر النعي في الجرائد.
متتأكد !؟ .

لما حماه عرف أني أخوه وأن المكتب فتحته بفلوس الأرض قالى
أنه هو اللي أتأكد بنفسه من الخبر ده لما طلب منه عصام ..
يمكن طلب منه التأكد بعد ما عرف منك !
من الصعب على واحد متعلق بوالده زى أن ينسى موعد وفاته .
خرج العميد عماد وهو شــبه متتأكد من وجهة نظر الرائد مدحت
في دكتور عصام .

* * *

مر أسبوع ولم يتوصل العميد عماد لجديد في القضية، جلس
بمكتبه يقلب في أوراق القضية محاولا الوصول لأي افتراض قد يفيده ،
كل الشــواهد تؤكد أن لو هناك اختطاف فليس بغرض المال ، فإما
للانتقام أو لأن اختفاءها من مصلحة الخاطف ، ولا يوجد شخص له
مصلحة غير أستاذ فتحي ، ولكن بحكم المعلومات التي جمعها وانطباعه
الشخصي عنه فإنه ليس من هذا النوع الذي يقتل فتاة بريئة من أجل
المال؛ لكنه في نفس الوقت لم يستبعده تماماً، وبدأ يتخيل ما يمكن أن
يكون حدث يومها في كل الأحوال ، لابد أن تخرج مريم من إحدى
البوابتين إما الأمامية أو الخلفية؛ لأن احتمال تسلق الســور في هذا

الوقت من النهار مسـتبـعـ جـداـ إـلاـ إـذـاـ كانـ أحـدـ رـجـالـ الـأـمـنـ مـتـورـطـ بالـأـمـرـ،ـ أـخـذـ عـمـادـ يـقـلـبـ فـيـ الـمـعـلـومـاتـ الـمـتـوـفـرـةـ لـدـيـهـ عـنـ رـجـالـ أـمـنـ الـفـيـلـاـ،ـ مـنـذـ الـبـدـاـيـةـ اـسـتـبـعـ زـكـرـيـاـ وـنـهـادـ؛ـ لـأـنـ مـرـيمـ اـخـتـقـتـ مـاـ بـيـنـ السـاعـةـ ١٠ـ وـ ١٢ـ ظـهـرـاـ وـفـتـرـةـ حـرـاسـتـهـمـ مـاـ بـيـنـ ٩ـ مـسـاءـ وـ ٩ـ صـبـاحـاـ،ـ يـتـبـقـيـ أـسـامـةـ وـجـمـالـ حـارـسـيـ الـبـوـابـةـ الرـئـيـسـيـةـ مـنـ ٩ـ صـبـاحـاـ حـتـىـ ٩ـ مـسـاءـ،ـ وـشـوـقـيـ وـصـالـحـ،ـ فـصـالـحـ يـسـتـلـمـ مـنـ شـوـقـيـ حـرـاسـةـ الـبـوـابـةـ الـخـلـفـيـةـ السـاعـةـ ١١ـ أـيـ هـنـاكـ سـاعـةـ مـنـ فـتـرـةـ حـرـاسـةـ شـوـقـيـ قـدـ تـكـونـ مـرـيمـ خـطـفـتـ خـلـالـهـاـ وـأـيـضـاـ هـنـاكـ سـاعـةـ كـامـلـةـ مـنـ فـتـرـةـ حـرـاسـةـ صـالـحـ قـدـ تـكـونـ خـطـفـتـ خـلـالـهـاـ،ـ رـجـحـ عـمـادـ أـنـ يـكـونـ إـحـدـيـ حـارـسـيـ الـبـوـابـةـ الـخـلـفـيـةـ سـاعـدـ الـخـاطـفـ؛ـ لـأـنـ رـشـوةـ شـخـصـ وـاحـدـ أـفـضـلـ وـآمـنـ لـلـخـاطـفـ لـتـقـلـيلـ عـدـدـ مـنـ يـعـرـفـ شـخـصـيـتـهـ فـإـمـاـ أـنـ يـكـونـ شـوـقـيـ مـنـ سـاعـدـ الـخـاطـفـ مـعـتمـدـاـ عـلـىـ أـنـ اـكـتـشـافـ اـخـتـقـاءـ مـرـيمـ سـيـأـخـذـ وـقـتاـ وـيـكـونـ هوـ قـدـ سـلـمـ الـحـرـاسـةـ لـصـالـحـ فـلـاـ يـشـكـ بـهـ أـحـدـ فـيـقـرـقـ الـأـمـرـ بـيـنـهـ وـبـيـنـ صـالـحـ وـأـسـامـةـ وـجـمـالـ وـرـبـماـ يـكـونـ هـذـاـ هـوـ السـبـبـ لـاـخـتـيـارـ ذـلـكـ التـوـقـيـتـ،ـ بـنـفـسـ الـمـنـطـقـ قـدـ يـكـونـ صـالـحـ،ـ مـعـ الـأـخـذـ فـيـ الـاعـتـبـارـ أـنـ زـوـجـةـ شـوـقـيـ كـانـتـ بـالـمـسـتـشـفـيـ تـلـدـ مـولـودـهـاـ الـأـوـلـ،ـ فـقـدـ يـكـونـ صـالـحـ أـقـنـعـ شـوـقـيـ أـنـ يـذـهـبـ لـزـوـجـتـهـ الـمـسـتـشـفـيـ،ـ وـاـسـتـلـمـ مـنـهـ الـحـرـاسـةـ مـبـكـراـ عـنـ موـعـدهـ وـسـهـلـ لـلـخـاطـفـ عـمـلـيـةـ الـخـاطـفـ،ـ وـبـدـأـ يـتـصـورـ كـيـفـ حدـثـ الـخـطـفـ بـمـسـاعـدـةـ أـحـدـ الـحـارـسـينـ مـرـ الـخـاطـفـ دـاـخـلـ الـفـيـلـاـ وـصـعـدـ لـمـرـيمـ وـأـخـذـهـ؛ـ وـلـأـنـ شـخـصـ تـعـرـفـهـ جـيدـاـ ذـهـبـتـ مـعـهـ،ـ وـخـرـجاـ مـعـاـ مـنـ الـبـابـ الـخـلـفـيـ؛ـ وـلـكـنـ الـأـمـرـ الـمـحـيرـ كـيـفـ لـشـخـصـ أـنـ يـدـخـلـ الـفـيـلـاـ وـيـصـعـدـ لـغـرـفـةـ مـرـيمـ دـوـنـ أـنـ يـشـعـرـ بـهـ أـحـدـ حـتـىـ

لو كان من المقربين من دكتور عصام وزوجته إلا إذا كان شخصاً من داخل الفيلا من حقه الدخول والخروج من غرفة مريم دون إثارة أي شبكات، ولمنع في رأس عماد فكرة أخرى ماذا لو ملت مريم من اللعب بغرفتها ونزلت بالجنيه بمفردها سيسهل ذلك على الخاطف كثيراً.

دخل الرائد مدحت مكتب عماد فوجده غارقاً في أفكاره فأفاقت منه أفكاره قائلاً: حضرتك لسه هنا مش هتروح عارف الساعة كام...؟!
فأجابه قائلاً: ياه محستش بالوقت أسمع تعال معايا عندنا زيارة

مهمة!

زيارة مين...؟!

— لشوفي حارس فيلا دكتور عصام النهارده سبوع بنته تعال وهفهمك في الطريق.

* * *

ذهب العميد عماد مع الرائد مدحت لمنزل حماة شوقي لحضور سبوع ابنته وشرح له عماد شكوكه وعندما وصلاً للمنزل سمعاً أغاني السبوع وتهليل وزغاريد تتبعث من المنزل، فاستدار عماد للرائد مدحت قائلاً: واضح أننا حسبنا صح النهارده فعلاً السبوع...!

دق العميد عماد الجرس وفتحت سيدة تبدو في الخمسينات من العمر تبدو عليها الفرحة وبدأ العميد عماد بالكلام قائلاً: شوقي موجود؟

فردت السيدة: أتفضل أتفضل أقول له مين ...؟

فأجابها: العميد عmad والرائد مدحت.

ففقط اعطاها قائله: أكيد حضرتك صاحب شركة الأمن اللي بيشتغل فيها أنا حماته وخالته على فكرة إحنا متشكرين قوى على السلفة اللي حضرتك وافتقت عليها.

فأجابها الرائد مدحت حضرتك فاهمة غلط
قاطعه العميد عmad موجهاً كلامه لحمة شوقي: هو كان محتاج
السلفة للدرجاتي...؟!

فأجابته: أيوه حضرتك متعرفش الفلوس دى عملت لنا إيه لولاه
مكنتش بنتي ولدت في المستشفى ولا السبوع ده أتعمل...!
نظر العميد عmad للرائد مدحت وقال الرائد مدحت: فين شوقي
إحنا عايزين نبارك له ؟

فأجابـتـ: لحظة واحدة أقضلوا في الصالون هنادي عليه حالـاـ.
وفتحـتـ لهم الصالـونـ وذهـبتـ تـنـادـيـ شـوـقـيـ وهـىـ تـقـولـ:ـ شـوـقـيـ
شوـقـيـ العـمـيدـ صـاحـبـ الشـرـكـةـ الليـ بـيـشـتـغـلـ فـيـهاـ وـمـعـاهـ رـائـدـ.
فـأـتـىـ شـوـقـيـ مـسـرـعاـ لـالـصـالـونـ؛ـ منـ عـلـىـ الـبـابـ عـرـفـ أـنـ الرـائـدـ
مدـحتـ الذـيـ حـقـقـ مـعـهـ وـمـنـ المـؤـكـدـ أـنـ الـآـخـرـ هوـ العـمـيدـ عـmadـ مـسـئـولـ
عـنـ القـضـيـةـ وـبـداـ عـلـيـهـ الـارـتـبـاكـ وـقـالـ:ـ أـهـلاـ وـسـهـلاـ أـيـ خـدـمـةـ ؟ـ
فردـ العـمـيدـ عـmadـ قـائـلاـ:ـ أـبـدـاـ عـايـزـينـ نـدـرـدـشـ مـعـاـكـ شـوـيـةـ
بـخـصـوصـ القـضـيـةـ.

أـنـاـ تـحـتـ أـمـرـكـمـ بـسـ أـنـاـ قـلـتـ كـلـ حاجـةـ لـسـيـادـةـ الرـائـدـ.
فـقـالـ الرـائـدـ مدـحتـ:ـ سـيـادـةـ العـمـيدـ عـايـزـ يـتـأـكـدـ مـنـ شـوـيـةـ مـعـلـومـاتـ.

قال العميد عماد: الأول مبروك المولودة الجديدة.

فأجابه شوقي: ربنا يبارك في حضرتك.

واضح أنك بتحب الشغل قوى بدليل أنك مخدش أجازة يوم مراتك

ما كانت بتولد.

— أنا مكنتش أعرف أنها هتولد في اليوم ده أصلها تعبت فجأة

وراحت المستشفى وبعدين اتصلت حماتي بيا.

. وطبعاً رحت لهم على طول لما اتصلت بيكم حماتك.

قال شوقي في ارتباك: أنا مسبتش البوابة غير لما جه صالح

وأستلم مني الحراسة.

كانت الساعة كام؟

قال شوقي بتلعم: ١١ بالضبط

نظر العميد عماد لشوقي برببه قائلاً: متأكد؟

. أيوه طبعاً.

. هي مراتك راحت المستشفى الساعة كام

مش عارف بالضبط

. ومش فاكر حماتك اتصلت بيكم الساعة كام كمان

قال شوقي بغضبة: أنا مش عارف إيه علاقة ده بالموضوع

المهم أنى سلمت الحراسة لصالح الساعة ١١

نظر العميد عماد نظرة جادة وغضبة ثم وجه كلامه للرائد

مدحت قائلاً: كنت بتقولى يا سيادة الرائد أنك مشتبه فيه خلاص اعمل

. له استدعاء ولفته كعب داير يمكن يكون عليه قضية هنا ولا هناك.

وهم العميد عماد بالانصراف والرائد مدحت لكن شوقي استوقفهما
موجهاً كلامه للعميد عماد قائلاً: يا بيه أنا ماشى جنب الحيط أنا هقول
لحضرتك اللي حصل أصل صالح أتأخر عن ميعاده وأنا كنت عامل
سلفة من الشغلاليوم اللي قبله عشان مصاريف الولادة والفلوس كانت
معايا ومكنتش عامل حسابي أن مراتي هتولد في اليوم ده ولما اتصلت
حاتي وأتأخر صالح عن ميعاده مشيت الساعة ١١ وعشرة ولما اتصلت
بها على الموبايل طلب مني أنتظره لما يوصل عشان المترو أتأخر؛
لكن أنا كنت في طريقي للمستشفى وعرفت منه بعد كده أنه وصل
أوتلت واتفقنا يكون ده سر بینا لما اختفت مريم.

. ولحقت مراتك في المستشفى ...؟

. الحمد لله .

. وسجلت البنت بنفسك...؟

. أيوه يا بيه

. ممكن توريني شهادة الميلاد...؟

. حاضر لكن شهادة الميلاد مالها ومال القضية.

وذهب شوقي لإحضار شهادة الميلاد بينما قال الرائد مدحت في
تعجب: ليه يا فندم...؟

. هتعرف حالا.... .

أحضر شوقي الشهادة وأعطها للعميد عماد قائلاً: أتفضل
نظر العميد عماد للشهادة مبتسمًا ثم قال: تركت الحراسة على
البوابة ١١ وعشرة ورحت المستشفى اللي في دار السلام ودفعت

الحساب في الاستقبال واطمانت على مراتك وسجلت البنت كل ده في ٥
دقائق

قال شوقي وهو مرتبك: تقصد إيه يا بييه ؟...؟
قال العميد عماد غاضباً: شهادة الميلاد مسجلة الساعة ١١ وربع،
تركت الحراسة على البوابة الساعة كام...؟!
— بصراحة يا بييه الساعة ١٠ ونص، صالح لما اتصل أنا كنت
في المستشفى وفهمته أني هاترك الحراسة بعد دقائق.

خرج الرائد مدحت والعميد عماد من منزل شوقي وجلس شوقي
منهاراً يفكر فيما حدث؛ لأنه أدرك أنه في ورطة قد تفده العمل.

* * *

جلس العميد عماد والرائد مدحت بالكافيتيريا يشرب كل منهما
فنجانًا من القهوة، نظر مدحت للعميد عماد قائلاً: بتقدر في إيه يا
فندم..؟!

. ممكن تكون الصدفة فقط هي اللي خدمت خطف مريم.
. يمكن يا فندم.

- إزاي يعني الجاني ترك كل حاجة للصدفة، يعني لو افترضنا أن
الباب الخلفي ترك بدون حراسة من ١٠ ونص إلى ١١ وتلت تقريباً
بالصدفة واللي خطفها دخل وطلع غرفتها ونزلت معاه بدون مقاومة
ومحدش شفها ولا حس بيه...!
قاطعه الرائد مدحت قائلاً: يمكن نزلت تلعب في الجنينه وده سهل
الأمر على الجاني...!

— أنا كمان فكرت أنها ممكن تكون نزلت تلعب في الجنينه لكن مش ملاحظ أن كده الصدف كترت قوى يعني في واحد يخطف من غير ترتيب لأي حاجة إيه سايبها لتساهيل ربنا زي متيجى...!

— الحقيقة يا فندم الصدف دى ممكن تتجمع في حالة واحدة لو الخاطف كان قريب جداً من مريم عايش معها في نفس المكان وعنه النيه لخطفها أو أذيتها بأى شكل ولما وجد الفرصة انتهزها، واحد لاحظ انصراف شوقي قبل ميعاده وخدمته الظروف بتأخير صالح.

قال العميد عماد: بالضبط نفس اللي بفكر فيه الواحد ده مطمئن أن لو أي حد شافه هيقول أنه خارج مع مريم يفسحها أو يلعب معها في الجنينه ويلغى الخطة ويأجلها لفرصة تانية.

- أيوه يا فندم بس الشروط دى متنطبقش غير على مدام سوسن أو داده سميحة الكل أجمع على أن مريم مبتخرش غير معاهم أو دكتور عصام وطبعاً الدكتور مش هيخطف بنته، لو سلمنا بصحة الافتراض ده تفكير أيه الدافع.

— يمكن تكون اكتشفت أنه بيسرقها مش هو اللي بيدير المستشفى أو اكتشفت أنه بيخونها فولعت في قلبها نار الغيرة وقررت تنتقم منه.
— تنتقم منه في بنته اللي هي مربياها متتساش أن مريم كانت بتعوضها عن الأمومة اللي تحرمته منها.

— في سبات الغيرة بتعمى قلوبهم ورد فعلهم عنيف جداً على العموم لازم ندرس كل الاحتمالات، راقب مدام سوسن وداده سميحة

ابسم الرائد مدحت قائلًا: كده إحنا وضعناهم كلهم تحت المراقبة
حتى دكتور عصام، لكن بصراحة في الكام يوم اللي فاتوا المراقبة
موصلتاش حاجة كلهم بيتصرفوا عادي جدًا.

— خلاص يا حضرة الضابط اتصرف حاول تزرع مرشد في
المستشفى في العيادة أو في الفيلا يمكن نوصل لنتيجة.
حاضر يافندم....

* * *

نظرت ليلى في إشفاقي لصديقتها سوسن قائلة: من يوم اللي
حصل لمريم وأنت لا بتتكلى ولا بتت ami حرام عليك نفسك.
إحساساً بالذنب هيموتى! ..
إحساسك بالذنب ليه؟!

أجابت سوسن في ارتباك: عشان نمت لوقت متاخر يمكن لو
كنت موجودة كانت تغيرت حاجات كتيرة.
— مين عارف حتى لو كنت صاحيه كان ممكن يحصل اللي
حصل

. يعني أنت كنت هتقضلى جنبها طول الوقت مفيش داعى تحملى
نفسك فوق طاقتها، المهم البوليس موصلش حاجة؟
لاإ....

! ودكتور عصام عامل إيه! ..
. هيتجنن طول الوقت شارد في البيت والمستشفى وكل يوم يلغى
عمليات كان المفروض تتعمل بيقول مش قادر يركز.

– ربنا يكون في عونه وعونك أهم حاجة تهدى أعصابك وتحاولى
تهدى دكتور عصام
حاول هاول .

حاولت ليلى أن تخرج سوسن من قلقها قائلة: فاكرة وإحنا صغيرين لما
كنت بذاكر معاكى والوقت أتأخر واتصلت بماما وبت معاكى والصبح
مقدرش أصحى زيك بدرى وفضلتوا تصحوا فيا ولما صحيت اتكسفت
جداً من مامتك وسألتك هو أنت صحىتى أمتى وعرفت أنك صحىتى
الساعة ٨ وأنك مهما نمتى متاخر بتصحى في الوقت ده يومها كنت
في نص هدومى.

وابتسمت ليلى كانت تحاول أن تخفف عن سوسن ولكن سوسن ثارت
وغضبت جداً وقالت: تقصدى إيه أنى كنت صاحبى لما مريم اخطفت
!؟

أبداً أنت اللي حساسة زيادة عن اللزوم أنا آسفة.

قالت سوسن بغضب: حسبى على كلامك
آسفة أستاذن أنا .

فقالت سوسن نادمة: أنا آسفة يا ليلى أنت عارفه أن أعصابي تعbane
– ولا يهمك محصلش حاجة لو احتجتى حاجة اتصلى بيا أستاذن
أنا

مع السلامة .

خرجت ليلى من الفيلا وجلست سوسن شاردة لا تستطيع أن
توقف ذهنها عن التفكير .

* * *

الفصل الثالث

سار حاتم في الحارة متوجهًا للعيادة فإذا برجل يبدو عليه الإعياء
يستوقفه قائلاً: أنت حاتم التمرجي اللي عند دكتور عصام ؟
أيوه أي خدمة .

أنا ساكن على بعد شارعين من هنا وسمعت عن دكتور عصام .
أنت عايز تكشف عنده ؟
أيوه بتالم من جنبي قوى .

طيب إيه المشكلة أنا هفتح العيادة والدكتور هيوصل كمان نص
ساعة هاحجز لك وأدخلك أول واحد أتفضل معايا .

شكراً لكن مش دى المشكلة، المشكلة يعني أنا مش معايا فلوس
الكشف أنت فاهم ...

نظر حاتم نظرة متفرضة وقال في نفسه الرجل فعلاً يبدو عليه
الفقر فقال: لا أبداً ولا يهمك الدكتور بتعنـا طيب القلب أتفضل أتفضل .

صعد حاتم والرجل للعيادة، فتح حاتم ودخلـا معـاً، كانت العيادة فعلاً
تبـدو لطـيبـ كبيرـ بالرغمـ من وجـودـهاـ بـحيـ شـعـبـيـ إلاـ أنهاـ مجـهزـةـ
فـالـأـرـضـيـاتـ بـأـرـكـيـهـ وـالـحـوـائـطـ مـنـاسـقـةـ الـأـلـوـانـ .

جلس حاتم على مكتبه وأخرج دفتر حجز الكشف وفتحـهـ وـسـأـلـ

الـرـجـلـ:ـ اسمـكـ إـيهـ ...ـ !

- عادل أمين؛ لكن أنت متأكد أن الدكتور هيوافق يكشف عليا من غير فلوس...؟!

. طبعًا أنت مسمعتش عن الدكتور وطبيته..

- سمعت وده اللي شجعني على الحضور لكن مكنتش مصدق إن في لسه ناس طيبين . الدنيا لسه بخير ...

وبدأ المرضى يتواوفدون على العيادة بكثرة ويدا على معظم المرضى الفقر، منهم من دفع كشف مخفض ومنهم من حجز للكشف دون دفع أي أموال وسألت سيدة عجوز حاتم: الدكتور هيتأخر يا ابني...؟! فأجابها بود: أبداً يا أمي حالاً هيوصل.

وفعلاً دقيقة واحدة، ووصل الدكتور عصام؛ ولكنه لم يبدو كعادته، فقد كان متجمهم الوجه يظهر عليه علامات التعب والإرهاق، ووقف حاتم في الحال ودخل مع عصام غرفة الكشف.

* * *

داخل غرفة الكشف حاول حاتم تهدئة دكتور عصام قائلاً: اطمئن يا دكتور إن شاء الله البوليس هيوصل لها بس حاول تهدى.

قال دكتور عصام في يأس: البوليس هيوصل لها! مرّ على غيابها ٨ أيام ولا حس ولا خبر.

وأسقط الدكتور رأسه بين يديه، يكاد يبكي ولكنه تماسك ورفع رأسه قائلاً: دخل أول كشف...

. حاضر يا دكتور بس أول كشف رجل غلبان اسمه عادل ويعنى

. مفهوم يعني ببلاش دخله ..

قال حاتم بابتسامه خبيثة: ربنا يخليك للغلابة يا دكتور ..

وخرج حاتم ودخل عادل على استحياء قائلاً: سلاموا عليكم يا دكتور

. وعليكم السلام تفضل ...

وأشار دكتور عصام للسرير الموجود في غرفة الكشف واستلقى
عادل على السرير وكشف عليه بعد أن علم منه مكان الألم ثم جلس
دكتور عصام على مكتبه وأمامه عادل وسأله دكتور عصام قائلاً:
اشتكيت من جنبك قبل كده...؟
أبداً

— على العموم إن شاء الله بسيطة أنت بس اعمل التحاليل دي

بسرعة

ويفضل في معمل التوحيد وأنت خارج خد من حاتم العنوان....
حاضر يا دكتور ..

وقف عادل يهم للخروج ولاحظ عصام نظرة في عين عادل، يراها كثيراً
في عيون مرضاه من هذا الحي، نظرة تدل على قلة الحيلة وقصر ذات
اليد فسأل عصام عادل: أنت بتشتغل إيه يا عم عادل...؟
سوق في هيئة النقل العام.
طيب انتظر لحظة .

وأخرج عصام من درج مكتبه كارت من كروته الشخصية وكتب
على ظهر الكارت حروف إنجليزية مختصرة وأعطاه لعادل ونظر عادل

للحروف؛ ولكنه لم يفهم المكتوب وابتسم عصام قائلاً: أعط هذا الكارت للدكتور صلاح مدير المعمل وهو هيعمل اللازم....

خرج عادل من غرفة الكشف وسأل حاتم عن عنوان معمل التحليل ولكن حاتم أجايه بسؤال آخر: الأول خد من الدكتور كارت عشان تقدمه للدكتور صلاح؟

- الكارت مهم للدرجة دى يعني من غيره مش هيعملولي التحاليل

!؟

لا هيعملوها طبعاً لكن بالكارت ده هتعملها ببلاش....

ابتسم عادل بدھشة: بجد أنا أتكسفت أكلمه في موضوع فلوس التحاليل وقلت لنفسي كفاية أنه كشف عليا ببلاش وكنت هدبر الفلوس بأي طريقة صحيح أنا سمعت عن اللي بيعمله مع الغلابة من أهل المنطقة لكن مكنتش مصدق

وأعطيه حاتم العنوان وانصرف ودخل حاتم للدكتور عصام وقال: ادخل الكشف اللي بعده

عم عادل خد العنوان؟

أيوه ومكنتش مصدق نفسه لما عرف أنه هيعمل التحاليل ببلاش

. أتمنى تطلع التحاليل مناسبة ٣ مرضى قبله أرسلتهم بدون فائدة.

ابتسم حاتم بخث قائلاً: المرة دى هيكون مناسب إن شاء الله.

- أنت عارف صادق بيه راجل مهم ووعدنى يسعدنى بكل الطرق

في موضوع مريم بس أخلص له الموضوع ده بسرعة

. بإذن الله حضرتك يا دكتور تستاهل كل خير

دخل الكشف اللي بعده .

* * *

ذهب عادل مسرعاً إلى معمل التحليل وعندما دخل سأله
الممرضة عن مكتب مدير المعمل فابتسمت قائلة: أنت عايزه شخصياً
؟... .

أيوه أنا من طرف دكتور عصام
فرمقة بنظرة فاحصة وقالت: مش تقول كده أتفضل المكتب من
هنا

سار عادل في ممر آخره مكتب كبير ودق الباب فأجابت السكرتيرة: .
أتفضل

دخل عادل وأعطى الكارت للسكرتيرة قائلاً: أنا من طرف دكتور عصام.
 فأجابت السكرتيرة: لحظة واحدة.

ودخلت السكرتيرة للدكتور صلاح وأعطته الكارت وخرجت وقالت: .
أتفضل دكتور صلاح منظرك.

دخل عادل واستقبله دكتور صلاح بحفاوة وطلب إحدى
المرضات وعندما جاءت قال لها: رافقى عم عادل لعمل التحاليل.
وخرج عادل مع الممرضة وقام بعمل التحاليل اللازمة وبشكل
سريع دون انتظار دوره كباقي المرضى وأخبروه في الاستقبال أن يأتي
بعد ثلاثة أيام لاستلام نتيجة التحاليل.

* * *

دقت دكتورة نبيلة الباب ودخلت مكتب دكتور عصام بالمستشفى
لكنها فوجئت بوجود شخص مع دكتور عصام يهم بالانصراف وهو
يقول: . مش هو صيك يا دكتور.

. أنا مشحتاج توصية.

فاعتذر قائلة: آسفه مكنتش أعرف أنت في حد مع حضرتك.

أجاب الرجل: اتفضلي أنا كنت ماشي.

قال دكتور عصام: دكتورة نبيلة أشطر دكتورة في المستشفى.

قال الرجل مصافحها: أتشرفت بمعرفتك.

وانصرف الرجل وقللت نبيلة باب المكتب وقالت: شكله مش

غريب عليا مين ده.

. حد ميعارفشن صادق بييه .

. معقول صادق بييه بنفسه.

. أيوه عايزة يعمل عملية زرع كلی لابنه.

. والمتبوع موجود...؟!

— طبعاً أنت عارفه أنا ميعملش عملية زى دى إلا لما يكون
المريض معاه المتبرع.

ابتسمت قائلة: أنت هتقولى يا دكتور أنت أكثر واحد بتزاعى

ضميرك

. المهم كنت عايزة إيه...؟

قالت بصوت حنون: عايزةاك لازم أقابلك في شققنا ضروري....

— نبيلة مش وقته أنا مشغول وموضوع مريم واحد كل وقتى وفى نفس الوقت مش عاوز سوسن تلاحظ حاجة...
مش هاخد من وقتك كتير لازم أتكلم معاك.
طيب اتكلمى أنا سمعك.
عايزه اتكلم معاك لوحدينا في شقتنا صدقنى الموضوع مهم جدًا.
حاضر بكرة الساعة ١٢ الظهر.
قالت دكتورة نبيلة وهى مستاءة: دايما في نفس المعاد.
رد دكتور عصام غاضبًا: نبيلة أنت من الأول عارفه ظروفي
اقضى على شغلك وبكرة نتكلم.

* * *

ذهب الرائد مدحت لفيلا دكتور عصام وسائل الأمن على البوابة عن عم كامل لقد انتظره ليسأله بعض الأسئلة لكنه لم يأت، لم يهتم باستجوابه في البداية؛ لأنه لم يكن موجودًا يوم اختفاء مريم كان يريد فقط ليأسله بعض الأسئلة الروتينية عن مدام سوسن ودكتور عصام وكان يعتقد أن إجاباته لن تختلف كثيراً عن باقي من يعمل بالفيلا؛ لكن عندما طالت غيابه قرر الذهاب للفيلا للسؤال عنه فأجابه جمال وأسماء أنه في أجازة من ٩ أيام وأنه لم يرجع من بلده من يوم الجمعة الذي اختفت فيه مريم، فشك أنه ربما يكون هناك علاقة بين عدم عودته واختفاء مريم ودخل الفيلا واستقبلته داده سميحة، فطلب منها مقابلة مدام سوسن ونزلت مدام سوسن لاستقباله فقال: آسف أنا جيت من غير معاد

. أبدًا في أي معلومات جديدة؟

- للأسف لا... أنا جيت أسأل عن عم كامل السوق لسه في البلد

مرجعش من يومها...؟

قالت مدام سوسن غاضبة: حضرتك بعد الفترة دي كلها
وصلتش لأي حاجة وجاي تسألى عن عم كامل مال عم كامل
واختفاء مريم عم كامل مكنش موجود...!

- يا ريتك تهدي نفسك وبعدين مش معايا إن فيه حاجة غريبة أن
من يوم اختفاء مريم للنهاية مرجعش عم كامل من بلده...؟
- مفيش حاجة غريبة هو اتصل وطلب أجازة وأنا وافقت؛ لأن من
ساعة اختفاء مريم وأنا مليش نفس أخرج لأي مكان...
وافقتي على الأجازة وأنت عارفه أتنا عايزين نستجوبه...؟
. نسيت تاه عن بالى ومتصورتش أنها حاجة مهمة.

. إيه مش مهم بالضبط استجوابه ولا التحقيق في القضية كلها ؟
قالت مدام سوسن وهى غاضبة: حضرتك بتحقق معايا، بدل ما
تضيع الوقت في حاجات مش مهمة شوف شغلك يا حضرة الضابط
متنشاش أنكم لحد دلوقتىوصلتوش لأي حاجة.
نظر الرائد مدحت لها نظرة مليئة بالشك وأجابها بهدوء:
وصلناش حاجة لأن واضح أن مش كل الشهود بيخبرونا بالمعلومات
كاملة ، على العموم لو سمحتي عنوان عم كامل في البلد.
 فأجابته بارتياك: ليه...؟

. لو كان عنده ظروف تمنعه يجي لنا مش مشكلة إحنا نسافر له.

. عن أذنك لحظة واحدة آجيب لك العنوان.

وأحضرت مدام سوسن العنوان وأخذه الرائد مدحت وانصرف وهو على بوابة الفيلا سأل أسامة رجل الأمن: هو عم كامل عادة بيسافر أمتى بالضبط كل أسبوع.

— بيسافر يوم الجمعة بعد صلاة الفجر ويرجع يوم السبت الظهر.

. يوم اخنفاء مريم سافر في المعاد المتعود عليه.

. لاً سافر تقريباً الساعة ٦ الصبح

. متعرفش ليه أتأخر في السفر عن ميعاده.

. كانت سوسن هانم عايزه حاجات من البلد ووصيته عليها الصبح وبعدين سافر.

— حاجات إيه وبعدين سوسن هانم كانت صاحية بدرى كده ولية موصتهوش اليوم اللي قبله...؟

. هو قال إنها وصته على زبدة وقشدة وشوية حاجات زي كده من البلد وتقريباً فكرت فجأة في الموضوع؛ لأنها ندحت عليه الفجر قبل ما يسافر.

. هي متعودة تصحي بدرى كده...؟

— هي معروف عنها أنها بتتصحى بدرى؛ لكن مش للدرجة دى يعني غالباً بتتصحى الساعة ٨ الصبح.

انصرف الرائد مدحت ورأسه مليئة بالشكوك والظنون وأخذ يسأل نفسه ما الذي جعل مدام سوسن تستيقظ مبكراً لهذا الحد وما الذي طلبه

من عم كامل، هل شوية حاجات من البلد بهذه الأهمية بالنسبة لها تستحق أن تستيقظ مبكراً، أم أنها طلت منه شيئاً أهم من ذلك بكثير، وهل استيقظت مبكراً ثم نامت مرة أخرى للساعة ١٢ ظهراً، كما أنه من الغريب أن يأخذ هذه الأجازة الطويلة هل هي فعلاً أجازة أم هروباً من شيء ما، رأى الرائد مدحت أنه يجب أن يذهب لمناقشة شكوكه مع العميد عmad قبل سفره لعم كامل.

* * *

ذهب الرائد مدحت للعميد عmad في مكتبه لمناقشة شكوكه وبدأ الرائد مدحت قائلاً: بصرامة يا فندم أنا مهتمش من البداية بالتحقيق مع عم كامل؛ لأنني أعتقد أن التحقيق معاه هيكون روتيني خصوصاً أنه مكنش موجود وقت اختفاء مريم.

وإيه اللي لفت نظرك للموضوع ..؟

- وأنا بفحص أقوال اللي حققت معاه وبحاول أححل أقوالهم يمكن أوصل لأى معلومة بين السطور تقينا في حل لغز القضية لاحظت عدم التحقيق مع عم كامل.

— يوم التحقيق كان مسافر لكن أنا نبهت مدام سوسن لما يرجع من السفر تخبره أنا عايزين نسألله كام سؤال يمكن فعلاً تاه عن بالها! أيوه يا فندم لكن مش حاجة غريبة أنه يتآخر عن ميعاد سفره في

اليوم ده بالذات !؟...

. عندك حق هو لـما بيـسافـر بيـسافـر بالـعـربـية ؟

. لاً بيـسافـر منـ غيرـها تـقـرـيبـاً بيـسافـر بالـقطـار .

— لو افترضنا أن مدام سوسن وراء اختفاء مريم تقتصر تكون استخدمته إزاي، لو خرجت مريم في العربية معاه، لو الأمان مخدش باله أن مريم في العربية على الأقل يلاحظوا خروج العربية.

أخذ الرائد مدحت ورقة وقلم وببدأ يشرح للعميد عmad وجهة نظره قائلاً: ممكن تكون اتفقت معاه يتظاهر بالسفر زي ما هو متعود أمام العاملين بالفيلا وينتظراها في الخارج ويدخل في ميعاد متفق عليه معها ويخرج مريم في العربية.

سؤالي إزاي يخرج من غير ما حد يشوفه من الأمان...؟!

. أنا جى لحضرتك في الكلام ...

وبدأ يرسم رسم كروكى قائلاً: هنا الجراج وأمامه باب الفيلا الخلفي لو العربية خرجت منه بالاتفاق مع حارس الأمان ممكن جداً باقي الموجدين في الفيلا ميلحظوش أي حاجة...
. تقصد شوقي

. متنساش إنه كان يحتاج فلوس وخالته بنفسها أكدت الكلام ده..

. أيوه لكن هي كمان قالت إنه خد سلفه من الشغل ..

— ممكن نتأكد من الموضوع ده من العميد عونى مدير شركة الأمان.

. خلاص أتأكد بنفسك من الموضوع.

. حاضر بعد ما أسافر لعمر كامل.

— لا... أنا هستدعيه بشكل رسمي وتحقق معاه هنا في القسم عشان يحس بأهمية الموضوع.

* * *

ذهب الرائد مدحت لشركة الأمن لمقابلة العميد عونى واستضافه
عونى بمكتبه بترحاب قائلاً: أهلاً وسهلاً انقضل تشرب إيه...؟
— أبداً ولا حاجة متشكر أنا بس عايز أسألك عن شوقي أنت
عارف أنا بحق في قضية اختفاء بنت الدكتور اللي بيحرس شوقي فيلته

...

. اللي كان بيحرسها ...
ليه هو ترك حراسة فيلا الدكتور ؟
— الحقيقة الدكتور عصام لما عرف أنه ترك حراسة البوابة قبل
ميعاده صمم أنه يطرده والحقيقة إحنا كمان فصلناه من الشركة ١
والسلفه اللي خدتها من الشركة عشان ولادة مراته ...؟
— خصمنا جزء من مستحقاته عندنا والباقي كتب بيه وصل ووعد
أنه هيسدده كمان شهر لحد ما يرتب أمرره.
يعنى هو فعلاً خد سلفه من الشركة ..
أيوه ...
طيب أنا متشكر جداً عن إذنك ..
بسريعة كده ..
معلش أنا مستعجل ..

خرج الرائد مدحت من مكتب العميد عونى وهو يقول لنفسه:
واضح أن استنتاجنا غلط، شوقي خد سلفة من الشركة فعلاً ولو افترضنا

أنه عارف أو شاف أي حاجة بخصوص مدام سوسن كان يساومها
ويأخذ المبلغ اللي هو عايزه بدل ما يكتب على نفسه وصل أمانة.

* * *

اتصل الرائد مدحت بالعميد عماد قائلًا : ألو يا مدحت قابلت
عونى ؟

— أيوه قابلت العميد عونى وفعلاً شوقي خذ سلفة من الشركة
وطردوه من العمل وعشان يسدد السلفة كتب على نفسه وصل أمانة لو
كان يعرف حاجة كان ساوم مدام سوسن ودفع فلوس السلفة ...
كلامك منطقى واضح أن أستنتاجتنا كانت غلط.

. أكيد عم كامل يعرف حاجة مهمة عشان كده اخفى ...

. بكره هنحاول نعرف منه الحقيقة ...

. إن شاء الله تصبح على خير يا فندم ...

. نتقايل بكره مع السلامه ...

. وأغلق الرائد مدحت سماعة التليفون.

* * *

جلس دكتور عصام على المائدة يتناول الغذاء مع زوجته دون
أي كلمة ونظرت إليه سوسن نظرة متفرضة ثم قالت : الرائد مدحت كان
هذا الصبح وخد عنوان عم كامل في البلد
قال بلهفة : وليه اهتم فجأة بعم كامل هو قال إنه وصل لحاجة مهمة ؟!

قالت بفتور : معتقدش واضح أنهم مش قادرين يوصلوا لحاجة
وعشان كده بيدوروا على أي حاجة وأفتكروا أنهم محققوش مع عم كامل
فاللوا نحقق معه يمكن نوصل لحاجة ... !

قال في يأس : تفكري ... ؟!

ثم نظر لها برببة وقال : لكن مالك بتتكلمي بهدوء كده وكأن
الموضوع مش همك ... !

قالت مدام سوسن بغضب : يعني إيه مش همنى أنت عارف
كويس أنى بحبها زى بنتى بس الموضوع غامض ومحاج تفكير ..
تفكير من مين ... ؟!

فردت بحدة : منك طبعاً واضح جدًا أن اللي عمل كده بينتقم منك
يا دكتور شوف آذيت مين ... ؟!
— أنت عرفاني كويس لا يمكن آذى أى حد إزاي تفكري كده أنا
بالنسبة لك زى الكتاب المفتوح من يوم ما عرفتك
متأكد ؟ .
طبعاً ..

فنظرت له نظرة مليئة بالشك وصمتت تماماً وفى نفس الوقت
تساءل دكتور عصام بينه وبين نفسه عما ألم بها .
من الواضح أنها مليئة بالغضب من ناحيته كالبركان الذي ينتظر
لحظة مناسبة للفوران .

الفصل الرابع

استيقظ عادل على صوت دقات الباب بالغرفة التي يسكن بها هو ووالدته، نظر في الساعة المعلقة بالحائط فوجد الساعة التاسعة صباحاً، لم يتعد عادل على الاستيقاظ مبكراً فورديته بالعمل تنتهي الساعة الثانية صباحاً، يصل منزله خلال ساعة تقريباً، ويجلس يدرش مع والدته حتى الفجر يصليان الفجر حاضر، ثم ينام لوقت متأخر، جميع الجيران يعرفون ذلك؛ ولهذا لا يزعجهم أحد مبكراً؛ تعجب عادل وسأل نفسه بصوت عال: مين اللي جاي على الصبح؟! ثم فتح الباب ليجد رجلاً في الأربعينات من العمر يرتدى بدلة أنيقة وقال له مبتسماً: صباح الخير آسف على الإزعاج... فرد متعجباً: صباح النور أي خدمة واضحك أنك غلطان في العنوان...!

حضرتك عادل أمين ...

أيوه مين حضرتك... .

. سالم الأسيوطى ممكن أدخل ونتكلم براحتنا..

نظر له عادل في استغراب وقال: تفضل...

ودخل سالم وعادل يسأل نفسه "يا ترى واحد شكله محترم قوى
كده عايزنى ليه وانتظر عادل أن يتكلم بفارغ الصير...!"
قال سالم: أنا آسف لكن الموضوع اللي أنا جيلك فيه مهم جدًا ..
خier.

— خير إيه رأيك تكسب ١٠٠ ألف جنيه أنا عارف أن ظروفك
المادية صعبة عشان كده متجوزتش وعايش أنت ووالدتك بالكاد على
مرتبك

بدا على عادل الذهول وقال: ١٠٠ ألف جنيه!
اهأ وافهم الموضوع ولو ما عجبكش ارفض زى ما إنت عايز.
طيب إيه الموضوع بالضبط بس من غير لف ولا دوران...
طيب ركز معايا وأتمنى تكون زكى ولا تضيع الفرصة من يدك
صاحب الشركة اللي بشتغل فيها ابنه تعban وفي ايدك أنت علاجه.
ربنا يشفيه لكن ازاى حد قال لك إنى دكتور !؟...
- لأن.. أنا عارف أنك سواق وعلى أد حالك، أنا هافهمك الموضوع
وما فيه إن الولد عنده تليف في الكبد ومحتجين متبرع له بجزء
من كبده، جزء صغير مش هيأثر على وظائف الكبد وكل حاجة هتتم
تحت إشراف أكبر دكتور في البلد...
وليه أنا بالذات؟

. أنت فصيلة دمك AB سالب مش كده ...
فعلا عرفت منين !؟...

. أولاد الحال كتير مش مهم عرفت منين

. أكيد من معمل التحاليل ...

. يعني ... لنا حبابيك كتير هناك.

. عشان كده الاهتمام بيا كان جامد قوى ...

. تقصد إيه؟؟.

. مش مهم أقصد إيه وأنت تعرف دكتور عصام منين ...!؟...

. دكتور عصام مين ...!؟....

. يبقي أكيد دكتور صلاح

. ياه مخك راح لبعيد كل الحكاية أنا وصينا ممرضة في المعمل

. طيب أديني فرصة أفكر ...

. طيب بعد يومين هجيلاك في نفس الوقت تقريباً تكون فكرت ...

— يومين بس أنا عاوز وقت أكبر أفكر فيه ممكن ترك رقم

تليفونك وأنا لما أوصل لقرار هتصل بك ...

. أفكر دى فرصة بالنسبة لك ولازم تنتهزها ...

وقف سالم يهم بالانصراف وهو يستكمل حديثه: أنا هجيلاك بعد

يومين

. مش أكثر وإن شاء الله تكون وصلت للقرار اللي فيه مصلحتنا

..

وخرج سالم وابتسم عادل قائلاً: بصوت منخفض واضح أن

مدحت بيه كان محق

وأمسك بالتلفون واتصل، وجاءه صوت الرائد مدحت يقول:
صباح الخير يا عم عادل طالما اتصلت بدرى كده يبقي أكيد في أخبار
جديدة

فرد عليه قائلاً: أيوه فعلاً جه واحد اسمه سالم وعرض علي مبلغ
١٠٠ ألف جنيه مقابل أني أتبرع بجزء من كبدى
احكي لى اللي حصل بالتفصيل
بدأ عادل يحكى للرائد مدحت ما حدث بالتفصيل.

* * *

خرج سالم مسرعاً من العمارة التي يسكن بها عادل وركب سيارته
وأخرج تليفونه المحمول وتحدى فيه قائلاً: ألو أيوه يا دكتورة نبيلة
عرضت عليه الموضوع وطلب مهلة يفك ...
ردت عليه نبيلة بجدية: مهلة إيه إحنا مستعجلين وبعدين دى
فرصة بالنسبة له بابن عليه أنه غاوى فقر ...
. على العموم هو هيرد علينا بعد يومين
. طيب بعد يومين تكون عنده من الفجر.
. حاضر يا دكتورة أي خدمة تانية.
شكراً مع السلامة!

أغلقت نبيلة السماعة وهى تردد: بيفكر! صحيح فقر وعنتره، ثم
نظرت في ساعة يدها وقالت في توتر: الساعة ١٢ وربع اتأخر قوى

ودق جرس الباب ودق قلبها معه وأسرعت تفتح الباب بلهفة
وعندما فتحته وجدت دكتور عصام وتبدو عليه علامات الضيق فحاولت
أن ترمي نفسها بين أحضانه قائلة في دلال: مالك !؟....
ولكن فشلت محاولتها وأزاحها دكتور عصام بفتور ودخل الشقة
وأغلق الباب في قلق قائلاً: أنت عارفه ظروفه ملختطة إزاي ده غير
قلقى على بنتى تتقى المهم بس لأن موضوع مهمًا كان مهمًا.
يمكن الموضوع اللي أنا عايزة فيه يفرحك ...

طيب إيه الموضوع المهم بس بسرعة ؟

حاضر أقعد الأول، سالم اتصل وقابل الرجال وطلب مهلة يفكر.

قال عصام بثقة: هيوافق في الآخر.

أنا متأكدة أنت نظرتك في الناس عمرها ما خبيت أبداً...

جلس عصام وقال: المهم إيه الموضوع اللي عايزانى فيه !؟...

نظرت نبيلة إليه مبسمة وقالت: أنا حامل!

وقف عصام بعصبيه وقال: إيه إزاى ؟!

انزعجت نبيلة قائلة: يعني إيه إزاى دى إرادة ربنا.....

— أيوه بس إحنا مش متقيين على كده وبعدين ده مش وقته —

مش وقته خالص.....

— بالعكس لو فكرت في الموضوع كويس هتلaci ده أحسن وقت
يمكن يكون ربنا عوضك بيه عن بنتاك

نظر عصام لها بغضب قائلاً: يعوضني خلاص أتأكدت إنها

ماتنت

- لأنني آسفه مش قصدي ولو أنت مش عايز حد يلاحظ حاجة
مش مهم أنا لازم آخذ أجازة، الدكتور أكد عليّا إنى أرتاح ومتحركش
كثير عشان الحمل يثبت
وفجأة دق جرس الباب فنظر عصام لنبيلة قائلًا: مستبيه حد
!؟...

. لأنني ... أبدا

ذهبت نبيلة لفتح الباب وعندما فتحته وجدت مدام سوسن تقف
 أمامها فارتبتق قائلة: مدام سوسن أهلا
 نظرت إليها سوسن باحتقار قائلة: مبروك على الشقة الجديدة ...
 الله يبارك فيكى
 أزاحتها سوسن من أمامها ودخلت عنوة قائلة: عن إذنك بدور
 على حاجة بتتعتى وأظن أنها هنا
 ودخلت سوسن ورأت عصام أمامها؛ ولكنه تمسك وحاول تدارك
 الموقف قائلًا: أصل نبيلة اتصلت بيها عشان تطلب أجازة؛ لأنها تعبانة
 وأنت عارفه أنها لوحدها فجيست أطمئن عليها وأشوف لو عايزه حاجة
 ابتسمت سوسن قائلة: بجد طيب مش كنت تقولي آجي معاك
 عشان أطمئن عليها بدل متيجى لوحدك والجيران يشفوكم ويفتكروا حاجة
 كده ولا كده لا سمح الله
 واتجهت بنظرها لنبيلة واستكملت حديثها: ولا الجيران متعددين
 على الرجال اللي داخلة اللي خارجة من عندك ...!
 أجابتها نبيلة غاضبة: لو سمحتي يا مدام أنا مسمحلكيش

أنت مين عشان تسمحيلى ولا متسمحيليش
قاطع حوارهما عصام قائلاً: واضح يا سومن أنك فاهمة غلط

...

أجابته سومن مسرعة: غلط يا أستاذ أنا لما سألت الباب عليك
قالى أستاذ عصام جوز مدام نبيلة أنت متجوز ديى ... رد علياً ...؟!
طيب أهدى من فضلك .

— أهدى يعني الكلام ده صحيح لو سمحت يا دكتور تبعت لى
ورقة طلاقي وكل المصالح اللي بيننا هتخلص عن طريق المحامى
باتاعى

وخرجت سومن مسرعة من الشقة وأغلقت الباب وراءها ...
إذا بعصام يحملق في نبيلة بغضب لم تره أبداً من قبل هكذا
وقالت: أنت بتتصلى كده ليه
طبعاً أنت اللي ورا اللي حصل ده
لأ ... طبعاً صدقني

— أصدق إيه أنا لو صدقتك أبقي غبي تحبى أقولك اللي حصل
اتصال بسيط بسومن من مجهول إلتحقى جوزك اتجوز وده العنوان اللي
بيتقبلوا فيه عشان تحطينى قدام الأمر الواقع مش كده
قالت نبيلة بخوف: محصلش صدقني محصلش

لكن عصام لم يصدقها بالطبع فهو يعرف جيداً هذه اللعبة
وصفعها عدة صفعات بغضب حتى وقعت على الأرض ولكنه لم يبال
 قائلاً: أنت طالق طالق

وخرج مسرعاً وظلت هي ملقة على الأرض تبكي بحرقة؛ ولكنها فجأة شعرت بألم شديد ببطنها فحاولت أن تقاوم حتى وصلت للتلليفون وطلبت صديقتها ملك ولم تستطع أن تقول لها غير كلمتين: إلهقيني يا ملك

وأحسست أن الدنيا تدور بها وسقطت مغشية عليها.

* * *

دق العسكري باب مكتب العميد عmad و معه عم كامل وجاءه صوت العميد عmad من الداخل يقول: ادخل ...
دخل العسكري و معه عم كامل وقال: عم كامل ...
انفضل يا عم كامل استريح ...

وأشار للكرسي الموجود أمام مكتبه، جلس وبدأ العميد عmad بسؤاله : طبعاً عرفت باختفاء مريم بنت دكتور عصام ...
أيوه يا بيه قريت الخبر في الجرائد ...

يعنى عرفت من الجرائد ...
أيوه أصل أنا سافرت الصبح بدري قبل اختفائها ...

مدام سوسن قالت إن أجازتك يوم واحد ...
أيوه يوم الجمعة وبرجع يوم السبت ...
مرجعتش ليه يوم السبت ...

— كنت تعان شوية واتصلت بسوسن هانم وطلبت أجازة يومين، وهى وافقت وقالت أنت فى أجازة مفتوحة ومرتبك ماشى ولما هحتاجك هتصل بيك ..

. أجازة مفتوحة!

— أصلها كان روحها في مريم وأكيد مكنش لها نفس تروح ولا
تجي بعد اللي حصل ...
العميد عmad: وال حاجات اللي كانت طلبتها منك ...
قال عم كامل بارتباك: حاجات إيه يا بيه ...؟!
- مش فاكر حد من الشهود قال إنها طلبت منك تعملها مشوار أو
خدمة حاجة زي كده ...
زاد ارتباك عم كامل وقال: محصلش ...
متأكد ...
تههد عم كامل قائلًا: شوف يا بيه أنا هكلم حضرتك بصرامة أنا
رجل حاجج بيت الله وعارف ربنا كويس ولا حب الكدب ولا اللف
والدوران ...
قال العميد عmad مبسمًا: اتفضل أنا سامعك ...
— مدام سومن طلبت مني أعرف لها مكان بياجر عربيات عشان
عايزه تأجر عربية منه ولما قلت لها ليه أنا تحت أمر حضرتك في أي
مشوار قالت إن المشوار هيكون يوم الجمعة يعني يوم أجازتي وطلبت
مني ماقولشى لحد أبدًا حتى دكتور عصام ...
ولقيت الطلب اللي طلبته منك ؟
أيوه يا بيه ...
وبعد كده إيه اللي حصل ؟

– معرفش يا بيه هي خدت مني العنوان والتليفون وعلاقتى انتهت
بالموضوع لحد كده ...

. وليه أتأخرت عن الميعاد اللي متعود تسافر فيه ...

— أصل المفروض كانت تأخذ مني العنوان والتليفون اليوم اللي
قبله بالليل لكن بسبب الخناقة اللي حصلت بين دكتور عصام وأخوه
ومدام سوسن إلتحمت في الموضوع ونسخت تاخدهم والصبح قبل ما
أسافر ندشت علياً عشان كده .

طيب بصراحة كده أنت اللي طلبت الإجازة ولا هي اللي طلبت؟

– موضوع الأجازة اقترحته أنا لما اتصلت بيا في البلد عشان تأكيد
علياً ماجبشي سيرة عن موضوع العربية ...
طيب يا عم كامل انفضل شكرًا ...
أمشى يعني؟
أيوه مع السلامة ...

وقف عم كامل وسار ناحية باب المكتب ببطء ثم عاد مرة أخرى
للعميد عماد وقال في تردد: كنت عايزة أقول لحضرتك ...
فقطاعه العميد عماد قائلًا: أيوه يا عم كامل في حاجة نسيت
تقولها ؟

– بس كنت عايزة أقول لحضرتك إن مدام سوسن بتحب مريم زي
بنتها ومش ممكن تؤذيها ...
قال العميد عماد: شكرًا يا عم كامل مع السلامة ...

خرج عم كامل وهو نادم على ما قاله لقد شعر أن ما قاله ربما يجعل أصابع الاتهام تتوجه لمدام سوسن حفأ، هو لا يعلم لماذا احتاجت مدام سوسن تأجير السيارة بهذا الشكل السرى؟ ولكنه متأند أن الموضوع ليس له علاقه باختطاف مريم؛ لأنه يعلم كم تحب مدام سوسن مريم وحتى إن لم تكن تحبها. إنه يتذكر جيداً عندما عينه والدها سواق خصوصي لها عندما دخلت الجامعة، وتدكر كيف حزن عندما لم تستطع تحمل رؤية الجثث في المشرحة ولذلك تخصصت بالطب النفسي كحل وسط فقط لارضاء والدها؛ لأنها فى البداية كانت تزيد أن تحول أوراقها لكتيبة أخرى.

* * *

اتصل شاكر المكلف بمراقبة مدام سوسن بالرائد مدحت ليبلغه بما رأه من صعود مدام سوسن عمارة، ثم نزولها بعد فترة وهى يبدو عليها الغضب الشديد، ثم نزول دكتور عصام بعدها بدقائق من نفس العمارة واستدراجه للباب حتى عرف منه أن دكتور عصام يأتي لمدام نبيلة التى تسكن بالعمارة وقال له على ما يبدو أنه متزوج منها فى السر، عندما علم الرائد مدحت طلب من شاكر العنوان، ولكنه أكد عليه الاستمرار فى مراقبة مدام سوسن وذهب للعنوان عندما قال له شاكر اسم نبيلة تذكرها فوراً فهى مساعدة دكتور عصام يجب أن يتكلم معها فربما تعرف الكثير ، وصل للعنوان ودق الجرس عدة مرات؛ لكن دون استجابة وأذا بامرأة تصعد السلم مسرعة وتتجه لباب الشقة وتخرج المفتاح بلهفة لكنها فوجئت به وقالت: مين حضرتك !؟...

فسألها الرائد مدحت: هى دي شقة الدكتورة نبيلة !؟...
أيوه

هو حضرتك مقيمة معاها فى الشقة !؟...
قالت المرأة بغضب: حضرتك غريب قوى أنت هتحقق معايا..?
أنا الرائد مدحت من المباحث حضرتك مين ...؟

— أنا صديقتها ملك طلبتني من ربع ساعة وكان صوتها مخنوق
وقالت لى إلحقينى وبعدها سكتت، وكأنها أغمى عليها والسماعة فضلت
مرفوعة.

. أنا برن الجرس محدث بيفتح؟ افتحي الباب بسرعة بالمفتاح
وفتحت ملك الباب ودخلت الاثنين الشقة وفوجئا بها ملقاة على
الأرض وحاولا إفاقتها دون جدوى، واتصل الرائد مدحت مسرعاً
بالأسعاف وجاؤا ونقلت للمستشفى وذهبت ملك والرائد مدحت معًا
وراءها .

* * *

وقفت ملك أمام الغرفة بالمستشفى، ونظر الرائد مدحت لملك
فوجدها قلقة جداً فسألها قائلاً: أنت صاحبتها من زمان...
إحنا أصدقاء وجيران من زمان ...

الدكتور بيقول حصل لها إجهاض.. فين جوزها؟!

ـ معرفش ...

— طيب إحنا ممكن ندور في الموباييل بتاعها أكيد هنلاقي رقمه
ونتصل بيها هو اسمه إيه ؟

. هو حضرتك كنت جاي تحقق معاها ليه ؟

قال الرائد مدحت بتعجب: أحقق معاها! أنا كنت عايز أدردش
معاها بس بخصوص قضية اختفاء مريم بنت دكتور عصام اللي
بتشتغل نبيلة مساعدته في المستشفى، مش هتحاولى تتصل بجوزها؟

. مش مهم أطمئن عليها الأول وبعدين نبني نتصل بيها ...

نظر لها الرائد مدحت باستغراب وقال لنفسه " يبدو أنها تعلم كل
شيء عن علاقة نبيلة بالدكتور عصام".

خرج الطبيب يقول لهما: الحمد لله حالتها مستقرة ممكن تشفواها
دخل الاثنين لغرفتها، كانت في حالة استرخاء على الفراش
وأسرعت ملك إليها قائلة: عاملة إيه ؟
. الحمد لله أحسن دلوقتي ...

- الحمد لله، الرائد مدحت كان جايلاك بخصوص قضية مريم وكتير
خيره هو اللي استجح الإسعاف وجه معايا المستشفى واستنى عشان
يطمن عليكى ...
. أنا متشكرة قوى...

. لا شكر على واجب، المهم عايز أتكلم معاكى لوحدى ...
مفيش داعى ملك عارفة عنى كل حاجة تقدر تتكلم فى وجودها.
بس يا ريت تردى عليا بصراحة، أنت متوجزة دكتور عصام؟
. أىوه دكتور عصام جوزى ...
. عرفتني !...

— لاً .. طبعاً رسمي وعلى يد مأذون بس هو اللي طلب مني
يكون في السر وأنا قدرت ظروفه.

الدكتور بيقول إنك وقعني على الأرض بقوه وأصلاً الحمل عندك
مكنش مستقر، دكتور عصام كان عندك هو ومراته أى حد فيهم كان
هو السبب في اللي حصل؟ يعني بتتهمى حد منهم إنه كان قاصد
يوقعك عشان يجهضك.

- أبداً عصام كان فعلاً عندي وبعدين مراته جت فجأة ولما عرفت
أنى مراته طلبت منه الطلاق ونزلت مسرعة وهو نزل عشان يحصلها
لكن محدث فيهم له علاقة باللي حصل لي كل الحكاية إنى أتأثرت
باللي حصل فحسبيت أنى دايحة ووقدت على الأرض بقوه على بطني
وبعدها اتصلت بملك هي دي كل الحكاية.

طيب هسيباك تستريحي عن إدنك...

وتابعت ملك بعينها الرائد مدحت حتى خرج من الغرفة وأغلق
الباب ثم نظرت لنبيلة قائلة: أنا مش داخل دماغي ولا كلمة من اللي
حكتيه

— فعلاً أنت عندك حق هو السبب في اللي حصلى أول مراته ما
وصلات وطلبت منه الطلاق ونزلت اتهمنى أننى اللي اتصـلات بيها
وضربنى وطلقنى ومهموش أنى حامل ...

الندل الجبان طيب معمليش فيه بلاغ ليه؟..

متـشغلىش نفسك أنا هعرف إزاي أنقـم منه كويـس.

* * *

ظل عم كامل ينتظر مدام سوسن بالحديقة أمام البوابة الرئيسية
وهو قلق شارد حتى أنه لم يسمع جمال حارس الأمن وهو ينادى عليه؛
ليجلس معه بدل من وقوفه هكذا من نصف ساعة ولم ينتبه إلا عندما
رأى مدام سوسن تنزل من عربة بسوق فأسرع إليها عند باب العربية
قائلاً: يا هانم عايز أقول لحضرتك حاجة مهمة.

استنى يا عم كامل.

ونظرت لسائق العربية الذي نزل من العربية قائلاً: أى خدمة
تاني؟

فأجابته: شكرًا أنت كده مهمتك معايا خلصت ..
وأخرجت رزمة من الأموال وقالت: أنفضل كده كفاية.
قال السائق بسعادة: كفاية قوى لو احتجتي أى مشوار بس
اتصل بيأنا وأكون عند حضرتك فوراً.
وركب العربية وسار بها مسرعاً وهو سعيد، ثم التفت إلى عم
كامل قائلة: أيوه يا عم كامل في إيه ...!
العميد عmad حق معايا
طيب ما أنا عارفة أنهم اتصلوا بك.

— بصراحة يا هانم يعني أصل أنا مقدرتش أكذب وقلت كل
حاجة أعرفها.

نظرت له مدام سوسن مبتسمه قائلة: خلاص يا عم كامل اللي
كنت عايزه أتأكد منه أتأكدت منه فعلا ولا يهمنى أن حد يعرف بعد
كده.

. أنا مش فاهم أي حاجة ...

قالت مدام سوسن بحزن: خلاص يا عم كامل خلاص...
أنا كل اللي يهمني أن حضرتك متزعليش مني ..

. أبداً يا عم كامل أنا لا يمكن أزعلك منك..

. يعني أستلم شغلي ؟

. طبعاً يا عم كامل أنا مستغناش عنك أبداً.

وأخرجت مفاتيح العربية من حقيبتها قائلة: أنت المفاتيح أنت
عارف أنا معرفش أسوق مين يعني هيسوق العربية غيرك.

لم تكمل كلامها حتى وجدت دكتور عصام وصل بعربته
مسرعاً وعندما وجدتها واقفة أمام الباب وقف أمامها بعربته؛ لكنها
أسرعت بالدخول من البوابة فدخل بالعربية من البوابة وراءها؛ لكنها لم
تلتفت له واستعجب عم كامل وحراس البوابة ونظروا لبعضهم البعض.

* * *

دخلت مدام سوسن الفيلا وقالت لداده سميحة: أنا طالعة غرفتي
ومش عايزه حد يرجعني؛

ولكن قاطعها صوت دكتور عصام يقول: سوسن إحنا لازم نتكلم
في حاجات مهمة لازم أفهمك.

استدارت له بحدة قائلة: حاجات إيه اللي عايز تفهمها لي ... أنا
مش عاوزة أشوف وشك تانى أنت أنت فاهم.

لكن دكتور عصام اقترب منها وقال بحنان: أحنا لازم نتفاهم أنا
مدرس أستغنى عنك أبداً أنت عارفه أنا بحبك قد إيه..؟!

قالت سوسن بغضب: أنت كداب عشان بتحبني رحت اتجوزت
عليا نسيت أنا ووالدى اللي اعتبرك زي ابنه عملنا لك إيه، ونسيت أني
اعتبرت مريم بنتى ومبخلتش عليها لا بحنانى ولا حبى واتخليت عن
شغلى عشان أراعيها...

رد دكتور عصام مسرعاً وهو يضحك: شغالك! أنت عمرك ما
حيتى شغالك، طول عمرك كان نفسك تكوني مهندسة، دخلت كلية
الطب عشان بس ترضى والدك، حتى مريم أنت كنت محتاجة لها زي
هي ما كانت محتاجة لك بالضبط، كنت محتاجة للأمومة اللي أترحمتى
منها

تهدت تهيدة طويلة ولمعت الدموع فى عينيها وقالت: ياه للدرجة
دى أنا مكنتش عرفاك بتعيرنى حاجة ماليش ذنب فيها...!
فبدأ عليه أنه نادم على تسرعه فى الكلام بهذه الطريقة وقال:
سوسن أنا آسف صدقينى مكنتش قصدى أجرحك خلاص أنا طلقتها
وبكرة نلاقى مريم ونرجع زي الأول وأحسن...
فابتسمت قائلة: زي الأول وأحسن يا دكتور الهانم اللي بتقول إنك
طلقتها حامل إيه مبشرتكش بالخبر السعيد !؟...
نظر متعجبًا ومتسائلًا: عرفتى منين وأمتى أنا لسه عارف
النهارده ؟

ابتسمت قائلة: حضرتك فاكرنى نايمة على ودانى أنا مرقباك أنت
وهى من فترة وعرفت كل حاجة عنكم أنا رحت لكم عش الغرام بتعكم
النهارده بس عشان أواجهك ومتقدرش تتذكر بعد كده.

وصل الرائد مدحت ووقف على باب الفيلا الذى كان مفتوحاً؛
ولكنه دق الجرس وظن دكتور عصام أنه توصل لجديد بالقضية فقال:
اتفضل يا حضرة الضابط ...

ودخل الرائد مدحت وهو ينظر نظرة اتهام لمدام سوسن وأجاب
هي على هذه النظرة بابتسامة باهتة.

سأله دكتور عصام بلهفة: وصلت لمعلومات جديدة؟
فأجابه قائلاً: لسه بس هنعيد التحقيق مع مدام سوسن وداده
سمحة

ووجه كلامه لها قائلاً: لو سمحتى تيجى معانا أنت وداده سمية
. أفهم من كده أتنى متهمة؟

- مش بالضبط لكن وصلنا لمعلومات جديدة وعلى أساسها هنعيد
التحقيق معاكى... .

ممكن أروح بعربى ؟
. أيوه طبعاً..

فتدخل عصام قائلاً: مش فاهم إيه اللي بيحصل يا حضرة
الظابط؟..

فأجابته بحدة: أبداً حضرة الضابط فاكر أن ليا دخل فى خطف
مريم

ثم نظرت للرائد مدحت وقالت بنفس الحدة: لكن أحب أكد لك
أنك بضيع وقتك من غير فائدة.

فأجابها الرائد بهدوء: إحنا عارفين شغلنا كويis وبعدين ده مش
اتهام بشكل رسمي... دى لسه مجرد شكوك ..
فتدخل عصام قائلاً: حضرتك بتقول إيه، سوسن لا يمكن تعمل
كده!

قال له الرائد بجدية: حتى لو عرفت أنك متجوز عليها ومراتك
حامل !؟

فصمت دكتور عصام بذهول وقامت مدام سوسن بالنداء على
داده سميحة فأجابتها قائلة: أيوه يا هانم ...

فقالت مدام سوسن: قولى لعم كامل يجهز العربية وحضرى نفسك
عشان هتيجى معانا حضرت الضابط عايز يحقق معاكى.

نظرت داده سميحة نظرة قلق قائلة: حاضر يا هانم ...

ولكن تدخل دكتور عصام قائلاً: مفيش داعى لعم كامل أنا جاي
معاكم وهو سللكم

ولكن ردت عليه مدام سوسن بحدة: متشكره يا دكتور
ثم قالت: نفذى اللي قلت لك عليه ياداده ..

خرجت مدام سوسن مع داده سميحة من الفيلا وركبا معًا العربية
وخرج دكتور عصام وراءهم مسرعاً بعربته.

* * *

بدأ استجواب مدام سوسن بمواجهتها بالمعلومات التي أدلّى بها
عم كامل وأكّدت هي أن هذه المعلومات صحيحة وأضافت قائلة: من
أسبوعين تقريباً قبل اختفاء مريم جاء تليفون من مجهول يؤكّد لي أن

عصام أتجوز نبيلة، الأول مصدقش لكن بعد فترة من كثرة المكالمات
قررت أراقبه، فى آخر مكالمة جاءت عرفت أن عصام هيقابها فى
الشقة اللي اشتراها لها فى نفس اليوم اللي اختفت فيه مريم وانتفقت مع
شركة تأجير عربيات وأجرت عربية بالسوق مكتنش عايرة حد يعرف
أى حاجة، وفعلاً محدث عرف غير داده سميحة؛ لأنى متعددة
أفضفض معها عشان كده أول ما عرفت أن مريم اختفت اتصلت بيا
وقالت للكل أنتى نايمه ورجعت عشان أطمئن عليها، أنا لا يمكن أفكر
ولو لحظة بأذيتها حتى لو كنت عايرة أنتقم من عصام،

طلب منها العميد عماد بيانات شركة تأجير السيارات واسم
السائق وأعطتهما له، أما داده سميحة فلم تصيف جديداً وأكدت على ما
قالته مدام سوسن وخرجت مدام سوسن وداده سميحة من مكتب العميد
عماد فوجدت دكتور عصام فى انتظارهم وسأل سوسن بلهفة: إيه اللي
حصل؟

فأجابته بحزن: لو عايز تطمئن على بنتك ادخل أسأل سيادة
العميد يمكن صحيح أكون أنا اللي خنتهها.

فرد عليها مسرعاً: بتقولي إيه أنا لا يمكن أفكر في كده ولو
لحظة!

- على العموم كل حاجة بيننا انتهت بس لو عرفت أي حاجة عن
مريم تبلغني
وانصرفت مسرعة حتى لا يلحظ الدموع التي كانت تملأ عينيها.

* * *

استيقظ عادل مبكراً في هذا اليوم بالذات وجلس في انتظاره،
وحضر سالم ودق الجرس؛ ولكن هذه المرة انفتح الباب بسرعة ..
وقال عادل: افضل .. افضل.

دخل سالم وهو يبتسم قائلاً: واضح أنك فكرت، أتمنى تكون
وصلت للقرار السليم ..

فرد عادل في تردد: الحقيقة أنا فكرت وموافق بس بشرط ..
فأجابه بتعجب: شرط !

- أيوه شرط بصراحة أنا خايف عشان كده لازم العمليه تتعمل في
مستشفى محترمة الواحد كل يوم بيسمع عن كوارث بتحصل في غرف
العمليات ...

. اطمئن العملية هتعمل في مستشفى استثماري كبير ...
مستشفى إيه اسمها إيه يعني....؟!

- أنت أسألك كتيرة ليه؟ هتعرف يوم ما تجي تعمل العملية المهم
دلوقي عايزة بكرة تعمل حسابك هعدي عليك الساعة ٩ صباحاً عشان
تعمل شوية تحاليل .

بكرة ليه مش النهارده ...

. ياه مستعجل قوى صحيح الفلوس لها كلمتها خلاص بكرة وتكون
صايم ...

. حاضر ...
. عن إذنك

. بس مشريتش حاجة .

مش مهم مرة تانية..
خرج سالم واتصل بدكتورة نبيلة ..
ألو أيوه يا دكتورة..
أيوه يا سالم ..
عادل وافق ..
طيب اتفقتو معاه عشان يعمل التحاليل ...
أيوه بس ..
بس إيه ..
أصله كان باين عليه ملهوف..
وإيه يعني طبعاً ملهوف على الفلوس ..
بس هو مجبيش سيرة الفلوس خالص ولم يؤكّد تاني على قيمة
المبلغ اللي هيقبضه بعد العملية كل اللي همه أن العملية هتتعمل في
مستشفى محترمة ولما طمنته سألني عن اسم المستشفى...
— متشغلش بالك عادي تلاقي بس الرجل من النوع الموسوس
وخايف على صحته مع السلامة ..
مع السلامة أشوف حضرتك بكره ..
لاأ ... دكتور سعيد هو اللي هيتابع الموضوع أنا في أجازة،
أغلقت نبيلة التليفون مع سالم وأجرت مكالمة أخرى.
ألو دكتور سعيد ...
أيوه دكتورة نبيلة ...
اسمعنى كوييس سالم هيجياك بكره تابع أنت الموضوع أنا تعبانة.

. طيب هبلغ حضرتك بالنتيجة وحضرتك تبلغى دكتور عصام.
. لاً .. بلغه بنفسك أنت اللي هتابع الموضوع المرة دي معاه.
. ماشى واطمنى كل حاجة هتمشى زى ما متعودين مع السلامة.
مع السلامة.

* * *

الفصل الخامس

دق الرائد مدحت باب مكتب العميد عماد؛ لكنه لم يرد عليه،
فدخل فوجده واقفاً شارد البال ينظر من خلال شباك مكتبه، ولم ينتبه
إليه

قال: صباح الخير يا فندم ...
فالتقت إليه منتبهاً فجأة قائلاً: صباح الخير ...
واضح أن حضرتك شارد

— بفكرا في القضية بعد ما حققنا مع مدام سوسن رجعنا تانى
ل نقطة الصفر كل المعلومات اللي قالتها صح شركة تأجير السيارات
والسوق أكدوا كلامها .

— عندي معلومات شبه مؤكدة أن الدكتور بيتجرب في الأعضاء
البشرية !

إبتسם العميد عmad قائلاً: وده هييفدنا في حل القضية
استغرب الرائد مدحت من لامبالاة العميد عmad، ولكنه أكمل
 قائلاً: يمكن يكون واحد سرق كلية ولا أى عضو من أعضائه وبينتم
منه ...

— اسمعني كوييس السكة دي مش هتوصلك لحاجة والمعلومات
اللى بتقولها دي مش جديدة علياً دكتور عصام من عشر سنين وهو

بيشتغل فى تجارة الأعضاء البشرية؛ لكن فى الأول مكنش حريص لكن أول ما أتجوز سوسن أصبح قريب من دكتور فخرى وأيده اليمين وبقى مبيظهرش فى الصورة بيدير الموضوع من بعيد، بس يوصل للمتبرع المناسب بعد كده بيبدأ الاتصال بالمتبرع عن طريق وسيط ويفهم المتبرع أنه وصله عن طريق الصدفة والدكتور يتبع من بعيد والعملية تتم فى مستشفى هو مشارك فيها عن طريق دكتورة نبيلة وماضية على ورق ضد....

فعلا اللي بتقوله مطابق للحكاية اللي قالها عادل...

مين عادل...؟!.

- سواق فى هيئة النقل حاولت أدخله فى وسطهم على أمل أوصل لأى معلومة جديدة....

. إحنا بنحقق فى اختفاء بنته وواضح أنك موصلتاش لحاجة مهمة.
- لكن يا فندم الموضوع ده أهم إحنا مسكننا بأول الخيط ولو عادل
كم فى الموضوع ممكن نمسك شبكة تتاجر فىأعضاء الغلابة
ولا يسيء مسك الإنسانية.

- نصيحة منى مش هتوصل لحاجة المتبرعين بيعملوا كده بإردىتهم
مقابل مبالغ طائلة بالمقارنة بفقرهم ، فى نفس الوقت الحالات اللي
بتتعامل مع الدكتور ناس واصله أكبر مما تتخيل.

. أكبر من القانون

— مافيش فايدة أنت الحماسة وخداك أنا نبهتك وعملت اللي عليا

...

رن جرس التليفون ليقاطع حديثهما فرد العميد عماد ثم أغلق السماعة وهو يبدو عليه التهجم وقال: وجدوا جثة مرمية في النيل تتطبق عليها أوصاف مريم.

هتصل بالدكتور يتعرف عليها، لكن إيه حالة الجثة...؟!

— للأسف الجثة بها شق من عند البطن بيقولولي المنظر بشع، مين المجرم علشان يعمل في طفلة بريئة كده
— واحد عارف أن الدكتور أكبر من القانون وقرر يأخذ حقه بأيده

...

انصرف الرائد مدحت وترك العميد عماد يفكر قائلاً في نفسه معاه حق أنا دايماً متأكد أن ١٠ % بس من المجرمين اللي يحاس بهم القانون والباقي متزوكين لحساب ربنا وربنا دايماً عادل؛ لأن ببساطة في ثغرات كثيرة بالقوانين.

* * *

تلقي دكتور عصام الخبر كالصاعقة وذهب مسرعاً للمشرحة ووجد الرائد مدحت في انتظاره وهما في طريقهما لرؤيه الجثة أخذت تتولى على رأس دكتور عصام ذكريات متعددة لمريم منذ ولادتها وخمسة والدتها، أفاق من تلك الذكريات على صوت الرائد مدحت وهو يقول له: أفضل يا دكتور ويا ريت تمسك أعصابك ...

دخل دكتور عصام وهو يقدم رجل ويؤخر الأخرى وعندما كشف الغطاء عن الجثة تسمر في مكانه وحملقت عيناه إنها مريم، نعم ابنته

مريم وأحس أن الدنيا تلف به ونظر له الرائد مدحت فى أسى وسأله : .
هي مش كده ؟

رد عليه بصوت مخنوق : أيوه أيوه
ثم خرج مسرعاً من الغرفة وخرج وراءه الرائد مدحت واستوقفه
خارج الغرفة منادياً : دكتور عصام ... دكتور ...
وقف عصام متوجهًا بنظره للرائد مدحت وانتظر حتى اقترب منه
وقال بغضب : أيوه
. البقاء لله

— متشرkr قوى بس أنا مكنتش ببلغ البوليس عشان يوصلوا للجثة
كنت عايزها حية، سمعنى يا حضرة الضابط حية
. دى إرادة ربنا

— أيوه أيوه قولى الكلمتين المحفوظين كمل واللى حصل قضاء
وقدر وربنا يعوض عليك مش ده اللي حضرتك عايز تقوله، بس مش
دى الحقيقة، الحقيقة إن التقصير منكم، كنتم لازم توصللها بسرعة ...
— للأسف الطبيب الشرعي بيقول إنها ماتت بعد خطفها بساعة
تقريباً؛ لكن تقرير الطبيب الشرعي لسه مكملاً

— وهيفقول إيه الطبيب الشرعي فى تقريره مهما قال مش هيرجع
بنى اللي ماتت

. على الأقل ممكن يصلنا للقاتل ...
ممكن ! عن أذنك أنا محتاج أكون لوحدي ...

— قبل ما تمشى فى حاجة مهمة لازم أقولها لك الجثة لقيناها
طافية على النيل ومشوها من عند البطن ورجليها مربوطة بحبل...
أقصدك إيه !؟.....

— يعني اللي قتلها شق بطنها وشوه أمعاءها وواضح أنها كانت
مربوطة بحاجة تقيلة عشان متطفوش على وش المية؛ لكن مع الوقت
الحبل انقطع وطفت على وش المية
كفاية من فضلك كفاية

انصرف دكتور عصام وهو فى حالة انهيار تام، أما الرائد مدحت
فسأل نفسه معايًّا: ليه قلت له حكاية أمعاءها مكنش فى داعى دلوقتى
ثم أجاب على نفسه قائلاً: متضحكش على نفسك رغم أن مريم
 مجرد طفلة ملهاش ذنب؛ لكن أنت كنت قاصد؛ لأنك حاسس أن ده
انتقام ربنا وكنت عايز تحسسه بالذنب تجاه الغلابة الذين لا حول لهم
ولا قوة، وبانت أعضاؤهم البشرية مجرد قطع غيار.

* * *

خرج دكتور عصام وهو فى شدة الغضب والحزن وظل يسوق
سيارته فى الشوارع بلا هدف محدد إلى أن وجد نفسه أمام كورنيش
النيل فركن عربته، ونزل منها ووقف أمام النيل وأحس بأنه يرى وجه
مريم على الماء ببراءة طفولتها، وتذكر كيف فعل المستحيل لإنقاذها
بعد أصابتها بتليف الكبد، وهو غارق فى أفكاره، فإذا بيد توضع على
كتفه ويقول صاحبها: مالك يا دكتور واقف هنا كده ليه؟

ودون أن يلتفت له دكتور عصام قال: أيوه يا حاتم في حاجة !..

. لاً .. بس لفت نظري وقوفك كده وشكاك تعان قوى هو الضابط
قال لك حاجة ضايقتك ...

التقت بغضب قائلًا: عرفت أزاي أنى كنت مع الرائد .. أنت
بتراقبنى

— أبدًا يا دكتور أنا سألت عليك في المستشفى والسكرتيرة قالت
لى! اهدا بس يا دكتور واضح أن أعصابك تعانة إيه اللي حصل ..؟!
أنا كنت في المشرحة ...

. بتقول إيه مريم

. أيوه ماتت.. آه لو أعرف مين اللي قتلها كنت شربت من دمه
قتلها...!

. أيوه اقتلتها ورموا جثتها في النيل ...
معقوله مين اللي عمل كده وليه ...؟!

. البوليس موصلش لأي حاجة

. لا حول ولا قوة إلا بالله ... البقاء لله.

. أنا مش عايز حد يواسيني بكلمتين ابعد عن وشى...
وانصرف دكتور عصام وركب سيارته.

* * *

جلست سوسن على الكرسي الهزاز تهتز به بعصبية وهي تنظر للسقف شاردة، جاءت لها داده سميحة ببعض الطعام مع فنجان الشاي قائلة: أنتضل الشاي بس الأول كلي لك لقمة أنت من امبارح مكتايش

نظرت لها سوسن قائلة: ماليش نفس يا داده ...

. يا بنتى اللي بتعملية فى نفسك ده مش هيغير اللي حصل ...

- أنا مش عايزة أتكلم فى الموضوع ده من فضلك يا داده وبعدين أنا اللي شغلنى دلوقتى مريم قلبى حاسس إنى خلاص مش هشفها تانى.

. متقليش كده إن شاء الله هترجع وبكرة تقولى داده قالت ...

. نفسى أعرف البوليس وصل لحاجة جديدة ...

. طيب أتصلى بالدكتور عصام واسأليه ...

. لاً ... أنا هتصل بالرائد مدحت هاتى التليفون

. ألو ...

. ألو مين معايا

. أنا مدام سوسن حرم دكتور عصام ...

— أيوه البقاء لله أنا آسف جداً صدقيني إحنا عملنا كل اللي نقدر

عليه

. حضرتك بتتكلم عن إيه !؟....

. هو دكتور عصام مبلغكيش !؟

. بلغنى بيايه ؟

. إحنا وجدى جثة مريم والدكتور جه المشرحة وأتعرف عليها ...

لم تستطع سوسن تمالك نفسها وسقطت السماعة من يدها
وأحسست أن الدنيا تدور بها، وجاء صوت الرائد مدحت من السماعة وهو
يقول: . ألو... ألو مدام سوسن ..

فارتبكت داده سميحة للحظات ثم أخذت السماعة من على
الأرض. وقالت: أيوه هو حضرتك قلت لها إيه ...؟!

. أيوه مين معايا ...
. أنا داده سميحة ...

. أ. أيوه يا داده فين مدام سوسن ...؟!

. متسمرة في مكانها في حالة ذهول ...

— آسف إنى قلت الخبر كده، أتصورت أنها عرفت من دكتور

عصام

. خبر إيه ...؟!

. مريم ماتت مقتولة ولقينا جثتها في النيل ...

لمعت الدموع في عينيها لكنها تماسكت قائلة: طيب مع السلامة

يا بيه

وأغلقت السماعة واقتربت قائلة: أهدى يا بنتي متعمليش في نفسك

كده

نظرت لها في ألم قائلة: أهدا إزاي أنا كان قلبي حاسس أنا قلت
لك.

. طيب يا بنتي أهدى حاولى تطلعى تستريحي في غرفتك...

لكن فجأة بدا على سومن الإعياء الشديد وقالت في فزع: داده أنا
مش قادره آخذ نفسي داده ... داده
وسقطت مغشياً عليها.

* * *

ذهب دكتور عصام لشقته القديمة التي كان يقيم بها هو وهمسة
وشاهد أول أيام طفولة مريم وإذا بالموبايل يرن فنظر في الرقم فوجدها
نبيلة، فقرر ألا يرد عليها، ولكنها ألحت في الاتصال فرد
عليها قائلاً بغضب: أيوه يا نبيلة عايزة إيه ؟!
أبداً كنت متصلة أعزيك ...
عرفتى منين ...؟!
من حاتم ..
شمتانة فيا طبعاً زمانك بتقولي مفيش قدامه غيري أنا وابني..
آه نسيت أقول لك ابنتنا احنا كمان مات ...
بتقولي إيه ؟

ـ اللي سمعته البقاء لله عزي نفسك مرتين، كنت فاكر إيه بعد ما
ضربتنى ونزلت ورا الهانم، أغمى علياً لولا ملك لحقتنى كنت زمانك
بتعزى فيا أنا كمان ...

صمت دكتور عصام لبرهة ثم قال: أنا مكنش قصدى أنت
السبب كنت عايزة تحطينى قدام الأمر الواقع وأنت عارفه أنى مقبلش
كده.
أنت لسه مش مصدق أتنى مش أنا اللي اتصلت بيها

. نبيلة أرجوكى مش وقته أنا أعصابى تعبانة.

- على العموم خلاص كل اللي بيننا انتهى حتى الشغل أنا شايفه
إن الدكتورة اللي معاك كفاية أنا رتبت كل حاجة وهسافر لوالدى فى
دبي.

. أنت بتقولى إيه والمستشفى

- شوف حد غيري أنا كتبت نصيبي فى المستشفى بيع وشراء لك،
هو أصلاً نصيبك وكده الورق اللي معاك ملوش لازمة.. مع السلامة.
نبيلة ... نبيلة.

كررها عدة مرات دون جدوى لقد أغلاقت السماعة وأنهت ما بينهما
إلى الأبد.

* * *

حضرت ليلى مسرعة تطمئن على سوسن بعد اتصال داده
سمحة بها وعندما دخلت الفيلا وجدت الدكتور عند الباب يهم
للانصراف وسألته قائلة: خير يا دكتور سوسن عندها إيه ...؟!
اهدى ياهانم كل الحكاية أنها لما سمعت خبر وفاة بنتها حصلت
لها صدمة وضيق تنفس فأغمى عليها، كتبت لها مهارات ومحاجة
شوية راحة وتبعدوها عن أي حاجة ممكן تأثر على أعصابها عن
أذنكم ...

. شكرًا يا دكتور ...

وانصرف الدكتور ونظرت ليلى لداده سمحة بحزن: هي عرفت
إن مريم ماتت من مين ...؟!

— اتصلت بالضابط اللي بيحقق في القضية عشان تطمئن فعرفت

...

— طيب يا داده أنا هطلع أطمئن عليها وأحاول أقنعها تسافر معايا
لأى مكان تحبه يمكن تغيير الجو يساعدها تطلع من اللي هي فيه.
يا بريت يا بنتي ...

صعدت ليلي لسوسن ودققت الباب وهي تقول: سوسن أنا ليلي
وجاءها صوت سوسن المليء بالحزن وهي تقول: ادخلني يا ليلي

...

دخلت ليلي ونظرت لسوسن فوجدتتها جالسة على السرير وعينيها
 مليئة بالدموع فأسرعت وجلست بجوارها قائلة: سوسن متعمليش كده في
 نفسك صحتك ...

صحتي! أحافظ على صحتي لمين ...

أهدي ياسوسن أيه رأيك نسافر يومين مع بعض نغير جو
 لأ... أنا أعصابي تعبانة ..
 عشان كده أحسن حل السفر ..

أنا مقدرة شعورك وعارفه أنك عايزة تقفى جنبى...

أنت عارفة إحنا مش بس أصحاب... أنت أختى.

— لو عايزة تقفى جنبى صحيح أوعدينى تساعدينى فى اللي بفكر
 فيه.

— بتقىكري فى إيه !؟.....

فاكرة زمان قبل ما أتجوز عصام كنت بفكر فى إيه ...؟!

. أيوه افتكرت كنت بتفكري تتبني طفلة ...

. آه بس المرة دى الفكرة اختللت أنا بفكر نؤسس ملجاً فى الفيلا.

. بس الموضوع ده يحتاج اجراءات كتيرة

— هكلم المحامى يتبع الموضوع المهم أنت معايا فى الموضوع

ده!

طبعاً بس !!!!!.

بس إيه !؟.....

دكتور عصام ...

— عصام خلاص انتهى بالنسبة لى، كلمت المحامى يرفع قضية

خلع

. ياسومن مش وقته أكيد أعصابه تعانه عشان مريم زيك وأكتر.

— أعصابه هتهدى أول متولد نبيله مولدها المهم أنفذ فكري

معايا..

. معاكى فى كل خطوة ...

كانت سوسن مقتتعه تماماً بالفكرة وقررت ليلى عدم مناقشتها فى
موضوع دكتور عصام مرة أخرى.

* * *

وسلم الرائد مدحت تقرير الطبيب الشرعي وذهب للعميد عماد
ودق الباب ودخل قائلاً: تقرير الطبيب الشرعي وفيه حاجات كتير
محيرة.

. زى إيه ؟...؟.

— أولاً: رغم شق البطن إلا إن ده مش سبب الوفاة سبب الوفاه تناول سم عن طريق الفم، ثانياً: الكل أكد أن مريم عملت عملية استئصال الزایدة ورغم كده الطبيب الشرعى بيقول إن الزایدة غير مستئصلة، ثالثاً: رغم تشووه الأجزاء الداخلية للبطن؛ لكن الجزء المستئصل تماماً هو الكبد ومستئصل بطريقة بدائية بمعنى أن اللي استئصله ميقدرش يستخدمه في أى غرض طبى، رابعاً: فصيلة دم مريم OH.

قطاعه العميد عmad قائلًا: تقصد فصيلة دمها O.

— لاً ... فى البداية أتصورت كده، لكن الطبيب كاتب أن OH فصيلة نادرة جدًا اكتشفت سنة ١٩٥٢ فى الهند بمدينة بومبای لذلك يطلق عليها فصيلة "بومبای جروب" نسبة تواجدها من ١ إلى ٣ في المليون.

— فعلاً التقرير ده بيزود علامات الاستفهام في القضية، إذا كانت الزایدة موجوده، إيه العملية اللي عملتها وليه والدها أخفى الموضوع وبالتأكيد هو عارف فصيلة دمها النادرة من ناحية؛ لأنه طبيب ومن ناحية تانية؛ لأنها عملت عملية، يعني مرت بتحاليل بينت فصيلة دمها في نفس الوقت رغم ندرة فصيلة دمها واستئصال الكبد تماماً، إلا أن قتلها بالسم، واستئصال الكبد بيأكذ أن اللي قتلها مستقدش بأى شكل من الأشكال مثل زراعة الكبد ده في جسم مريض.

– عندك حق التقرير رغم المعلومات اللي فيه إلا أنه زود حيرتنا؛
لكنه في الغالب رجعنا لفكرة أن اللي قتلها قتلها بدافع الانتقام وأنه مكنش
على دراية بفصيلة دمها النادرة.

– لكن تقضي أسلطة مبهمة ليه دكتور عصام أخفى حقيقة العملية
اللى بنته عملتها، وليه ادعى إنها الزرايدة، وليه القاتل خد كبدها....؟!
ظل الرائد مدحت والعميد عماد يتناقشان في التقرير لمدة طويلة
دون جدوj وقررا أن ينهوا المناقشة ، وخرج الرائد مدحت من مكتب
العميد عماد وهو ما زال يفكر في القضية، فإن شعوره يؤكّد له أن ندرة
فصيلة دم مريم وراء كل ما يحدث.

* * *

أمضى دكتور عصام ليلته كلها في الشقة يتأمل صور همسة
وصور ابنته وهي طفلة لم تكمل العام ثم غلبه النوم وهو على الأريكة
في غرفة الجلوس واستيقظ في الصباح على رنة تليفونه المحمول فنظر
في الساعه قائلا: ياه الساعه ١٢ الظهر.

ثم أمسك تليفونه المحمول ليرد قائلا: ألو

ألو صباح الخير يا دكتور

صباح الخير دكتور سعيد

. المتبرع جاهز مش فاضل غير تحديد وقت العملية ...

. متبرع إيه ؟!

. حضرتك نسيت يا دكتور ولا إيه عم عادل

. أيوه افتكرت، دكتور سعيد أجل الموضوع ده في الوقت الحاضر .

إزاي يا دكتور ... دكتورة نبيلة فهمتى أن الموضوع مستعجل ..

فرد عليه بغضب: وبعدين يا دكتور اسمع الكلام ونفذه من غير نقاش

— هدى أعصابك يا دكتور أنا وباقى الدكتاترة ممكן نقوم بالعملية

لوحدنا أنا عارف أن موت بنت حضرتك مأثر عليك ...

— لما أنت عارف أن بنتى ماتت تقتر ده وقت مناسب للمناقشة

فى أى موضوع مع السلامة
وأغلق عصام الموبايل بغضب...

وبعدها تلقى مكالمات كثيرة تعزىء فى ابنته؛ لأن معظمها من شخصيات مهمة، فحاول أن يرد وهو متصل بالأعصاب؛ لكن كل مكالمة كانت تزيد حزنه وغضبه؛ لأن كل مكالمة كانت تذكره أنه أنقذ ابن أو أخ أو قريب لكل من اتصلوا به من الموت، لكنه لم يستطع إنقاذ ابنته من الموت أو بمعنى أصح من القتل.

* * *

جلس دكتور سعيد بغرفته يلعن غباءه وينهى حظه التعس؛ لأنه ظن أنه عندما ينتهز فرصة غياب دكتورة نبيلة وانشغال دكتور عصام بمقتل ابنته سيأخذ مكانة دكتورة نبيلة ويدبر هو المستشفى ويقوم بالعمليات المهمة؛ لكنه لم يحسن التصرف فلم يعز دكتور عصام، كان ينوى التظاهر بعدم معرفته بالموضوع رغم نشره بكل الجرائد؛ لكن عندما طلب تأجيل العملية فلت لسانه وظل حائراً لفترة، ماذا يفعل لإإنقاذ الموقف، ثم قرر الاتصال بدكتورة نبيلة.

ألو صباح الخير

. ألو أيوه دكتور سعيد ...

— اتصلت بدكتور عصام لما كل حاجة جهزت طلب منى تأجيل
الموضوع ...

. شيء طبيعي أنت عارف موضوع بنته.

— خلاص تابعى أنت الموضوع زى كل مرة واعملى العملية
بنفسك.

. أنا تركت الشغل ومسافرة فاضل على طيارتى ٣ ساعات، دكتور
عصام هو المسئول عن كل حاجة.
ونصيبك فى المستشفى ...

. بعته للدكتور عصام مع السلامة يا دكتور
وأغلقت الموبايل وأحس بالسعادة فالدكتور عصام إن عاجلاً أم
أجلان يجد شخصاً يثق به وعلى درايه بكل ما يحدث بالمستشفى
غيره من قبل كان هناك دكتور سامح، وكان دكتور عصام يثق به بعد
دكتورة نبيلة وعندما وجد فرصة عمل ممتازة وسافر للصين أخذ هو
مكانه وأحس أنه ليس أمامه عقبة للاستيلاء على هذا المنصب سوى
دكتورة نبيلة وهاهي تسافر أيضاً.

* * *

ركبت دكتورة نبيلة التاكسي الذي سيوصلها للمطار وطلت تفكير،
كانت تتوى إرسال الملفات السرية الخاصة بجميع العمليات غير
القانونية التي تم تنفيذها بمستشفى الخير للنائب العام؛ لكنها عندما
أمعنت التفكير رأت أن أصابع الاتهام ستتجه إليها، يكفى أن يقول

دكتور عصام: إنها هي من سرب الملفات، وسينفتح عليها أبواب جهنم، وسيلاحقها كل من وردت أسماؤهم بالملفات من رجال أعمال، ومناصب مهمة، وحتى بعض رجال الدين، تذكر جيداً اليوم الذي فوجئت بأحد الشيوخ المشهورين بتشددهم في تحريم زراعة الأعضاء حتى في حالة موافقة المتبرع في غرفة العمليات، وأجرى له دكتور عصام عملية زراعة الكلى، وكانت هي مساعدته وسألت دكتور عصام بعد إجراء العملية؛ لتأكد من شخصيته وأكد لها أن ظنها في محله معلقاً على ذلك قائلاً:

— الذى على البر عوام طول ما الموضوع بعيداً عن الشخص
يبقول اللي هو عايزة؛ لكن أول ما الخطر يقرب، كل واحد بيدور على
مصلحته ويتلون كلامه ووجهة نظره تتغير ١٨٠ درجة.

وغيرت رأيها وقررت أن تسافر ثم تفكر بهدوء وروية؛ ولكن اتصال دكتور سعيد جعلها تفكير في فكرة أخرى وهى أن تتصل بصادق بيه.

ألو مكتب صادق بيه ...

أيوه أنا السكرتيرة

ممكن توصليني به

مين حضرتك !؟...

دكتورة نبيلة من طرف دكتور عصام ...

ثانية واحدة ...

معاكى ...

انتظرت قليلا ثم جاءها الرد: صادق بيه مع حضرتك ...

. أيوه يا دكتورة نبيلة أي خدمة .

. أبدًا أنا اتصلت عشان أبلغ حضرتك أن المتبرع جاهز ...

. طيب كويس ...

. بس فى مشكلة بسيطة ...

. مشكلة إيه عايز فلوس أكثر ...؟!

— لاً ... الموضوع مش موضوع فلوس، طبعًا عارف الظروف
اللى بيمر بها دكتور عصام هو عايز يؤجل الموضوع، والحقيقة فى
الحالة دي ممكن المتبرع يغير رأيه، وحتى لو مغىresh رأيه اللي أعرفه
أن الحالة حرجة.

— عندك حق أنا صحيح مقدر اللي هو فيه؛ لكن هو كمان لازم
يقدر ظروفى لو مش هي عمل العملية يدلنى على المتبرع وأنا هتصرف

...

. عندنا طقم دكاترة ممتاز ولو لا إنى مسافرة كنت عملتها بنفسي.

. والحل ...

— هو أكيد مش هيتأخر لو حضرتك كلمته يعمل العملية هو أو
طقم الدكاترة اللي معاه عندهم خبرة كويسة فى الموضوع ده ...
خلاص أنا هكلمه...

. بس ياريت متبلغهوش أن أنا كلمتك ...

. طبعًا مع السلامة.

كانت نبيلة تعلم جيدًا أنها بذلك وضعت دكتور عصام بين
نارين، إما أن يقوم بالعملية بنفسه، وعلى الأرجح هذا لن يحدث؛ لأنه

مجهد الأعصاب؛ لكنه في نفس الوقت لا يريد خسارة صادق بيه، وإنما أن يترك طاقم الدكتورة بقيادة دكتور سعيد يقوموا بتنفيذ العملية، وهذا هو ما يتمناه دكتور سعيد وهي أيضًا؛ لأنها تعلم أن دكتور سعيد سينتهز الفرصة، وأنه طموح جداً لدرجة قد يجعله يحاول إزاحة أي شخص من أمامه، حتى لو كان دكتور عصام نفسه، وبذلك يكون قد دق دكتور عصام أول مسمار في نعشة.

* * *

الفصل السادس

قضى الرائد مدحت ليلته يفكر في القضية إلى أن توصل إلى خيط قد يساعد في حلها، وقرر أن يذهب في الصباح ليخبر العميد عماد بخطة لمعت في رأسه، ودخل وهو يقول: صباح الخير يا فندم.
— صباح النور اللي يشوفك النهارده يقول إنك وصلت لحل القضية.

فعلا يا فندم...

فأجابه بلهفة: فعلا إيه في معلومات جديدة تقيد القضية.

يعنى هيا مش معلومات ... بس استنتاج.

استنتاج !...

بس اسمعني ...

أتفضل ...

أكيد أن مريم من سنتين عملت عملية، وأكيد مش عملية الزايدة.

بناءً على تقرير الطبيب الشرعي بيقي أكيد ...

- بيقي عملت عملية تانية وبشكل سرى جدًا، فى نفس الوقت اللي
الجزء الوحيد اللي اختفى من جثة مريم كان الكبد، بيقي ليه مت肯ش
عملية زراعة الكبد.

— حتى لو كان، سبق وقلت لك إن دكتور عصام مبيسرقش الأعضاء مش أسلوبه هو دائمًا يعرض مبلغًا كبيرًا على المتبرع، والمتبرع مع فقره يوافق على طول.

صحيق يا فندم لكن لو وضعنا فى الاعتبار ندرة فصيلة دم مريم وأن المتبرع بالكبد لازم يكون من نفس فصيلة الدم، أتذكر يا فندم أن نسبة تواجد الفصيلة دي من ٣ إلى ١ في المليون، يعني لو دكتور عصام وجد واحد بس من نفس الفصيلة تبقي معجزة، ولو افترضنا أن الشخص ده موافقش ، تبقي كارثة للدكتور عصام، وأكيد هيحاول يعمل أى حاجة عشان ينقذ بنته.

— حتى لو وافقتك على وجهة نظرك، فى الآخر معرفناش القاتل!....

لكن فى الحالة دي أكيد دكتور عصام عارف هو مين ...
وأنت فاكر أنه هيعترف بسهولة ويقول لك هو عمل كده مع مين ..

..

— لأنـ.. لكنـ لو عرفنا المعلومات اللي في تقرير الطبيب الشرعي خاصة اختفاء الكبد، ممكن نعرف اللي انتقم منه بتكتيف المراقبة. دي كلها مجرد استنتاجات لكن مش هنخسر حاجة لو جربينا...
شكراً ياـ فندـمـ عنـ إذـنكـ ...

ـ رـايـحـ فيـنـ ...؟!ـ

ـ أنـفذـ الخـطـةـ هـدورـ عـلـيـهـ وأـوجـهـ بـالـمـعـلـومـاتـ التـىـ بـالـتـقـرـيرـ .

* * *

قرر دكتور عصام التفرغ تماماً لمعرفة من قتل ابنته يجب ألا يقف ساكناً ويتصرف بسلبية، ويترك الأمر برمته للشرطة، وهو غارق في أفكاره، أفاق على جرس الباب ونهض ليفتح الباب، فإذا بصادق بيه يقف أمام الباب فقال مسرعاً: أتفصل

— شكرًا أنا لقيت أن التليفون مش كفاية ولازم أجيك وأعزيك

بنفسي.

متشكر يا صادق بيه ...

دخل صادق وجلس بغرفة الجلوس وسأل دكتور عصام قائلاً:
عرفت منين إن أنا هنا !؟...

من حاتم

أيوه هو عارف العنوان هنا

عارف أن الوقت مش مناسب، لكن إيه الأخبار لقيت المتبرع.
لم يرد دكتور عصام فوراً، وصمت قليلاً فاستكمل صادق كلامه
 قائلاً: عارف أن موت بنتك مؤثر عليك؛ لكن أنت عارف أن الحالة
حرجة، لو كنت وصلت للمتبرع، ومش قادر تعمل العملية دلني على
المتبرع وأنا هتصرف... .

صمت دكتور عصام وربط بين ما قاله صادق بيه واتصال
دكتور سعيد به، لا يمكن أن تكون صدفة فقال: صادق بيه إحنا مش
معرفة يوم ولا اثنين، هكلماك بصراحة من ساعة موضوع مريم، وأنا
حاسس أنى متراقب عشان كده مقدرش أعملك العملية، ولا أنا ولا أى

دكتور من الدكاترة اللي معايا حتى المتبرع اللي وصلت له يمكن يكون متراقب.

. طيب إيه الحل من وجهة نظرك !؟...!

. أعمل العملية في الصين ...

. الصين !!!

— أيوه الموضوع ده سهل هناك أنا أعرف دكتور مصرى هناك

ممكن يساعدك في الموضوع ده ...

. الدكتور ده مضمون ...

. جدًا كان تلميذى ...

. اسمه إيه !؟... .

— سامح تليفونه معانا هاتصل بيه وأشرح له الحالة بالضبط وهو

يبقى يتصل بك، ورتّب معاه كل التفاصيل ...

. ماشى متشرker جدًا ...

وقف صادق بيه وهم بالانصراف فإذا بجرس موبايل دكتور عصام يرن ورد دكتور عصام مسرعًا فإذا بحاتم يقول له: الرائد مدحت هنا بيسأل عليك بيقول إن فيه معلومات مهمة بخصوص القضية.

. الرائد مدحت عندك ...

. فإذا بصادق بيه يقول مسرعًا: طيب عن إذنك أنا ...

. مع السلامة ...

وذهب وراءه وأغلق الباب ثم رد على حاتم قائلاً: أيوه يا حاتم ...

. حضرتك رحت فين يا دكتور ...

. أنا معاك هو سألك عن مكانى ...؟!

لأ ... سأل السكريتيرة وأنا كنت واقف بس قلت أسألك الأول ..

. طيب قول له العنوان ...

. حاضر يا دكتور مع السلامة ...

. مع السلامة ...

قرر دكتور عصام انتظار مدحت وأن يحاول معرفة كل المعلومات التي لديه ربما توصله من قتل ابنته يجب أن يأخذ حقه بيده.

* * *

ظلت سوسن تفكّر كيّف ستتمول الدار؟! وطافت برأسها العديد من الأفكار، كأن تبيع مزرعة الفواكة، ولكنها تراجعت أنها تعشق الخضرة وتحب قضاء الأجازات بها، كما أن عم رمضان يباشرها جيداً وتدر عليها عائداً كبيراً كل عام، وهكذا ظلت تسرد برأسها جميع ما لديها من ممتلكات؛ لكنها وجدت أن كل منها له ذكرى جميله بداخلها، إلى أن ركزت تفكيرها على المستشفى ورغم أنها استبعدتها في البداية، إلا أنها عادت تفكّر فيها من جديد، صحيح أن والدتها بناها، وجعل لها اسمًا كبيراً وسمعة طيبة؛ ولكن الآن عصام هو من يديرها وشريك بها، فرغم أن لها الحق في رئاسة مجلس الإداره؛ لأنها تمتلك النصيب الأكبر، إلا أنها لن تستطيع إدارتها بنجاح، وبعد ما حدث بينهما، لن تترك إدارتها له بالطبع، وجاءت برأسها فكرة أن تبيعها للدكتور فوزي، بالرغم من الصداقه التي تبدو على السطح بينه وبين دكتور عصام، إلا أنه يتمنى شراء المستشفى، كما أن نسبة ٧٠٪ ستمكنه من إدارة

المستشفى، واتصلت به ووجده يعرف أنها هي دكتور عصام على خلاف كبير وعندما عرضت عليه الفكرة وافق على الفور، وعرض عليها مبلغًا كبيراً واتفقا على كل التفاصيل ورتبوا موعداً عند المحامي وذهبا في نفس اليوم وأنهوا كل شيء وتركا باقي الإجراءات يكملها المحامي، وشعرت بسعادة بالغة، من جهة دبرت الأموال اللازمة للدار، ومن جهة أخرى جاءت بشريك، سيخذل منه إدارة المستشفى وبالطبع سيغضب دكتور عصام؛ لأنها تعود على أن يدير كل شيء بنفسه، وأن يطيع الكل آوامره.

* * *

وصل الرائد مدحت ودق جرس الباب، ففتح الباب بسرعة غريبة، ووجد دكتور عصام خلف الباب تبدو عليه الدهشة، واضح أنه كان في انتظاره، حاتم أخبره أنه يبحث عنه، وهذا ما كان يتمناه الرائد مدحت أن يجده ملهوفاً وقلقاً؛ لتأتي خطته ثمارها؛ ولكن دكتور عصام حاول أن يظهر هادئ وقال : تقضي يا سعادة الرائد خير في أخبار جديدة...؟!
ودخل الرائد مدحت وهو يقول: يعني هي الحقيقة مش أخبار كل الحكاية أن تقرير الطبيب الشرعي وصل وقلت يمكن المعلومات اللي فيه يهمك تعرفها.

— بس كده يعني حضرتك بدور عليا وعاوزنى ضروري عشان تقولى المعلومات الموجودة في تقرير الطبيب الشرعي أنا قلت أنك وصلت للقاتل أو على الأقل بتتشبه في حد ...
أفهم من كده أنك ميهكمكش تعرف بنتاك اقتلتك إزاي ...

. أكيد يهمنى لكن متساش أنا أب ودي بنتي الوحيدة واللى يهمنى
أكتر توصلوا للقاتل وأشوفه وهو متعلق فى حبل المشنقة.

. إن شاء الله؛ لكن يا ريت تساعدننا...
. إزاي

. أنا أقول لك المعلومات اللي عندي وبعدها لو حسيت أنك شاكك
في أي حد ولو بنسبة واحد في المليون يا ريت تقول لي.
طيب أتفضل أنا سمعك ...

. مريم اقتلت بالسم غالباً، شربت حاجة فيها سم
كلام إيه ده... والفتح اللي في بطنهما ...

— هو ده السؤال اللي ملوش إجابة، والغريب أن اللي قتلها فتح
بطنهما واستأصل كبدتها، طبعاً أي شخص بعد موته ولو بدقة واحدة
أى عضو من أعضائه لا يمكن الاستفاده منه في عمليات نقل
الأعضاء.

لاحظ الرائد مدحت تغير بوجهه، وكأن الكلام نزل عليه
كالصاعقة، فشرد وكأنه وقع في بئر عميق متذكرة حواره مع حاتم وهما
يركبان مع بعضهما سيارته، عندما سمع أسطورة إيزيس وأوزوريس،
براديو السيارة، وحاتم يقول له: تعرف يا دكتور أنا معجب قوى بحكاية
إيزيس وأوزوريس

. معقوله يا حاتم إيه أنت أول مرة تسمع الحكاية دي، دى أسطورة
فرعونية معروفة جداً.

. وأعرفها منين يا دكتور، أنا بفک الخط بالعافية ...

. بس دى خيال فى خيال اللي بيموت مبيرجعش تانى ...

. عندك حق يا دكتور لكن كل حكاية ولها أصل ...

. مش دايماً يعني يا عبقرى زمانك تفتكـر إيه أصل الحكاية دي.

- أبداً بعد ما اقتل وتوزعت جثته كل جزء فى ناحية حيث تدفنـه

فجمعت أجزاءه عشان تدفن مع بعضها من غير ما ترجع فيه الروح

كفاية أنه يكون مستريح فى تربته.

قطع الرائد مدحت الصمت الذى ساد المكان قائلاً: دكتور عصام

... دكتور عصام

نظر إليه وكأنه نسي أنه موجود وقال: نعم ...

. إيه يا دكتور شردت في إيه ... ؟

. أبداً ولا حاجة كنت بتقول إيه ... ؟

. ياه حضرتك مكنتش سمعنى ...

. لاً ... أنا معاك وبعدين ... ؟

. وبعدين إيه هي دي كل المعلومات الجديدة ...

. يعني حضرتك تاعب نفسك وبدور عليا عشان كده بس ... !؟!

. حضرتك شايف إنها معلومات مش مهمة ... !؟!

— طبعاً لاً ... إلا لو كانت هتوصلكم للقاتل ده شغلكم وأنتم أدرى

بيه.

. وحضرتك بعد معرفة المعلومات مشكتش في حد ...

— ياحضرة الضابط أنا زهقت أنا اتسألت السؤال ده مليون مرة

وبعدين أنا قلت كل اللي عندي والباقي شغلكم أنتم ...

. طيب يا ريت تهدى ... عايز أسألك سؤال آخر ...

. أتفضل ...

— في أول التحقيقات اتهمت أخوك حضرتك لسه مصمم على

موقعك

..... لا .

! ليه إيه اللي غير موقعك ...؟!

— أبداً كنت متخانق معاه وأعصابي تعبانة وقلقان على بنتي لكن

لما فكرت بهدوء لقيت أنه مستحيل يعمل كده.

. شكرًا يا دكتور أستاذن أنا

. يا ريت لو وصلت لأي حاجة تبلغنى وسامحني على عصبيتي.

. لا ... أبداً أنا مقدر ظروفك

انصرف الرائد مدحت وهو متتأكد أن خطته قد نجحت وشدد
الرقابة على دكتور عصام.

* * *

أحس دكتور عصام أن الدنيا تلف به وأخذ يهزى بصوت عال
قائلاً: إزاي مفكرتش فيه، ليه أستبعده من دائرة الشك هو الوحيد اللي
عنه الدافع، بس عرف منين، معقول يكون سامح قال له، لا .. لا ..
مش ممكن وبعدين أنا مكنش قصدى أقتل ابنه هو اللي مات أثناء
العملية أنا لازم أنتقم منه لازم أواجهه هأقتله ... هأقتله ...
لكنه وجد صوت ضميره يقول له: هنقتله ليه عشان موت بنتك
أنت كمان موت ابنه.

. لأنّه هو اللي مات قدره نصيبيه متحملش حادثة العربية.

. حادثة العربية إلا أنت دبرتها له.

- أيوه أنا دبرتها عشان تبقي في حجة يدخل بيها غرفة العمليات،
لكن اللي نفذ هو اللي كان غبي، خبطه خبطه خبطة جامدة أنا قلت له خبطه
خفيفة، مع المخدر يغمى عليه ويتنقل المستشفى وده فعلا اللي حصل.
— متضحكش على نفسك أنت كل اللي كان همك في غرفة
العمليات تتقذ بنتك والولد متحملش ومات.

. أبداً أنا عملت العملية بحرص ومش حاسس بالذنب... .

أفاق من أفكاره على جرس التليفون وعندما رفع السماعة وجد
دكتور فوزي يقول له: إزيك يا عصام عامل إيه دلوقتي !؟!
فوجده يرد عليه بغضب: زي الزفت

— إهداً يا عصام مش كده دي إرادة ربنا هو أنا اللي هقولك أنت
دكتور وعارف مرضى بتجي وبينهم وبين الموت لحظة واحدة، وبيعيشوا
ومرضى بيموتوا رغم أن حالتهم مش خطيرة.
المهم دلوقتي أنت متصل ليه !؟!

— ده كلام يا عصام ده إحنا أصدقاء متصل عشان أطمئن عليك
!..

. واطمئنت علياً مع السلام، أنا مش قادر أتكلم مع حد

. إستنى لحظة طيب أنا هجيلاك

. لأنّا عاوز أقعد لوحدي شوية

— طيب اللي يريحك على العموم أنا سأتصل بك تانى مع
السلامة.

أحس دكتور عصام أن دكتور فوزي كان يريد إخباره بشيء ما؛
لكنه لا يعرف ما هو، ثم قرر ألا يشغل تفكيره بهذا الأمر، يجب أن
يركز في كيف ينتقم لابنته !

* * *

نزل دكتور عصام من منزله مسرعاً بعد اتصاله بحاتم وطلب
منه أن ينتظره أمام كافترية الأمل القريبة من المستشفى وسيمر عليه
ويأخذه بالسيارة على ألا يخبر أحداً، وصار وراءه طقم المراقبة من
المباحث العامة؛ ولكن ذلك لم يمر على شخص في ذكاء دكتور
عصام، لقد لاحظ السيارة التي تسير خلفه وباختبار صغير بتغييره خط
سيره فجأة، تأكد أن ظنه بمحله وبعد محاولات عديدة تخلص من
المراقبة، وخارب ظن الرائد مدحت عندما سمع صوت فؤاد أحد أفراد
طاقم المراقبة، وهو يقول بوضوح عبر اللاسلكي: لقد فقدنا السيارة هي
الآن خارج نطاق المراقبة...!

فأسرع الرائد مدحت بإخبار شرطة المرور بأوصاف السيارة
وتمنى في داخله أن يجدوها وإلا ضاع مجده هباءً، وفي نفس الوقت
حضر الجانى للدكتور عصام ليصفى حسابه معه.

* * *

ارتاح دكتور عصام عندما تأكد أنه هرب من المراقبة؛ لكنه تأخر
على حاتم الذي بدأ يقلق لكن في النهاية وصل إليه، أخذت السيارة

تسير بسرعة بين الطرق، والغريب في الأمر أنهما لم ينطقا بكلمة طوال الطريق إلى أن وصلا إلى مكان مهجور وقال دكتور عصام بحزن: انزل
.....

قال حاتم بتعجب: إيه المكان الغريب ده يا دكتور أنت عملت حجرة عمليات سرية هنا ولا إيه !؟.....
لكن دكتور عصام نظر له نظرة غضب فقال حاتم: خلاص يا دكتور متزعلش نفسك نازل آه

ونزل من السيارة، لكن دكتور عصام فوجئ بحاتم يقترب منه بسرعة ويطوقه من الخلف ويخرج مطاواه من جيبه ويضعها على رقبته قائلاً: طلع المسدس اللي معاك يا دكتور ...

قال د. عصام باستغراب: مسدس إيه أنت اتجننت
.....

قال بغضب: يا ريت متعملش معايا على أني غبي، إيهرأيك نلعب على المكشوف، أنا عارف أنت جاييني هنا ليه واضح أن مدحت بيه قال لك حاجة عرفت منها أني قلت مريم....
.....

يعنى أنت اللي قلتها يا كلب بعد كل اللي عملته معاك
أحس دكتور عصام بالمطاواه وهي تحك بجلده وتجرحه لثقل يد حاتم عليها نتيجة لغضبه وهو يقول: زي ما قلت ابني الوحيد.....
وبعدين عملت لي إيه، هه المصلاحة بنا كانت مشتركة نسيت أنى زدت من قدامك دكتور ناجى اللي كان دراع دكتور فخرى اليمين بعد تهمة محاولة سرقة كلية راجل غلبان ودكتور فخرى صدق وفصله فوراً وحليت أنت مكانه ومن يومها وأنت تخطط وأنا أنفذ...
.....

. أنا مقتلتش ابنك أنت آخر شخص أفكر بأذنيه.....

— كداب أنا عرفت كل حاجة لما سمعتك بتتفق مع دكتورة نبيلة
تقنع دكتور سامح بالفرصة إللي جاءت له عن طريق دكتور جون اللي
اتفقتو معاه يلاقي لسامح فرصة عمل فى الصين بس يكون المرتب
جزى عشان تبعده؛ لأنه هو اللي كان معاك فى العملية وعارف كل
حاجة وعايز تبعده بطريقة زكية من غير ما يحس إن أنت اللي ورا
موضوع سفره، وسمعت كل التفاصيل وإزاى صممت بعد الحادثة أنه
يدخل غرفة العمليات وتتقل جزءاً من كبدك وبهمكش أن الحادثة
أثرت عليه، وكانت النتيجة أنه مات وبنبك عاشت وأنا من غبائي
وحزنني صدقـتـ أـنـكـ عـمـلـتـ كـلـ حـاجـةـ،ـ إـذـنـ الدـفـنـ وـكـلـ الـاجـراءـاتـ الـلاـزـمـةـ
عشـانـ تـقـنـفـ جـنـبـيـ؛ـ لأنـىـ كـنـتـ منـهـارـ ،ـ مـكـنـتـ أـعـرـفـ أـنـكـ بـتـعـمـلـ كـلـ دـهـ
عشـانـ تـدـارـىـ عـلـىـ جـرـيمـتـكـ،ـ دـهـ أـنـتـ وـقـفـتـ تـاـخـدـ العـزاـ فـيـهـ مـعـاـيـاـ لـيـهـ
يـادـكـتـورـ لـيـهـ،ـ كـنـتـ قـولـىـ وـأـنـاـ كـنـتـ أـجـيـبـ لـكـ مـتـبـرـعـ مـنـ نـفـسـ فـصـيـلـةـ دـمـهاـ
مـنـ تـحـتـ طـقـاطـيقـ الـأـرـضـ،ـ لـيـهـ اـسـتـخـصـرـتـ فـيـاـ الـوـلـدـ الـوـحـيدـ اللـىـ رـبـنـاـ
رزقـنـىـ بـهـ بـعـدـ خـمـسـ بـنـاتـ .ـ!!!!!!ـ؟ـ.....ـ!

انتهز دكتور عصام غفلته واندماجه في حزنه حتى ترقـتـ عـيـنـاهـ
بالدموع وأمسـكـ بيـدـهـ الـتـىـ تـمـسـكـ بـالـمـطـواـةـ وـأـرـاحـهـ بـعـيـداـ عـنـ عـنـقـهـ وـلـوـاـهـاـ
وراءـ ظـهـرـهـ ثـمـ دـفـعـهـ أـمـامـهـ عـلـىـ الـأـرـضـ وـأـخـرـجـ مـسـدـسـهـ قـائـلاـ:ـ —ـ اـرـمـيـهـ
المـطـواـةـ اللـىـ فـيـ إـيـدـىـ ...ـ اـرـمـيـهـ !ـ

ورماـهـاـ بـالـفـعـلـ قـائـلاـ:ـ أـنـتـ فـاـكـرـ أـنـىـ خـاـيـفـ أـنـكـ تـمـوتـىـ حـتـىـ لوـ
موـتـىـ هـمـوتـ وـأـنـاـ مـسـتـرـىـحـ؛ـ لأنـىـ خـدـتـ حـقـ اـبـنـىـ وـرـجـعـتـ لـهـ كـبـدـهـ اللـىـ

أنت خدته منه غدراً ودفنته جنبه فى تربته، أنت اللي غدرت بيا يا دكتور

- ياغبى أفهم أنا مكنش قصدي أموت ابنك، ابنك كان بالنسبة ليا كنزاً لأن فصيلة دمه زى فصيلة دم بنتى وده معناه أنه أمان بالنسبة لها. إنه يفضل عايش عشان لو احتاجت نقل دم فى المستقبل فى أي وقت لأى سبب يكون متوفر، كل اللي كنت عايشه جزء من الكبد وأنت عارف أن ده مبيأثرش على وظائف كبد المتبوع...!

- يا دكتور قول كلام أصدقه فصيلة دم أية مهمما كانت فصيلتها نادرة كنا هندور على متبرع من نفس الفصيلة ده شغلنا ياما جينا متبرعين من فصائل نادرة، أنا اللي هقولك يا دكتور، لكن أنت استسهلت وقلت لنفسك حاتم إيه ده اللي أعمله حساب ...؟.....

— يا حاتم صدقنى فصيلة دمه نادرة على مستوى العالم، دى فصيلة اسمها OH نسبتها من ١ إلى ٣ في المليون.....

— دكتور أنت فاكرنى جاهم مفيش فصيلة دم اسمها كده وبعدين أنت عرفت منين فصيلة دمه !؟.....

— لما وقع من على المرجحة وجبيه جرى على المستشفى ونزف واحتاج لنقل دم يومها دكتور جون كان موجود وتحليل دمه عرفنا.

— عشان كده يومها صممتن أن مريم تتبرع بدمها، يعني مش عشان هي اللي وقعته وهو بيلعب معاها فى الجنينة، وبما أن هى السبب وفصلتهما واحدة يبقى هي اللي لازم تتبرع له وأنا يومها استغرقت لأنى عارف خوفك الكبير عليها.

– يومها دكتور جون كان عندي واستشرته في حالة مريم المتأخرة
وكان عارف أن فصيلتها نادرة ولما حصل اللي حصل اندesh من
الصدفة وأنا قررت مضيعش وقت.....

لما هو الموضوع كان كده كنت قولى.....

كنت عارف ومتتأكد أني مش هتتوافق

— ورتببت الموضوع وابنى كان هو الضحية على العموم أنا مش
ندمان حتى لو موتى مش مهم

وكان الكلمة الأخيرة جعلت دكتور عصام يفيق على أنه ممسك
بالمسدس بالفعل، وإن اندماجه في النقاش جعله ينسى للحظات ورفع
المسدس وصوبه ناحية حاتم

* * *

قاد الرائد مدحت أن يجن الوقت يمر دون أن يعلم أين ذهب
دكتور عصام منذ هرب من المراقبة ولم يظهر له أثر ، ضاع مجاهده
هباءً بسبب طاقم المراقبة الأغبياء .

اتصل به العميد عماد ليعرف آخر الأخبار وشرح له كل شيء
بصوت محبط حزين ، طلب منه العميد عماد أن يطلعه على الأخبار
أولاً بأول ، أفاق الرائد مدحت من أفكاره على اتصال من طاقم المراقبه
لإخباره أن دورية من الدوريات الراكبة أخبرت شرطة المرور أن هناك
سيارة بنفس الأوصاف تقف بمكان مهجور بأطراف المعادى ، أمرهم
بالتوجه إلى هناك فوراً وأخذ العنوان ليتحقق بهم ومعه القوة .

* * *

حق حاتم بالمسدس وقال بصوت مخنوق: موتني يا دكتور
مستي إيه يلا اضغط على الزناد ...؟!
ولكن دكتور عصام أوقفته قوة خفية وظهرت أمامه أطيات
مختلفة ومتداخلة، كانت هذه الأطيات عبارة عن صور مضيئة لابنته
في مراحل مختلفة من عمرها، وتدخل فجأة عليها صور أخرى غير
واضحة في البداية، ولكنها اتضحت بعد لحظات؛ لقد كانت صور لابن
حاتم وهو ملقى على السرير بغرفة العمليات، عندما قال له دكتور
سامح أن يوسف قد مات، استجمع دكتور عصام قواه وطرد هذه
الأطيات من رأسه، وقرر أن يضغط على الزناد؛ ولكنه لم يستطع؛ لقد
أحس أن أصابعه ترتعش، ثم انتقلت هذه الرعشة إلى ذراعه وخرجت
رصاصة من المسدس؛ لكنها لم تصب الهدف وسقط المسدس من يده،
سارع حاتم والتقط المسدس من على الأرض؛ لكنه سمع صوت عربات
البوليس بسريريتها المميزة آتية من بعيد، وقذف بسرعة المسدس خلفه
بعيداً جداً.

لحظات ورأى جنود الشرطة وهم يطوفون المكان، نزل الرائد
مدحت من العربة مسرعاً واتجه نحوهما سائلاً دكتور عصام: بتعمل إيه
في المكان المهجور ده يا دكتور عصام ...؟.....
فأجابه حاتم مسرعاً: أبداً دكتور عصام كان سائق العربية وفجأة
حس أن دراعه تقيل ومش قادر يحركه فوقفنا.
فنظر له الرائد مدحت نظرة فاحصة، كان واضح أنه يخفى شيئاً،
ثم سأل دكتور عصام مرة أخرى: الكلام ده صحيح يا دكتور؟

وقف دكتور عصام ينظر لكل ما يحدث بذهول وهو ممسك بيده
اليسرى بذراعه الأيمن ولكن سؤال مدحت جعله يفتق من ذهوله قائلاً .
أيوه صحيح ... صحيح ...

كان مدحت لا يصدق كلامها كان يبدو عليه القلق ، ثم ما الذى
حدث لذراع دكتور عصام هل تعارضوا وأصيبت ذراع دكتور عصام ولماذا
يتنازع دكتور عصام مع حاتم وهو رجل المخلص ، لاحظ مدحت فجأة
جرحًا بسيطًا في عنق دكتور عصام فسألته قائلاً: وإيه الجرح اللي في
رقبتك ده يا دكتور ... !؟...

فرد عصام بعصبية: يمكن لما أخذت فرملة فجأة وبعدين خلاص
يا حضرة الضابط مفيش حاجة مهمة ممكن أمشي
. افضل لكن هتسوق إزاي أنت مش بتقول أن ذراعك تقل فجأة .
فتدخل حاتم مسرعًا ليقول: أنا يا بيه هسوق وأوصله للمستشفى ...
فرد دكتور عصام قائلاً: حاتم هيوصلنى عن إدنك ...
قال الرائد مدحت: على العموم أنا همشى بعربى وراكم عشان
أطمأن عليك يا دكتور افضل
أطمأن عليك يا دكتور افضل

وركبا السياره وسار وراءهما الرائد مدحت ، كان يسأل نفسه طوال
الطريق ما الذى يحدث؟ ماذا أصاب ذراع دكتور عصام هل كان هناك
عراك بينه وبين حاتم؟ ولماذا يتنازعوا؟ هل هذا يعني أن حاتم له علاقة
بمقتل مريم أم أنهما هما الاثنين كانوا يتنازعان مع طرف ثالث أحدهما
إصابة للدكتور عصام بذراعه ثم استطاع الهروب .

كثيراً من الأفكار دارت برأس الرائد مدحت؛ لكنه وصل إلى نتيجة واحدة أن ما حدث له علاقه وشقة بمقتل مريم؛ لذلك قرر ألا يفارق دكتور عصام؛ ليعرف ما أصابه ربما يصل لمعلومة مهمة منه أو من حاتم الذى بالتأكيد يعرف الكثير.

* * *

ركبا حاتم سيارة دكتور عصام ليوصل دكتور عصام إلى المستشفى وفي طريقهما قال دكتور عصام لحاتم:

ـ متفترش أنى هسيباك أنا هعرف أنتقم منك....

ـ لكن حاتم قاطعة بلهجة هادئة وبثقة أدهشت دكتور عصام: اهأ يا دكتور البوليس ورانا، أنا عندي فكرة ممتازة بلغ البوليس عنى ولما يسألك إيه الدافع قل لهم إنك قتلت ابنى عارف لو اعترفت على نفسك أنا مستعد أول ما أوصل المستشفى أعترف للرائد مدحت بكل حاجة.

ـ أنت بتتحدى لازم تعرف أنى هاخد حق بنتي بيابدى ...

ـ ما أنت جربت ومقدرش وبعدين أنت قتلت ابنى وأنا قتلت بنتك.

ـ قلت لك مية مرة أنا مكتش قصدى أقتل ابنك؛ لكن أنت قتلتها

ـ من غير لا شفقة ولا ضمير

ـ أبداً يادكتور أنا قتلتها بمنتهى الشفقة، قتلتها بالسم ...

ـ بدا على دكتور عصام الغيظ والغضب الشديد وهو يقول: أنت قتلت بنتى الوحيدة، أنت فاهم... الوحيدة؛ لكن أنت عندك خمسة غيره. خمس بنات يا دكتور وأنت عارف أنه عندى ببناتى كلهم وأكتر.

كاد أن يرد عليه لكن حاتم استوقفه عندما أوقف السيارة قائلاً:
وصلنا

نزل دكتور عصام وحاتم وأسرع الرائد مدحت بالنزول من سيارته
ورافقهما إلى داخل المستشفى.

* * *

فوجيء دكتور عصام بـدكتور فوزي عند باب المستشفى وقال
دكتور فوزي: عصام أنت فين أنا رحتلك البيت مكنتش موجود قلت
يمكن تكون في المستشفى.

لكنه لاحظ أن ذراع دكتور عصام الأيمن جامداً ويمسكه بيده
اليسرى فقال: دراعك ما له...؟!

أبداً فجأة حسيت بتتميل غريب في كل دراعي ...

. طيب تعال معايا نفحصه ونشوف في إيه بالضبط ...؟!

سار دكتور عصام مع دكتور فوزي ووقف الرائد مدحت مع حاتم
وهو ينظر له نظرة شك وريبة، ثم سأله قائلاً: أنت ودكتور عصام كنتم
رايحين فين ...؟!

تلعثم حاتم قائلاً: الحقيقة أنا مش عارف هو اتصل بيأ و قالى
استثناني هنروح مشوار مهم ...
مقلش مشوار لغين ...؟!

. أبداً

وبعد فتره رأى الرائد مدحت دكتور فوزي وهو يبدو عليه الحزن
فسألة قائلاً: خير يا دكتور ...

فأجابه قائلاً: لا حول ولا قوة إلا بالله
وكرر هذه الجملة عدة مرات فنظر كلا من حاتم والرائد مدحت
إليه بدهشة قائلين في صوت واحد: خير يا دكتور إيه اللي حصل...؟!
فأجابهما قائلاً: ذراعه أصابه الشلل
كانت المفاجأة كبيرة على حاتم وسأل الرائد مدحت قائلاً: إيه
السبب؟

— مفيش سبب عضوي واضح أن السبب نفسي، أنا عارف أن
موت بنته أثر عليه؛ لكن مكنتش فاكر أن الموضوع هيوصل للدرجة
دى.

ممكن أشوفه ...

آسف من ساعة ما عرف نتيجة الفحص، وهو مش عايزة يشوف
حد، حضرتك متعرفش يعني إيه ذراع جراح تصاب بالشلل!
وجد الرائد مدحت أنه فعلاً من الأفضل الانصراف أما حاتم
فوقف مذهولاً للحظات، ثم قرر الانصراف أيضاً.

* * *

ظل الرائد مدحت طوال الطريق لمديرية الأمن يفكر فيما حدث
هل دكتور فوزي على حق في أن ماحدث بسبب موت ابنته أم أنها
بسـبـب معرفته من قتل ابنته؟! وحتى إن كان قد عرف من قتل ابنته،
هل هو شخص مقرب له لدرجة أن يصاب بصدمة لهذه الدرجة؟ لقد
اتهم أخوه في البداية؛ ولكن لو كان هو بالفعل فما هو الدافع، ولو كان
هو بالفعل فلماذا يصاب بصدمة، فهذا ما كان يتوقعه منذ البداية، فكر

الرائد مدحت أنه ربما يكون شخصا آخر أقرب من ذلك للدكتور عصام مثل مدام سوسن أو دكتورة نبيلة، ظل الرائد مدحت في حيرته تتارجح برأسه كثير من الأفكار، دون أن يصل لنتيجة مقنعة، وصل الرائد مدحت لمديرية الأمن ودخل لمكتب العميد عماد وحكي له كل ماحدث، وبذل مجهوداً كبيراً؛ ليقنع العميد عماد باستمرار مراقبة المشتبه بهم، وافق العميد عماد ونصح الرائد مدحت أن يذهب لمنزله ليأخذ قسطاً من الراحة، اقتنع الرائد مدحت أنه يحتاج فعلاً للراحة بعد هذا اليوم الطويل الملئ بالأحداث، في نفس الوقت تمكن اليأس من العميد عماد في حل هذه القضية.

* * *

الفصل السابع

مرت الأيام سريعة والرائد مدحت مستمر في المراقبة، أما الدكتور عصام فتوقف مستقبلاً كطبيب وترك الإدارة للدكتور فوزي خاصية بعدها علم أن سوسن باعت له نصيتها، اشتري فيلاً صغيرة وأقام بها وتمكن من الأحزان تماماً، حاول دكتور فوزي أن يقنعه بالخضوع للعلاج النفسي؛ ولكنه دائماً يرفض ذلك وبشدة، هناك شعور دفين داخله بالمرارة وبالرغبة في الانتقام، كثيراً ما يسأل نفسه لماذا لم يقتل حاتم في تلك اللحظة؟، كثيراً ما يكون بداخلي مشاعر متناقضة وغريبة لا نفهمها، نفس هذه المشاعر هي التي جعلته لا يبحث عن حاتم لينقم؛ سأله نفسه هل كان سيستطيع أن يقتله فعلاً لو رجع به الزمان للوراء، ووسط هذه الوحدة التي فرضها على نفسه ظل يتذكر كل شيء مر في حياته بالتفصيل وخاصة مريم، يتذكر كيف كانت حالته عندما علم أنها مريضة بالكبد؛ ولكنه تماسك وظل يقع نفسه أن الأمر بسيط، ولماذا يفزع وهو الدكتور المعتمد على هذا النوع من العمليات. إنه يجد كل يوم العديد من المتبرعين لمرضاه، إذن لن يكون صعباً عليه أن يجد متبرع لابنته، وكانت صدمته كبيرة عندما علم ندرة فصيلة دم ابنته، وطلب العون من دكتور جون ليبحث له عن أي متبرع من نفس الفصيلة، حتى لو كان من خارج البلاد، ومرّ عام دون جدوjy وحالة مريم تسوء وكاد أن يفقد الأمل، إلى أن جاء ابن حاتم مع أبيه للفيلا

ودخل حاتم معه إلى المكتب وترك ابنه بالحديقة، وسمع بعد قليل صوت صراخ ابن حاتم بعد وقوعه من أرجوحة الحديقة وكان ينزف، ونقله بسرعة للمستشفى، وعرف من دكتور جون أن المتبرع الذي كان يبحث عنه في كل أنحاء العالم موجود بجانبه طوال الوقت، ولم يضيع الوقت، كانت حالة مريم تسوء يوماً بعد يوم، وضع خطة محكمة أرسل حاتم للإسكندرية لاستلام بعض الأجهزة الطبية من الجمرك، واتفق مع عليش أن يصدم ابن حاتم بالتاكسى الذى يعمل عليه وهو يلعب فى الحرارة صدمه خفيفة، ثم يجرى مسرعاً قبل أن يمسكه أحد، واتفق مع من يتدخل عندما يزدحم الناس لتخيير ابن حاتم، وكأنه أغمى عليه من الصدمة، واتفق مع آخر أن يجري على العيادة؛ ليخبره أمام الناس أن ابن حاتم صدمته سيارة، فهرع إليه ونقله للمستشفى وبالطبع مستشفى الصفا وليس المستشفى الأخرى التي يقوم فيها بعمليات زراعة الأعضاء، حتى لا يشك حاتم عندما يعود؛ ولكن للأسف علىش الغبي صدمه صدمة شديدة ولم يتحمل الولد ومات بعد استئصال جزء من كبدة؛ ليزرع لمريم، ظل دكتور عصام يفكر في تلك التفاصيل كل يوم، ولا يقل من أحزانه سوى زيارة أخيه له بشكل دائم وبالرغم مما كان بينهما في السابق من خلافات، حاول أستاذ فتحى أن يقف بجانب أخيه قدر استطاعته.

* * *

مرت الأيام على مدام سوسن بسرعة وهي تكمل إجراءات إنشاء الملجأ، وكانت سعادتها بالغة عندما رأت الأطفال تلعب وتجري من

حولها، أحسست وقتها أن الله عوض لها عن ابنة واحدة بالعديد من الأطفال؛ لكنها في الحقيقة لم تنس مريم أبداً، ولا دكتور عصام، ولم تنس ذلك اليوم المشؤم التي خرجت وراء عصام. كانت في البداية لا تبالى أن يراها أحداً، لكن داده سميحة نصحتها أن تخرج من الباب الخلفي، لقد رأت البوابة خالية وليس عندها حرس فإذا كانت هذه مجرد مكيدة من بعض المفترضين، ليس هناك داع أن يعلم دكتور عصام أنها شكت فيه، وغطت داده سميحة على غيابها بأنها نائمة؛ ولكنها عندما اكتشفت إختفاء مريم اتصلت بها ورجعت من منتصف الطريق مسرعة، وعندما وصلت عند البوابة الرئيسية وجدت الحراسين يبحثان في الحديقة، ولا يجلس عند البوابة غير عم محمد فدخلت دون أن يلحظها أحداً، تمنت كثيراً أن يعود الزمن وأن تجد مريم أمامها، علمت بعد فترة ما حدث لدكتور عصام ورغم كل شيء حزنت على ما ألم به؛ ولكنها لم تسامحه قط، حاول هو الاتصال بها مرة بعد مرة؛ دون جدوى حتى فقد الأمل، وبين حين وآخر يطمئن عليها بمعرفة أخبارها من أخيه.

* * *

قرر حاتم أن ينتقل من القاهرة هو وأسرته إلى أي محافظة أخرى، ووقع اختياره على الإسماعيلية، وفتح سوبر ماركت كبير هناك وقرر أن يترك مهنته إلى الأبد، برر جميع العاملين بالمستشفى تقديمهم لاستقالته بأن زمام الأمور أصبح في يد دكتور فوزي بالمستشفى، أو أنه حزين على دكتور عصام ولن نعمته؛ أو لأنه لن يدخل له الدخل الذي كان يدخل له من قبل، فبحث عن عمل آخر.

حاتم كان يشعر دائمًا أنه مطارد، لذلك لم يخبر بمكانه أحد، لكنه لم يشعر أبدًا بالذنب، خاصة عندما يتذكر كيف صارت الأمور كما أراد، بل وأفضل مما أراد، منذ أن عرف بحقيقة موت ابنه وهو يفكر في قتل مريم، نعم لابد من قتلها، قتلها هو الشيء الوحيد الذي يشفي غليله، وجاءته فكرة الخطة كاملة عندما رأى صالح أول يوم استلم العمل في طاقم الحراسة بفيلا دكتور عصام، لقد تذكره فوراً نعم هو صالح ابن عم درويش الذي مات بعد ٣ شهور من المعاناة من الآثار الجانبية التي حدثت نتيجة بيع كليته اليمني، وتذكر كيف جاء إلى المستشفى واتخاق خناقة لرب السما، ظل يقول بصوت عال: مين المسؤول عن المستشفى دي والله لأبلغ البوليس ...؟!

حاولت دكتورة نبيلة في البداية تهدئته وعندما فرغ صبرها صاحت بصوت عال بثقة: أعلى ما في خيلك اركبه، هات دليل واحد يثبت كلامك، هات أي حاجة تثبت أن أبوك أجرى أي عملية في المستشفى.....

خرج وهو يائس، واستغل حاتم أن صالح لم يره ولا يعرفه فضرب معاه صحبيه، فكلما أتى للدكتور عصام كان يحرض أن يجلس معه عند البوابة عدة دقائق يدرش معه قليلا، في إحدى المرات تعمد أن يسأله عن أسرته، فحكى له عن والده كيف عانى قبل أن يموت فقال حاتم بغضب: إيه ده الناس خلاص باعت ضميرها....

ومرت الشهور والأسابيع وحاتم يفكر في وضع خطة محكمة، وجاء يوم عيد ميلاد مريم وتعمد حاتم أن يجلس مع صالح عند البوابة

الخلفية، والمدعون يدخلون وعندما لمح سيارة دكتورة نبيلة تدخل من البوابة الرئيسية قال لصالح: شوفت البلونات اللي عند حمام السباحة أول مرة أشوف بلونات بالشكل ده .

قال صالح: يا سلام شكلها غريب قوي.

تعال بنفسك وشوفها ...

لأ ... مقدرش أسيب البوابة ...

يا عم البوابة مقولة بالقفل وبعدين دي دقيقة....

وذهب معه واقترب من حمام السباحة ثم قال: شكلها عادي أنا شفت زيها كتير في الفل اللي اشتغلت فيها قبل كده.

ولكن حاتم كان مشغول بشيء آخر لقد ركنت دكتورة نبيلة سيارتها وعندما اقتربت منها قال حاتم: مساء الخير يا دكتورة فأجابته قائلة: مساء النور

ودخلت الفيلا وعندما نظر حاتم لصالح فوجده يقف بذهول ثم سأله: قائلًا: مين دي يا حاتم؟!

فرد عليه وهو واثق أن خطته قد نجحت: دكتورة نبيلة مساعدة دكتور عصام.....

مش ممكن

خير يا صالح

هي المستشفى اللي بتشتغل فيها اسمها إيه ؟

. الصفا

— لاً ... مش نفس المستشفى .. هي بتشتغل في المستشفى من
زمان

— من ٧ سنين تقريباً واضح أن الحكاية كبيرة تعالى نقدر عند
البوابة واحكي لي كل حاجة.

جلسا معاً عند البوابة وقال صالح: فاكر الدكتورة اللي حكيت لك
عنها مديرية المستشفى ...
..... طبعاً .

هـ نفسها دكتورة نبيلة
مش ممكن أكيد اختلط عليك الأمر معقوله !
صدقـى ...

— طيب اهدأ أنا أستاذن دلوقتي عشان أحضر عيد الميلاد عن
إذنك ،

ذهب حاتم وترك صالح وهو يقول لنفسه: أكيد بتعمل العمليات
إياها من ورا الدكتور أكيد

وقرر حاتم أن يترك صالح في حيرته لفترة، ركز حاتم اهتمامه
في الأيام التي تلى يوم عيد الميلاد في الاتصال بمدام سوسن كفافع
خير؛ ليخبرها أن هناك علاقة بين دكتور عصام ودكتورة نبيلة، وكرر
هذه المكالمات عدة مرات خلال هذه الفترة، وكانت دائماً تغلق السمعاء
في وجهه؛ لكن في آخر مرة صاحت فيه غاضبة وهي تقول: قولـى دايل
واحد على كلامـك

تأكد ساعتها أن خطته قد نجحت وواعدها أنه لن يتصل بها مرة أخرى إلا ومعه الدليل، ثم قرر أن يكمل خطته مع صالح، اتصل به في بيته وأخبره أنه توصل لمعلومات مهمة بخصوص دكتورة نبيلة واتفق معه أن يقابلها فوراً في القاهرة التي بجوار المنزل، نزل صالح لمقابلته كان يتظاهر بالدهشة والغضب الشديد فسألها صالح: ما لك إيه اللي حصل ...؟!!

— تخيل عرفت بالصدفة أن دكتور عصام ودكتورة نبيلة ورا قتل ابنى
إزاي ويقتلوه ليه ؟!

— هقولك كل حاجة لكن لازم تعرف أن دكتورة نبيلة مجرد برفان للدكتور عصام وأنهم بيتجروا في أعضاء الناس الغلابة اللي زي والدك ! . معقولة .

أنا متأكد من كل كلمة بقولها

طيب اشرح لي كل حاجة بالتفصيل

شرح حاتم لصالح كل شئ عن تجارة الأعضاء التي يديرها دكتور عصام والمستشفى التي تديرها في الظاهر دكتورة نبيلة؛ لكنها في الحقيقة ملك دكتور عصام، أى أن دكتور عصام هو رأس الحية؛ لكنه بالطبع لم يخبره أنه جزء رئيسي في كل ذلك وتظاهر بالسذاجة وأنه لم ينتبه لذلك إلا عندما تعرف صالح على دكتورة نبيلة يوم عيد الميلاد، فبدأ يربط بعض الأحداث ببعضها فإنتابه الشك تجاه دكتور عصام وقرر أن يراقبه حتى يتأكد من حقيقة الدكتور الذي يعمل معه

لأنه لا يحب أن تأكل بناته من مال حرام، وأنثناء ذلك وقع عليه خبر آخر كالصاعقة عندما تاصص ليسمع حواراً كان يدور بين دكتور عصام ودكتورة نبيلة فعرف بالصدفة حقيقة مقتل ابنه وشرح له كل شيء عن ابنه وابنة دكتور عصام وكيف دبر دكتور عصام كل شيء بذكاء شديد، نظر حاتم في عين صالح بعد ما شرح له كل شيء فوجد بها النظرة التي كان يريدها، نظرة مليئة بالغضب والغثيان ثم قال حاتم بقوه: والله العظيم ما هسيب حق ابني.....

فرد صالح مسرعاً: نبلغ الشرطة ...

فجاء رد صالح مخيب لأمال حاتم وقال مستهزئاً: بوليس إيه يا صالح دي ناس واصلة أنا لو قلت لك اسم واحد بس من اللي بيعمل لهم عمليات زرع أعضاء هيغمي عليك وبعدين إحنا مش معانا أي دليل مادي

فرد عليه صالح في خيبة أمل: والعمل ؟

. أنا عن نفسي هاخد حقى بأدى

! . إزاي !؟

وببدأ حاتم يقنعه أنهم يجب أن يتحدا ليأخذ كل واحد منهمما حقه وأقتلع صالح وحاول أن يقنعه أيضاً بالتقدير في خطة لخطف مريم فهي نقطة الضعف الوحيدة للدكتور عصام؛ لكن صالح اعترض قائلاً: بس مريم طفلة صغيرة ملهاش ذنب

فقطاعده حاتم بحدة وقال: وابنى إيه ذنبه وأبوك كان ذنبه إيه

!؟...

وبعد جدال طويل بينهما أقنعه ببعض الأحاديث والآيات القرآنية التي تتحدث عن القصاص وأن الطفل بالطفل والرجل بالرجل والمرأة بالمرأة، وتركه يفكر، وأى واحد منها يصل لخطة مناسبة يتصل بالآخر؛ لكن حاتم لم ينتظر وذهب للفيلا في اليوم الذي يليه متظاهراً أنه ذاهم للدكتور عصام، وبالفعل دخل وتحدى معه طويلاً، ثم خرج ومرّ على صالح عند البوابة واتفق معه أن يقابلها بعد مواعيد عمله وبالفعل تقابلاً وأخبره حاتم أنه توصل لخطة ممتازة، تتلخص الخطة في أن يحاول صالح أن يقنع مريم أن تنزل من أتوبيس المدرسة عند الباب الخلفي للفيلا؛ ليفتح لها الباب وبذلك تستطيع أن تلعب مع الكلب ولو لمدة دقائق كل يوم دون أن يعلم أحد، خاصة والدها الذي يمنعها من اللعب معه، كان حاتم يعلم أن مشرفة الأتوبيس والسائق سيوافقان فوراً فكثيراً ما كان يشتكي السائق من صعوبة الوقوف أمام البوابة الرئيسية وأن أسهل له أن ينزل مريم عند البوابة الخلفية، كل ما كان يحتاجه حاتم يوماً واحداً تنزل مريم عند الباب الخلفي، فيكون هو في انتظارها خارج الفيلا وعندما تنزل مريم من الأتوبيس وتتجه نحو البوابة يتظاهر صالح أن مفاتيح الأطفال ليست معه ويذهب لإحضارها ويظهر حاتم لمريم ويسألها لماذا تقف عند البوابة الخلفية بالطبع سترتكب ومهما قالت سيقنعها حاتم أن يمشي معها للبوابة الرئيسية وفي الطريق سيعطيها حلوى بها منوم ثم يأخذها في السيارة المركونة في شارع جانبي، اعترض صالح في البداية خوفاً أن تقول مريم لأى أحد على هذا الاتفاق وعندما تخطف يكون هو أول المتهمين؛ لكن حاتم أقنعه أنه إذا أكدا

على مريم أن لا تخبر أحداً بهذا الاتفاق بالتأكيد لمن تفعل، واتفقاً أن يتلقى معها في نهاية الأسبوع ليتم تنفيذ الاتفاق في بداية الأسبوع الدراسي يوم الأحد، علم حاتم من متابعته المستمرة للدكتورة نبيلة أنها ستقابل دكتور عصام يوم الجمعة ١٢ صباحاً وتذكر وعده لمدام سوسن فاتصل بها وأخبرها عن المقابلة والموعد وأعطى لها عنوان الشقة، أما صالح فلم يضيع الوقت.

في نفس اليوم اتفق مع مريم وببراءة الأطفال وافقت وبسرعة؛ لكنها أيضاً اقترحت عليه لكي تلعب مع الكلب أكبر وقت ممكن أن يصفر لها بطريقة اتفقت عليها معه عندما يكون الطريق خال بالجنبية وهي بغرفتها فإذا أجبت بـ صـ فـ اـ رـة مـ مـ اـ لـة فـ مـ عـ نـى ذـ لـ كـ أـ نـ الطـ رـ يـ قـ خـ الـ عـ دـ هـ اـ أـ يـ ضـ اـ وـ اـ نـ هـ سـ تـ اـ تـ يـ لـ عـ بـ مـ سـ يـ زـ .

وجاء يوم الجمعة وما حدث فيه فاق كل توقعات حاتم، اختار حاتم مكاناً بعيداً إلى حد ما، ووقف بسيارة استأجرها؛ ليكشف الفيلا من بعيد ويستطيع مراقبة كل شيء، خرج دكتور عصام في الساعة العاشرة والنصف، وفجأة لاحظ حاتم شوقي يركض بسرعة ويوقف تاكسي ويركب به، ثم خرجت مدام سوسن بعده بخمس دقائق من اتجاه البوابة الخلفية وركبت سيارة كانت تنتظرها بالخارج وعندما اطمأن حاتم أن خطته سارت على ما يرام، ذهب ليり عن قرب البوابة الخلفية ولمعت في رأسه فكرة وهي أن يعدل الخطة، قال لنفسه كم هذه الفتاة متعاونة فاتفاقيها مع صالح أن يصفر لها عندما يكون الطريق خال سلائلياً لمصلحتي، واستبدل الحلوى بنوع العصير الذي تحبه مريم وذهب

لشرائه من محل قریب ووضع السم بداخل زجاجة العصير وأغلقها
جيداً، رجع مسرعاً للبوابة الخلفية، كان حاتم يصرخ بالطريقة التي أخبره
بها صالح؛ لكنه فوجيء بصالح من خلفه يقول له: حاتم بتعمل إيه
هنا....!؟.....

فقال له حاتم بلهفة: كويس أنك وصلت بدرى عن ميعادك يلا
صفر لمريم....

أصفر لها ليه !؟....

هانفذ الخطة النهارده

إزاي وشوقى ...

— شوقى مشى من ربع ساعة ومدام سومن والدكتور كمان يعني
الطريق خال

وافرض أن شوقى رجع !؟

عندك حق معاك نمرته

أيوه

— اتصل بيه وحاول تفهمه أنك هتأخر وأطلب منه ينتظرك لحد
متوصل وشوف هيرد يقولك إيه !؟....!

واتصل صالح بشوقى ثم ابتسم وأغلق الخط وقال لحاتم: بيقول
إنه ميقدرش يسستى وأنه هيمشى فى ميعاده لأن مراته بتولد فى
المستشفى فرد حاتم فى سعادة: عظيم يلا بسرعة خد العصير ده وشربه
لمريم وأنا هستخنى وأول ما تنتم شاور لي

وأحضر حاتم السيارة بالقرب من البوابة ولم يخبر صالح أن العصير به سم حتى لا يرتكب وأخبره أنه منوم، صفر صالح لمريم فردىت عليه بصفارة مماثلة ونزلت مسرعة، شربت مريم العصير وعندما أحس صالح أن المنوم بدأ مفعوله أشار لحاتم، جاء حاتم مسرعاً وأخذ مريم في السيارة وتمت الخطة كما رسمها حاتم

* * *

عدم إحساس حاتم بالذنب جعله يكمل حياته، بعد فترة تجدد شوقة في أن يكون له ولد وبحث عن عروس مع الاحتفاظ بأم البنات طبعاً وبلغت سعادته مداها عندما علم أنها حامل وظل يدعى الأ أيام ويدعو أن تجبر له الولد وما زال ينتظر

* * *

كان يوم سعده عندما اتصل به دكتور عصام ليأتي لمقابلته، لم يتوقع دكتور سعيد أن يبتسם له الحظ بهذه السرعة، سأله دكتور عصام هل يريد شراء المستشفى فأجابه أنه بالطبع يريد ذلك، كانت أقصى أمانيه أن يكتبها له دكتور عصام ويأخذ عليه أوراق ضد ويتركها تحت إشرافه، لكن دكتور عصام عرض عليه أن يشتري المستشفى فعلياً وأن يدفع ما يمكنه فوري والباقي يكتب به ١٠ شيكات وعندما يجمع مبلغ الشيك الأول يدفعه له وبأخذ الشيك وهكذا في باقي الشيكات حتى يسدد ثمن المستشفى بالكامل، وافق دكتور سعيد وراح يجتهد لجمع المبالغ المطلوبة منه بسرعة فائقة، لم يكن في الحقيقة دكتور سعيد دكتور متميز في مهنته، كان دائمًا يستعين به دكتور عصام كطبيب مساعد،

بعض أن يتم تخدير المتبرع والمريض، يدخل دكتور عصام ودكتورة نبيلة غرفة العمليات حتى لا يتعرف عليهما المتبرع، بعد ذلك تقوم دكتورة نبيلة مع دكتور سامح باستئصال العضو المطلوب من المتبرع، ثم يقوم دكتور سعيد وعدد آخر من الأطباء بتولى أمر المتبرع أما دكتور عصام فيتولى أمر المريض من البداية إلى النهاية بحرص شديد؛ لذلك قرر دكتور سعيد أن يتولى الإدارة وليس كما كانت تتطاير دكتورة نبيلة أمام المتبرع في السابق واستعلن بعدد إضافي من الأطباء، في الحقيقة إن المرضى المتربدين على المستشفى لم يكونوا في نفس المستوى المادى للمتربيين في السابق، وبالتالي فهم لا يدفعون بنفس السخاء مما دفع دكتور سعيد لجلب متربعين من العشوائيات وأطفال الشوارع ليدفع لهم مبالغ زهيدة وبذلك استطاع أن في فترة قصيرة تسديد ٣ شيكات من ثمن المستشفى وبسرعة فائقة أذهلت دكتور عصام نفسه.

* * *

ظللت الكوابيس تطارد صالح في منامه، رغم أنه استطاع أن يتماسك خلال فترة التحقيق، إلا أنه لم يستطع نسيان صورة مريم، تلك الطفلة البريئة التي صدقته، بدأت والدته تلاحظ ارتباكه المستمر ونفسيته المتعبة باستمرار، وكثيراً ما كانت تلح عليه في السؤال عن سبب ما ألم به لكنها لم تجد عنده إجابة شافية، وبمرور الأيام كبر لديه الإحساس بالذنب وبدأ يكثر من الصلاة والصوم وقراءة القرآن، في البداية فرحت والدته ولكن بعد فترة بدأت تشعر أن الأمور تزيد عن

حدها، انتهى به الحال إلى أن ترك العمل بشركة الأمن واكتفى بوظيفة صغيرة بدار المناسبات بجامع الحي الذي يسكن به.

* * *

استدعي العميد عماد الرائد مدحت قائلاً: انقضى قضية جديدة...

فأجابه باستغراب: قضية إيه يا فندم؟!

. واحد بلغ عن اختفاء زوجته ...

. قضية مريم؟!

. القضية اتحفظت

. إمتى...؟!

. النهارده ...

. لكن يا فندم ...

- مدحت انقضى ده ملف القضية الجديدة أتمنى يحالفك الحظ فى حلها أنا عارف أن أنت كفاءة عالية لكن لازم تعرف أن حفظ بعض القضايا ده شيء عادي ...
حاضر يا فندم ...

وخرج الرائد مدحت وبيده ملف القضية الجديدة وهو يسأل نفسه ما مصير هذه القضية هل سيسحلها أم تصيرها كسابقتها الحفظ...؟!

تمت

السيرة الذاتية

* داليا (محمد رضا) بلال

* اسم الشهرة: داليا محمد رضا

* محل الميلاد: القاهرة

* عضو باتحاد كتاب مصر

* بكالوريوس إدارة حاسوبات ونظم معلومات/ أكاديمية السيدات بالمعادى
العمل: (Specializing in e-learning) web designer

* نشرت الكثير من كتاباتها بالموقع الإلكترونية

** صدر للكاتبة

* اختفاء مريم . رواية . سندباد للنشر بالقاهرة ٢٠١٠

* اغتيال يوسف . رواية . سندباد للنشر بالقاهرة ٢٠١١

* أموال ودماء . رواية . سندباد للنشر بالقاهرة ٢٠١٣

* عمارة الموت . رواية . ليلي للنشر والتوزيع (كيان كروب) ٢٠١٧

** للتواصل مع الكاتبة عبر البريد الإلكتروني:

Dalihamohamed510@yahoo.com

** للتواصل مع الكاتبة عبر الفيسبوك :

https://www.facebook.com/Novelist.Dalia.Mohamed.Redaa/?eid=ARCK8vvQSaECTIR63asXCP_cw_qeX5iv4CtYb6TQfoRsb9HW9x35ibcthGDSk_14zociWRT_Smnqx86x

قائمة إصدارات سندباد للنشر

- ١ . بالوظة . فؤاد حسين . مصر . قصص
- ٢ . المايسترو . محمود ماهر زيدان . مصر . قصص
- ٣ . الرقص تحت المطر . حسن البقالى . المغرب . قصص
- ٤ . الولد الذي تخطى السور . جهاد الرملبي . مصر . قصص
- ٥ . كأس بيرة . سهيلة بورزق . الجزائر / أمريكا . قصص
- ٦ . رجل مجنون، هل فعل أحبه؟! . فادية إبراهيم . مصر . قصص
- ٧ . للعشق وجه آخر . فوزية دياب . مصر . شعر
- ٨ . مطعم اللحم الآدمي، يرحب بكم/ الحسن بنمنونة/ المغرب/ قصص
- ٩ . طوفان . إسماعيل البوحياوى . المغرب . قصص
- ١٠ . شاطئ الحنين . عزة دياب . مصر . قصص
- ١١ . دعوة للحب . فوزية دياب . مصر . شعر
- ١٢ . ترانيم الغروب . فوزية دياب . مصر . شعر
- ١٣ . العزف على أوتار الألم . فوزية دياب . مصر . شعر
- ١٤ . درة الشرق . فوزية دياب . مصر . شعر
- ١٥ . بأسنة الرماح . شوقي مسلمانى . لبنان / أستراليا . قصص
- ١٦ . النّقش بالحناء . حنان كوتاري . المغرب . قصص
- ١٧ . إلى رجل قد يأتي . روزمين الصياد . السودان . شعر
- ١٨ . عشيقة عربي . محمد السنباطى . مصر . رواية
- ١٩ . مقهى قدوس حنين . رضا عودة . مصر . رواية
- ٢٠ . قواعد الميراث . إبراهيم نسيم . مصر . دراسة
- ٢١ . مرايا الغروب . فوزية دياب . مصر . شعر

- ٢٢ . مسافرة للصمت . فوزية دياب . مصر . شعر
- ٢٣ . زينب وأخواتها . فاطمة فوزي . مصر . قصص
- ٤ . أرض الميت . هشام آدم . السودان . رواية
- ٥ . أنهار لا تعرف الخوف . جمال مرسي . مصر . شعر
- ٦ . اعترافات الورد والشوك . إيهاب سلام . مصر . رواية
- ٧ . أجنحة صغيرة . سمية البوغافيرية . المغرب . قصص
- ٨ . إعصار الحب . حمدي الهواري . مصر . شعر
- ٩ . أزمنة الرحيل . صلاح خليفة . السودان/ أمريكا . شعر
- ١٠ . بنات الخرطوم . سارة منصور . السودان/ أمريكا . قصص
- ١١ . نور في بداية النفق . لمي منير . العراق . قصص
- ١٢ . التي في خاطري . حسن حجازي . مصر . شعر
- ١٣ . إفلاس دولت . أمانى الشرقاوى . مصر . قصص
- ١٤ . قراءة في أجدبيات مغاربة . صالح الهنيدى . السعودية . شعر
- ١٥ . وطن اسمه آفيفان/ بدل رفو المزوري/ كودرستان العراق/ شعر
- ١٦ . ترانيم للشوق والعذاب . أحمد فتحى . مصر . شعر
- ١٧ . عيون الفجر الزرقاء . إدريس الجرماطى . المغرب . رواية
- ١٨ . حبيبي تفتح بساتينها . محمود قحطان . اليمن . شعر
- ١٩ . بيت فنانة . صفاء عبد المنعم . رواية . مصر
- ٤ . اللجوء السياسي..الملف الأسود/ سارة منصور/ قصص/ السودان
- ١ . مغراج لِسَمَاءٍ تَحْرَقْ . ثقى المُرسِي . مصر . شعر
- ٢ . أسرار الليل . إدوارد فيليبس . مصر/ أمريكا . قصص
- ٣ . ليلة الحب الأخيرة . محمد الكاشف . مصر . قصص
- ٤ . أمريكي من حي الزباليين/ إدوارد فيليبس/ مصر/ أمريكا . مسرحية
- ٥ . الطافش . حسن الجوخ . مصر . مجموعة قصصية

٦. طلي ثريات البشارة . وحيد عبد الخالق راغب . مصر . شعر
٧. عصعص . فرج محمود . مصر . رواية
٨. الآباء ليسوا ملائكة . زهرة جقريف . الجزائر. رواية
٩. مثل فيل يبدو عن بعد / حسن البقالى/ المغرب/ قصص قصيرة جداً
١٠. فساتين النشوة . أمانى الشرقاوى . مصر . رواية
١١. القاغيش . محمد البلال بوغنيم . المغرب . قصص
١٢. أستميحكِ ورداً . سامي العامري . العراق/ ألمانيا . شعر
١٣. تأملات قرح . عبد ربه أسليم . غزة/ فلسطين . شعر
١٤. البحث عن نيرمانا بأصابع ذكية . شريف الشافعى . شعر . مصر
١٥. أيام الراقصة صوفى . محمود ماهر زيدان . رواية . مصر
١٦. اختفاء مريم . داليا محمد رضا . رواية . مصر
١٧. نقش على جدار الذكريات . ماجد الملذى . شعر . سوريا
١٨. الموت والميلاد . د. نزار الجبورى . شعر . العراق
١٩. وجдан وأشلاء دماها . خالد أقلعى . قصص . المغرب